

يا رسول الله



يا رسول الله



کتابخانه ملی
جمهوری اسلامی ایران

پارچه‌های



مرتب: تبیان و خمی

سارے حق سانچے

.....☆☆.....

یار رسول اللہ ﷺ	کتاب
میاں اقبال زخمی	مرتب
ادارہ پنجابی لکھاریاں جیا موسیٰ شاہدرہ لاہور فون ۷۹۲۰۹۲۹	ناشر
لکھاری کمپوزرز جیا موسیٰ لاہور فون ۷۹۲۰۹۲۹	کمپوزنگ
امجد اقبال امجد	کمپوزر
امجد اقبال لکھاری گرافکن جیا موسیٰ شاہدرہ لاہور فون ۷۹۲۰۹۲۹	سرورق
خادم پرنٹنگ پریس چیئر مین روڈ لاہور	پریس
۲۰۰۳ء	پہلی وار
۱۰۱ اور درود پاک پڑھ کے حضور ﷺ دے حضور پیش کیا جائے	ہدیہ عام ایڈیشن
روپے	لاہوری ایڈیشن

ورقاوے

ادارہ پنجابی لکھاریاں جیا موسیٰ شاہدرہ لاہور فون ۷۹۲۰۹۲۹



صبا جاویں مدینے استغاثے نال لے جاویں
تے آکھیں نذر زخمی نے گھلائی یا رسول اللہ ﷺ

ﷺ

کرم دے نال ویکھیں اک واری یا رسول اللہ ﷺ
میں بے کس بے نوا ہاں اک بھکاری یا رسول اللہ ﷺ

تری فرقت دے زخماں نوں میں دل دے داغ کیوں آکھاں
ہے سینے وچ مرے فصل بہاری یا رسول اللہ ﷺ

توہیں تسکین ہیں دل دی توہیں ہیں جان دی راحت
دکھا چہرہ تے جاوے بے قراری یا رسول اللہ ﷺ

توہیں مولاً توہیں آقا توہیں وارث ترے باجھوں
کرے گا کون میری غم گساری یا رسول اللہ ﷺ

نزع دے وقت بھی مکھڑا دکھاویں اپنے جامی نوں
ایہو امید ہے مینوں میں واری یا رسول اللہ ﷺ
مولانا جامی / پنجابی روپ اعظم چشتی

شیشہ

۱۱	بروفیسر عبدالجبار شاہ	بسم اللہ
۱۷	ڈاکٹر آفتاب احمد نقوی	ایہ حسرت اے مدینے میں وی آواں یا رسول اللہ ﷺ
۱۸	ابن صدیق محمد حسین	ایہ حسرت اے مدینے میں جاواں یا رسول اللہ ﷺ
۱۹	اثر انصاری	تیرے ناں دے ڈگے وجے میں ہر جا یا رسول اللہ ﷺ
۲۰	احسان اللہ طاہر	تھاڑی سوئی عادت میں صدقے یا رسول اللہ ﷺ
۲۱	احمد جلیل	تیری کمبلی دیاں ٹھنڈیاں میں چھاواں یا رسول اللہ ﷺ
۲۲	محمد احمد شاہ	تھاڑاں ای ایڈا اے رسیلہ یا رسول اللہ ﷺ
۲۳	حاجی اختر حافظ آبادی	سدا دا جھورنا کے خدا را یا رسول اللہ ﷺ
۲۴	اختر شاہ	کدے سدے مدینے میں وی آواں یا رسول اللہ ﷺ
۲۵	اختر ہاشمی	کرم دی اک نظر ہووے خدا را یا رسول اللہ ﷺ
۲۶	ارشاد اقبال ارشد	تسیں محبوب رب دے او پیارے یا رسول اللہ ﷺ
۲۷	ارشاد شاہد	کدی بن کے پراؤنا یا رسول اللہ ﷺ
۲۸	حکیم ارشد شہزاد	تیرا ہی نام میں ہر دم چنار یا رسول اللہ ﷺ
۲۹	الحق کھرل	ترے باجھوں نہیں کوئی سہارا یا رسول اللہ ﷺ
۳۰	اسیر سولوی	عطا نعتاں دا کرد پو خزینہ یا رسول اللہ ﷺ
۳۱	اصغر ڈار	مدینے شہر دار ستاد کھادے یا رسول اللہ ﷺ
۳۲	اصغر علی اصغر	کدی وچ خواب دے ہووے نظار یا رسول اللہ ﷺ
۳۳	اعظم چشتی	سنو جے میرے دکھڑے تے سناواں یا رسول اللہ ﷺ
۳۴	افضال انور	تساں دے بوہے جھکدی اے عظمت یا رسول اللہ ﷺ
۳۵	اقبال زخمی	کدوں مکن گیاں خورے جدائیاں یا رسول اللہ ﷺ
۳۶	اقبال ساجد	لگے مینوں تراناں ای پیارا یا رسول اللہ ﷺ
۳۷	اقبال جمی	مرے سرتوں ایہ نکل جاوے بلاواں یا رسول اللہ ﷺ
۳۸	اکرم دانش	مرا دل کردا میں روئے تے آواں یا رسول اللہ ﷺ
۳۹	اکرم رضا	تسیں آئے تے کھڑ پیاں بہاراں یا رسول اللہ ﷺ
۴۰	اکرم ساغر	مرے ہو گڑے نصیباں نوں بناؤ یا رسول اللہ ﷺ
۴۱	اکرم سعید	ہے چلی آپ دے گھر چوں طبعی یا رسول اللہ ﷺ
۴۲	اکرم شاہ جیلانی	گنہگاراں نوں ہے تیرا سہارا یا رسول اللہ ﷺ

۴۳	اکرم قلندری	بلا لومینوں وی اپنے دوارے یا رسول اللہ ﷺ
۴۴	اللہ دتاراہی	منور نور تیرے توں زمانہ یا رسول اللہ ﷺ
۴۵	محمد الیاس جسٹس	دسے راتیں میں تیرے گیت گاواں یا رسول اللہ ﷺ
۴۶	امین انجم	دکھاؤ مینوں وی سوہنا مدینہ یا رسول اللہ ﷺ
۴۷	امین ہابر	ڈراون رات دن مینوں خطاواں یا رسول اللہ ﷺ
۴۸	امین خیال	میں ایسے آس تے ایہ دن گزارے یا رسول اللہ ﷺ
۴۹	انور اداس	کوئیں ہجراں دیاں راتاں گزاراں یا رسول اللہ ﷺ
۵۰	انصر عقیل حیدری	سہارا آپ داہر ویلے چاہواں یا رسول اللہ ﷺ
۵۱	انور بھٹی اختر آبادی	مرا قبلہ تے کعبہ اے مدینہ یا رسول اللہ ﷺ
۵۲	انور بھٹی	ہناں تیرے میں کس درہور جاواں یا رسول اللہ ﷺ
۵۳	ایم اے آزاد کھوکھر	میں امتی آپ دامنگاں سہارا یا رسول اللہ ﷺ
۵۴	بشیر الماس ہائی	مینوں رہندی اے سک تیری گھنیری یا رسول اللہ ﷺ
۵۵	حکیم پیر محمد کاوش	مری ایہ آس مدتاں دی پنجاؤ یا رسول اللہ ﷺ
۵۶	پرویز محمد	دکھاں درداں داماں راہاں کرم کریا رسول اللہ ﷺ
۵۷	ڈاکٹر تنویر احمد	مری بھکی ہوئی سوچاں دی منزل یا رسول اللہ ﷺ
۵۸	تنویر بخاری	تڑپدے میں غماں دکھاں دے مارے یا رسول اللہ ﷺ
۵۹	جاوید اقبال	کرم ہووے ترے درتے میں آواں یا رسول اللہ ﷺ
۶۰	جاوید اقبال خاں نیازی	ایہ دل تیری نہ سہہ سکدا جدائی یا رسول اللہ ﷺ
۶۱	حسن ملک	جیہڑی وی جیہہ تے ہے ذکر جاری یا رسول اللہ ﷺ
۶۲	ڈاکٹر حفیظ احمد	مدینے شہر مینوں وی بلاؤ یا رسول اللہ ﷺ
۶۳	پروفیسر حفیظ تائب	بنی اے جان تے بھارتی مصیبت یا رسول اللہ ﷺ
۶۴	حمید سفری	مرے دل وی بے ہو جاوون لگا ہواں یا رسول اللہ ﷺ
۶۵	حمید نظامی	جو تیرے عشق دے پنجرے تڑپے یا رسول اللہ ﷺ
۶۶	حنیف حنفی	التجامیری ہوگئی بڑی دیری جھولی خیر پاؤ یا رسول اللہ ﷺ
۶۷	حنیف صابر	بلاؤ تے میں در تیرے تے آواں یا رسول اللہ ﷺ
۶۸	حنیف قادری	ترے صدقے ترے جاواں میں واری یا رسول اللہ ﷺ
۶۹	حنیف نازش	غماں فکراں دی نصیری فیر جھلی یا رسول اللہ ﷺ
۷۰	خالد جاوید خاکی	میں تیرا ہاں میں تیرا ہاں میں تیرا یا رسول اللہ ﷺ
۷۱	دلشاد جن	کروہن دور دکھاں دے ہمیرے یا رسول اللہ ﷺ
۷۲		

۷۳	راجا رسالو	کرم اپنے چھیں بھروسے میری جھولی یا رسول اللہ ﷺ
۷۴	راجا رشید محمود	تھاڑے درتے چھاں رحمت دی سنگھنی یا رسول اللہ ﷺ
۷۵	رحمت علی رحمت	کرم ہووے مدینے میں دی آواں یا رسول اللہ ﷺ
۷۶	رشید احمد ارشد	تساں دے روئے تے آواں بلاو یا رسول اللہ ﷺ
۷۷	رشید ملتان	جیہڑے بندے نیں سچے جاوندے تل یا رسول اللہ ﷺ
۷۸	رفاقت علی رفاقت	میں او گنہار تے عامی و چارا یا رسول اللہ ﷺ
۷۹	روف شیخ	تساں تے آ کے مکی اے نبوت یا رسول اللہ ﷺ
۸۰	ریاض قادری	سجائے ہین اکھاں تے ستارے یا رسول اللہ ﷺ
۸۱	ریاض توقیر	ترے درجیا نہیں کوئی دوارا یا رسول اللہ ﷺ
۸۲	ریاض حسین ارم	توں محسن دو جہاناں دا ایں والی یا رسول اللہ ﷺ
۸۳	زاہد صدیقی	میں اکواری مدینے پہنچ جاواں یا رسول اللہ ﷺ
۸۴	ساغر بٹ	تھاڑی شان کل نبیاں توں عالی یا رسول اللہ ﷺ
۸۵	ساقی سمجراتی	تھاڑے درتے جس گردن جھکائی یا رسول اللہ ﷺ
۸۶	سجاد مرزا	بھراں گھبرا کے غم توں جدوی ہاواں یا رسول اللہ ﷺ
۸۷	سردار احمد سردار	مری بر باد نگری نوں وساؤ یا رسول اللہ ﷺ
۸۸	سرور رندھاوا	جتنے ٹریوں کدی ویکھاں اودھ تھاواں یا رسول اللہ ﷺ
۸۹	سلیمی ناز	کدی مینوں وی اپنے در بلاؤ یا رسول اللہ ﷺ
۹۰	سلیم آفتاب سلیم	تساڑی شان اے کیڑی نرالی یا رسول اللہ ﷺ
۹۱	شا کرملھی	تساں بن کون میرا اے سہارا یا رسول اللہ ﷺ
۹۲	شبیر نازش	حیاتی میں مدینے وچ لنگھاواں یا رسول اللہ ﷺ
۹۳	شریف انجم	ترے بن کون دنیا نوں سنورے یا رسول اللہ ﷺ
۹۴	شریف ساجد	تسیں لوکاں نوں وٹدے اوخزانے یا رسول اللہ ﷺ
۹۵	شریف مشتاق	کرم ہووے تے میں دی فیر آواں یا رسول اللہ ﷺ
۹۶	ڈاکٹر شوکت علی قر	تھاڑی سک مرے ولد اخزینہ یا رسول اللہ ﷺ
۹۷	شہزاد احمد شاہد	مرے گھر دے بچے و بیڑے سجاد یا رسول اللہ ﷺ
۹۸	صابر نوید	دیو چا آسرا مینوں خدارا یا رسول اللہ ﷺ
۹۹	صادق جمیل	مدینہ شہراے میرے توں اولھے یا رسول اللہ ﷺ
۱۰۰	صادق صابری	تیری بندہ نوازی نوں نہ بھلاں یا رسول اللہ ﷺ
۱۰۱	صائم چشتی	تسیں لچ پال تے میں ہاں بے لچی یا رسول اللہ ﷺ

- ۱۰۲ پئے و دھدے چارے پاسے میں ہنیرے یا رسول اللہ ﷺ صدیق تاثیر
- ۱۰۳ تسیں آئے تے آئیاں میں بہاراں یا رسول اللہ ﷺ صدیق صبر قادری
- ۱۰۴ کدوں پہنچاں گا میں دارا سکینے یا رسول اللہ ﷺ ڈاکٹر طارق قمری
- ۱۰۵ ایہو منگاں دعاواں یا رسول اللہ ﷺ ظفر ساقی
- ۱۰۶ کراں دن رات میں ایہوای باتاں یا رسول اللہ ﷺ ظفر مقبول
- ۱۰۷ تری ہستی داپر چھاواں یا رسول اللہ ﷺ عارف محمود عارف
- ۱۰۸ در اقدس تے میں اکوار آواں یا رسول اللہ ﷺ عاشق رحیل
- ۱۰۹ کوئی دکھیا جو در تیرے تے آیا یا رسول اللہ ﷺ عثمان سالک
- ۱۱۰ گلاں کس نوں ستاواں یا رسول اللہ ﷺ عبدالرزاق محسن
- ۱۱۱ سنو منگتے دیاں وی۔ جے پکاراں یا رسول اللہ ﷺ عبدالستار شانی
- ۱۱۲ غماں کیتا اے دلگیر یا رسول اللہ ﷺ عبدالقدوس کیفی
- ۱۱۳ مدینے دی فضا دیکھاں سدا میں یا رسول اللہ ﷺ عبداللہ قاضی
- ۱۱۴ کدوں ہو دے گی پوری دلدی حسرت یا رسول اللہ ﷺ عقیل شانی
- ۱۱۵ رہوے یادواں دا ایہ مسکن مراد یا رسول اللہ ﷺ علی محمد ملوک
- ۱۱۶ وچھوڑے دے میں صدے روز جھلاں یا رسول اللہ ﷺ محمد علی ظہوری
- ۱۱۷ ونے راتیں کریند اہاں دعاواں یا رسول اللہ ﷺ عمران نقوی
- ۱۱۸ تہاڈ اور جو ہر دکھ دی دوا ہے یا رسول اللہ ﷺ عمر غنی
- ۱۱۹ ازل توں میریاں سوچاں دا محور یا رسول اللہ ﷺ غلام رسول ساقی
- ۱۲۰ میں چاہندا ہاں مدینے میں وی آواں یا رسول اللہ ﷺ غلام شبیر رانا
- ۱۲۱ تیرے سوہنے نگر چوں ہو کے آئی یا رسول اللہ ﷺ غلام فرید شوکت
- ۱۲۲ کوئی دکھیاں دیاں لیند انہ ساراں یا رسول اللہ ﷺ غلام مصطفیٰ بسمل
- ۱۲۳ غریبی آن نہیں دیندی بہاراں یا رسول اللہ ﷺ غلام مصطفیٰ زار
- ۱۲۶ مرے بلھاں تے رہندا ایہو نعر یا رسول اللہ ﷺ فضل حق گلشن
- ۱۲۷ تری خاطر بنی ایہ سب خدا کی یا رسول اللہ ﷺ فیض چشتی
- ۱۲۸ جہدے لب تے تہاڈی نعت ہوندی یا رسول اللہ ﷺ فیض رسول فیضان
- ۱۳۰ تمنا اے ترے در تے میں آواں یا رسول اللہ ﷺ قمر حجازی
- ۱۳۱ تمنا حاضری دی ایہ مرے دل وچ درینہ یا رسول اللہ ﷺ کاشف کلیل کاشف
- ۱۳۲ کسے راتیں جے ہو جاوے عنایت یا رسول اللہ ﷺ کبیر احمد مظہر
- ۱۳۳ تری چوکھٹ دے میں سب نوں سہارے یا رسول اللہ ﷺ کلیم شہزاد

- مرے غم داوی سن تے لے فسانہ یار رسول اللہ ﷺ
 تمنا اے میں درتے فیر آواں یار رسول اللہ ﷺ
 کدے درتے بلاؤتے میں آواں یار رسول اللہ ﷺ
 کدی خواہاں دے وچ صورت وکھاؤ یار رسول اللہ ﷺ
 دراڈے رہ کے نہیں ہوندا گزار یار رسول اللہ ﷺ
 میں ہر ویلے کریندا ہاں دعاواں یار رسول اللہ ﷺ
 مدد فرماؤ تا ساڈی خدا ریا رسول اللہ ﷺ
 نہیں بھلدا مدینے دا نظارا یار رسول اللہ ﷺ
 عمر بھر تیریاں نعتاں سناواں یار رسول اللہ ﷺ
 کتے ڈب جان نہ آساں دے تارے یار رسول اللہ ﷺ
 کراں میں کس طرحاں تیرا نظارا یار رسول اللہ ﷺ
 جگر دے زخم کس کس نوں وکھاواں یار رسول اللہ ﷺ
 مری وگڑی بناویں یار رسول اللہ ﷺ
 کدی میری وی سن لو آہ وزاری یار رسول اللہ ﷺ
 دیاں میں رات دن تیری دہائی یار رسول اللہ ﷺ
 نہ جنت دا اے چاء مینوں نہ حوراں یار رسول اللہ ﷺ
 سنوا کواری دکھیاں دی کہانی یار رسول اللہ ﷺ
 سنو معصوم ہونٹاں دے بلارے یار رسول اللہ ﷺ
 تری رحمت دا مینوں ہے سہارا یار رسول اللہ ﷺ
 نظر تک تک کے راہ تیرا اے ہاری یار رسول اللہ ﷺ
 سنو جے عرض میری تے سناواں یار رسول اللہ ﷺ
 تری رحمت دے بدل بے بے یار رسول اللہ ﷺ
 تھاڈے ہجروچ اکھاں میں پر غم یار رسول اللہ ﷺ
 جے مل جاوے ترا مینوں دوارا یار رسول اللہ ﷺ
 تاڈے ہجر نے کچا اے گھائل یار رسول اللہ ﷺ
 ہجروچ نین میرے وی نہیں روندے یار رسول اللہ ﷺ
 کدوں مکن گیاں خورے جدا یاں یار رسول اللہ ﷺ
 نہ جھلی جاوندی میٹھوں جدائی یار رسول اللہ ﷺ
- ۱۳۶ گل شیر اختر شبیر
 ۱۳۸ صوفی محمد الدین چشتی
 ۱۳۹ محمود ساقی
 ۱۴۰ مسعود ہاشمی
 ۱۴۱ معراج انصاری
 ۱۴۲ مقصود ناصر چودھری
 ۱۴۳ پروفیسر منصور احمد خالد
 ۱۴۴ منظور احمد نوری
 ۱۴۵ منظور الحسن بغدادی
 ۱۴۶ پروفیسر منور غنی
 ۱۴۷ منیر کمال
 ۱۴۸ پروفیسر منیر الحق کھٹی
 ۱۴۹ مہر دین شاہد
 ۱۵۰ نادر جاجوی
 ۱۵۱ ناصر چشتی
 ۱۵۲ عارف قدیل
 ۱۵۳ نصر اللہ صابر
 ۱۵۴ نعیم ارشد شمر
 ۱۵۵ نور احمد ریحانوی
 ۱۵۸ محمد یوسف بگینہ
 ۱۵۷ محمد یوسف ورک
 ۱۵۸ ڈاکٹر یونس احقر
 ۱۵۹ یونس حسرت امرتسری
 ۱۶۰ اقبال زخمی
 ۱۶۱
 ۱۶۲
 ۱۶۳
 ۱۶۴



سانجھی گل

نعت کہنا، نعت لکھنا، نعت پڑھنا، نعت سننا، نعت دی محفل کروانا، محفل وچ جانا تے نعت چھاپن دا اہتمام کرنا حضور ﷺ دے خاص کرم نال ہوندا اے۔ کوئی بندہ اپنے آپ کجھ نہیں کر سکتا۔ ایہ حضور ﷺ دا خاص کرم اے کہ میں نعتاں دی ایہ چون ”یا رسول اللہ“ پیش کر رہیاں۔ میری جتنوں تک کوشش ہو سکی میں کیتی اے ایس کوشش وچ کتنوں تک کامیابی ہوئی اے ایہ تے پارکھ ای دس سکدے نیں۔ ترتیب حروف تہجی دے حساب نال اے جیہدی وجہ توں کجھ سینئر شاعراں دیاں نعتاں بعد وچ لکیاں نیں۔ جو نیر پہلے آ گئے نیں۔

جہاں جہاں کتاب دی اشاعت وچ میری بھرپور مدد کیتی اوہناں دا شکریہ ادا نہ کرنا کم ظرفی ہووے گی۔ شہر یہ اپنے اوس بھن دا جیہنے اک ہزار روپیا میری مٹھ وچ دے کے کہیا ایہدا ذکر میراناں لے کے نہیں کرنا ایہ میں حضور ﷺ دی خوشنودی واسطے کتاب وچ حصہ پارہیاں ایس لئی میراناں کتے وی نہیں آنا چاہیدا۔ دعا اے حضور ﷺ اوہناں دی ایس ادانوں قبول فرمان۔ شکریہ پاکپتن وسدے جناب عمر غنی ہوراں دا جہاں لکھیا ”ایس نیک کم وچ میرا وی حصہ ہونا چاہیدا اے تسیں کھلے کھلے لو اب نہ لٹو ایس کتاب وچ اپنا حصہ پارہیاں“ تے ایہدے نال ای اک ہزار روپیا ارسال کیتا۔ حضور ﷺ قبول فرمان۔ شکریہ جناب مولانا محمد رمضان نوری خطیب ماسٹر پارک اوکاڑہ ہوراں دا جہاں نعت نمبر ۵ دے ۱۵ پرچے منگوا کے دوستاں وچ تقسیم کیتے تے ہدیہ ۳۰۰ روپے گھل دتا جیہدا کتاب دے خرچ وچ شامل ہو گیا۔ شکریہ قصور وسدے بھن جناب محمد الدین چشتی نظامی ہوراں دا جہاں حکم کیتا کہ کتاب دے لا بھریری ایڈیشن دے دس نسخے مینوں گھل دینا تے ہدیہ کتاب دے خرچ وچ شامل کر دتا گیا۔

شکریہ جناب پروفیسر عبدالجبار شاہ ہوراں دا جہاں اپنے قیمتی وقت چوں ویلا کڈھ کے کتاب دا دیہاچہ لکھیا۔ شکریہ پروفیسر ارشد اقبال ارشد دا جیہنے نعتاں کھیاں کرن وچ نس بھیج کیتی شکریہ امجد اقبال امجد دا جیہنے ایس کتاب دی کمپوزنگ کیتی تے شکریہ اسجد اقبال دا جیہنے ٹائپل ڈیزائن کیتا تے چھپوا کے دتا۔

مہاں محمد اقبال زخمی

بسم اللہ الرحمن الرحیم

ایس دھرتی تے حضرت محمد مصطفیٰ ﷺ دی ذات توں اڈ کوئی ہو ردوجی شخصیت اجیہی نظر نہیں آندی جیہدے نال رب سوہنے مقدس فرشتیاں تے انساناں نے ایڈی بھرویں تے گوڑھی محبت تے عقیدت دا اظہار کیتا ہووے۔ مشاہور مستشرق ڈاکٹر اسپرنگر ہوریں آکھدے نہیں کہ حضور ﷺ دے اوصاف تے کمالات بیان کرن والیاں دی تعداد پنج لکھ توں زائد اے۔ ایس توصیف توں اڈ اج دنیا دی کوئی زندہ زبان اجیہی نہیں جیہدے وچ نظم یا شروچ مکی مدنی ماہی ﷺ دی تعریف و توصیف نہ کیتی گئی ہووے۔

حضور ﷺ دی تعریف دے تذکرے آپ دی پیدائش تے جن توں پہلاں ای اسمانی کتاباں تے صحیفیاں وچ موجود نہیں۔ آپ دی آمد پاک دیاں بشارتاں نال کتاباں بھریاں پیاں نہیں۔ اسمانی کتاباں توں اڈ غیر اسمانی مذاہب دیاں کتاباں وچ وی آپ دی تشریف لیان دے تذکرے موجود نہیں۔

کائنات دا پہلا نعت گو خود رب کریم جل شانہ دی ذات جیسے قرآن مجید راہیں آپ دی حقیقی صفت بیان کیتی اے۔ سچ پچھو تے سچ تے سچی نعت دا مہاندرا کیہ ہوٹا چاہیدا اے لہندہ پچان یاں تے قرآنی آیاتاں کردیاں نہیں یا فیر حدیث پاک وچ سجادہ نسوان اللہ علیہم اجمعین نے آپ دے شامل تے فضائل نوں بیان کیتا اے۔ ایس توں نگروں تے فیر نعت دا ساون و سدا و سدا اے۔ عقیدت دی جھڑی انج لگی اے کہ عقیدتاں دی پھوار نے ساری خدا کی تے لوکاں کی نوں موہ لیا اے۔ ایس توں وودھ نعت دا اعجاز کیہ ہو سکدا اے کہ غیر مسلمان نوں رنج نعت کہن دا سلیقہ عطا ہو یا اے۔ ایس دھرتی دے سب توں وڈے انسان دی صفت وچ ساری کائنات شامل اے۔ کاش اسیں حضرت سلیمان علیہ السلام طرحاں پرندیاں تے جناوراں دی آواز سمجھ دے تے جان دے ہوندے تے سانوں پتا لگ واکہ ایہ جناور وی رب سوہنے دی

حمد دے نال نال حضور ﷺ دے تاں دی مالا جب دے نیں۔

عربی زبان وچ ”نعت“ داتن حرفی مادہ کسے چیز دی صفت تے وڈیائی بیان کرن دے معنی چ آندا اے۔ ہر سوہنی تے عمدہ چیز نوں نعت آکھ دے نیں۔ عربی وچ ایہدی جمع نعت اے۔ ایس ادبی اصطلاح دے معنی خاص طور تے حضور ﷺ دی ذات تے صفات دے بیان لئی وقف نظر آندے نیں۔ حضور نبی کریم ﷺ دے اسوہ اوصاف تے کمالات دی گل بات ازل توں ٹری ہوئی اے تے ابد دیھاڑے تک ایہدی چال انج ای مستانی دہنی اے۔

زبانم قابل حمد خدا شد

کہ بانام محمد آشنا شد

حضور ﷺ دے پاک زمانے تے پاک زمین دے دو عرب نعت گوواں دے تاں ساڈے کول محفوظ نیں۔ حضرت حسان بن ثابت تے عبداللہ بن رواحہ دے نعتیہ قصیدے پڑھیے تے دماغ وجد تے دل مستی محسوس کردا اے۔ عرب دے نعت گوواں توں بعد فارسی دے سینکڑے نعت گو عقیدت دے پھل پیش کردے نظر آندے نیں۔ اردو زبان وچ نعت دی ہاشنا اک وکھرا سواد پیش کردی اے۔ برصغیر دے ہر علاقے وچ بولی جان والیاں بولیاں وچ آپ دی نعت دا بھرواں سامان موجود اے۔

اسیں ایس تحقیقی کھینچل تے گنجھل وچ پے بغیر کہ اردو زبان قدیم اے یا پنجابی۔

ایہ گل بڑے مان تران نال آکھ سکدے آں کہ جنیاں صغافاں وچ پنجابی زبان وچ نعت کہی گئی اے ایہدا مقابلہ جگ دی کوئی ہووے زبان نہیں کر سکدی۔

ذرا پنجابی نعت دیاں صغافاں دی ٹور تے دیکھو بولیاں دوہڑے کافیاں سی حرفیاں

باراں ماہے اٹھوارے ست وارے قطع تے رباعیاں غزلاں تے قصیدے مثنوی مستزاد

قوالی ترجیع بند ترکیب بند مسدس مخمس بیت واراں نظم دیاں ساریاں قسماں ہائیکو گیت تے

سانیت ہر صنف وچ نعت کہی گئی اے۔ موضوعات دے حساب نال گوڑا لاؤ تے مولود نامے

معراج نامے، وفات نامے، چوہرئی نامے، جھوک، حلیہ شریف، سلام، گلزاراں، اشتر نامے، لوریاں، میلاد نامے، جوگی نامے، چرخے نامے تے ہو رکئی رنگاں وچ نعت کہی گئی اے۔ نعت دیاں صنفیں تے موضوعاں دا ایہ کھلار آپ دی دل کھجیوں سیرت تے من موہنی صورت دا اک اظہار اے۔ نعت دافن پلصراط توں لنگھن ورگا دشوار اے۔ وڈی تے بھرویوں نعت دی ایہ لوڑ اے کہ عقیدت اک دوجے دے نال سنگی بن جان، نعت گوئی دی عزت حاصل کرن لئی جتنے آپ سرکار ﷺ دی ذات نال محبت تے عقیدت دی لوڑ اے، اوتھے آپ دی سیرت دا بھرواں مطالعہ وی ضروری اے۔ نعت گونوں ایہدے فنی تقاضیاں دے نال جیہڑے نعت تے عروض دے فن میں ایہدے نال نال قرآن مجید تے احادیث مبارکہ دا ڈونگھا مطالعہ، سیرت پاک دیاں مستند کتاباں تے اسلام دی تاریخ نال گورھی یاری ہونی چاہیدی اے۔ نعت دے مضموناں وچ ادب تے احترام دی لوڑ اے۔ شعروچ اظہار دالطیف ڈھنگ ہونا چاہیدا اے۔ لفظاں دی چون دا خیال وی ضروری اے۔ نعت گو آپ دی محبت دے نال نال حضور ﷺ دی اطاعت دیاں شرطیں پوریاں کر داہو دے۔ مقام محبوبیت آپ دی سیرت تے عمل کیتیاں بغیر نہیں مل سکدا۔ بے عملاں نوں حضور پاک ﷺ دی محبت نہیں لہھ سکدی۔ ذکر رسول، فکر رسول توں بغیر رنگ نہیں پیدا کردا۔ ایس گل نوں جانن لئی قرآن مجید دے اسلوب سیرت تے گہری نظر ہونی چاہیدی اے۔

پنجابی زبان وچ نعت دی روایت بہت ڈونگھی اے۔ بابا فرید گنج شکر، بابا نانک، عبدی تے نوشہ گنج بخش دے نال ایس نعت دے پڑا پہلا پڑاؤ نہیں۔ پنجابی شاعری جیہدے وچ دینی ادب تے تصوف دا ڈونگھا چسکا ہے۔ ایہدی ہر صنف تے ایہدے ہر مجموعے دا انداز ہمیشہ توں حمد تے نعت نال بکھیا اے۔ ایس ایہ گل من لینے آں کہ پنجابی نثروچ سیرت دا بیان بہت تھوڑا، پرایہ کسر ساڈے لکھاریاں نے ہر دور وچ نظم راہیں پوری کر دتی اے۔ اک تحقیق موجب میں ایہ گل کرن ج حق بجانب آں کہ پنجابی وچ گھٹو گھٹ تن ہزار توں زائد شاعراں نے نعت آکھی

اے۔ ایہ نعت بھاویں دینی ادب وچ منظوم تفسیراں وچ ہووے تے بھاویں پنجابی مجموعیاں دے ہڈھے شعر ایں راہیں بیان ہوئے۔ پنجابی دی کوئی منظوم ادبی کھیچل نعت دے وجود توں خالی نہیں۔ ہزاراں شاعراں دا کلام ساڈی سناںجھ نہ ہون پاروں ضائع تے برباد ہو چکیا۔

ویہویں صدی عیسوی وچ پنجابی صحافت نے اپنا رنگ جمایا تے ایہدے وچ بوہت سارے رسالے مختلف علاقیاں وچوں شائع ہوئے ایہناں رسالیاں وچ ہمیش توں حمد تے نعت دے پھل ایس چنگیر دی زینت بن دے رہے۔ خیر ہوئی ہوئی نعت دے خاص نمبر وی شائع ہون لگ پئے۔ ساڈے دوست تے سچے ادیب راجا رشید محمود ہوراں نے عجیب عشق دا کرشمہ دیکھیا کہ خاص نعت دے ناں نال اک رسالہ چھاپنا شروع کیتا جیہدے وچ اردو پنجابی دے ہر شاعروں جگہ دتی اے۔

حضور ﷺ دے عاشقاں دی ایس صف وچ اک بندہ اوہ دی نظر آندا اے جیہد اناں ”اقبال زخمی“ اے۔ اوہنے اچ توں ویہ سال پہلاں ”لکھاری“ دے ناں نال اک کتاب لڑی شروع کیتی جیہنے اللہ پاک دے فضل نال ہن اک اپے تے سوچ جیہ مہینہ وار رسالے دی شکل اختیار کر لئی اے۔ 1983ء وچ کتاب لڑی دی مہینہ بجھی تے فروری 1983ء وچ ای کتاب لڑی دا خاص شمارا نعت نمبر شائع ہویا۔ جیہدے وچ پروفیسر حفیظ تائب ہوراں دا اک بھرواں مضمون ”پنجابی نعت تے اک ترویجی جہات“ دے عنوان نال لکھیا۔ تے اخیر لے سارے حصے وچ پنجابی نعتاں دی سوغات دی باشنا کھنڈ کے ساہواں نوں مہکا رہی اے۔ نومبر 1985ء وچ لکھاری دا اک ایڈا بھرواں نعت نمبر شائع ہویا جیہنے سورج دے چکارے وانگر پنجابی نعت دا نور دور دور تک وکھیر دتا۔ ایہدے وچ نعتاں توں اڈ تحقیقی تے تنقیدی مضمون دی شائع ہوئے۔ ساڈے تن سوتلیاں تے کھلریا ایہ نعت نمبر اچ دی پنجابی نعت دی تاریخ وچ اک حوالے دی دستاویز اے۔

لکھاری دا ترجیا نعت نمبر اکتوبر 1989ء وچ شائع ہو ہویا جیہدا پہلا مضمون

میرے مرحوم دوست مقصود ناصر پ، دھری ہوراں لکھیسی تحقیقی تے عقیدی مضموناں توں بعد
نعتاں دا پراگا پیش کیتا گیا اے۔

اقبال زخمی دے سینے وچ حب رسول ﷺ دا اک دیو اسدا جگ دار ہیا اے۔ پرائس
دیوے دی لاٹ 1998ء ایہناں نوں زمانے دے انھیریاں چوں کڈھ کے حرمین شریفین دی
زیارت تے حج لئی حجاز دی سرزمین تے لے گئی۔ اگلے سال فیر تڑپ دے زخمی نے عمرہ ادا کیتا
تے واپسی تے ایس عقیدت دا ایہ ثبوت دتا پئی مدینہ یا مدینے دی ردیف نوں کھ رکھ دیاں
جون 2001ء وچ چوتھے نعت نمبر داشوق پورا کرن دا ساماں کیتا۔ زخمی ہوراں دی اپنی نعت
دی عجیب من کھویں تے مستانی سی۔

صبح مدینے، شام مدینے دم دم پڑھاں سلام مدینے

لکھاری دے ایس چوتھے نعت نمبر وچ 127 شاعراں دا اک خصوص ردیف وچ کلام
جمع کیتا گیا۔ فیر زخمی ہوراں نے ایسے نعتاں دے پراگے نوں کتابی شکل وچ چھاپ دتا، جیہڑا
حشر دیھاڑے تک پنجابی نعت گوئی وچ اک نشان بنیا رہوے گا۔

نعت گوئی دی ایس محبت نے زخمی ہوراں نوں نوں نوں نوں رستے بھاڑتے تے اوہناں
اک نوں نعت نمبر لئی ہوکا ماریا کہ شاعر جن ہن ”یا رسول اللہ“ دی اوکھی ردیف وچ اپنیاں نعتاں
پیش کرن ایس ہوکے نوں سن کے 130 توں زائد شاعراں نے اپنا مخصوص ردیف وچ کلام
پیش کر دتا۔ ”لکھاری“ دا ایہ نعت نمبر مئی 2003ء نوں چھاپے چڑھیا تے ہن اگست 2003ء
کچھ ہو روادیاں دے نال ایہ کتابی شکل وچ اک مستقل سرمائے دی شکل تے رنگ روپ نال
پیش کیتا جا رہیا اے۔ اوہناں دیاں پنجابی نعت دے روپ نوں ہنگارن دیاں ایہ ساریاں
کوششاں سلاہن جوگ نیں۔ پر مینوں لگ دا کہ حضور پاک ﷺ دی محبت تے عقیدت دا
جیہڑا سوا اوہناں دے دل تے دماغ وچ بھلایا اے، ایہا جے بڑے رنگ دکھائے دا۔

دیہویں صدی عیسوی دی اخیر لی چوتھائی وچ پنجابی نعت نے اپنا بہت سارا زور تے

ذوق دکھایا اے۔ ایہ زمانہ تے دور خاص گنئیکی مہارتاں تے مادیت دے کھو بے دازمانہ اے۔
 لہدے وچ مغرب دی انھی انھیری نے ساریاں قوماں نوں صراط مستقیم توں ہٹان دازور لایا
 ہو یا اے۔ ایمان دی کھیتی، عشق رسولؐ دے پانی باجھوں بھر ہو رہی سی پر نعت گوئی دی ایس
 پھوار نے لہنوں فیر گل و گلزار بنا دتا اے۔ پنجابی نعت دے ایس فروغ وچ جیہڑے سینکڑاں
 شاعراں نے حصہ لیا اے اوہناں دی ایہ کوشش ایس دھرتی تے سلاہن جوگ اے تے حشر
 دیھاڑے ایہ اوہناں دی شفاعت داسامان اے۔ میں ایس موقعے دی نسبت نال اپنے شاعر
 بھراواں نوں ایہ عرض کرنا چاہتا آں کہ آپؐ دے فضائل، شمائل تے اوصاف دا بیان شعراں
 راہیں بڑا ضروری اے پر ہن زمانے تے لوکاں دی ایہ لوڑ اے کہ آپ ﷺ دے پیغام دی تبلیغ
 شعراں راہیں عام کیتی جاوے تے آپ دی باکمال سیرت نوں کھ رکھ کے نعت دے مضموناں دا
 نواں کھلار پیدا کیتا جائے۔ مینوں امید اے کہ ایس لوڑ لئی اقبال زخمی ہو رہی نعت نمبراں دے
 نال نال ہن پنجابی وچ سیرت نمبراں داوی مڈھ پنھن گے۔ نعت جے شاعری دا دل اے تے
 سیرت اوہدا دماغ اے۔ دل تے دماغ دوواں دی صحت تے سلامتی دی لوڑ اے۔ لکھاری دے
 ایس نمبر دی کتابی اشاعت تے میں اقبال زخمی ہو راں نوں پوری پنجابی زبان بولن والیاں دی
 طرفوں سلام پیش کرنا آں۔ مینوں امید اے کہ ایس نعتیہ مجموعے دا اچھا استقبال کیتا جاوے گا۔
 انشاء اللہ العزیز

پروفیسر عبدالجبار شاہ

ڈائریکٹر پنجاب پبلک لائبریری

۱۶ جولائی ۲۰۰۳ء

صلی اللہ علیہ وسلم

ایہ حسرت اے مدینے میں وی آواں یارِ رسول اللہ ﷺ
 ہرے گنبد دیاں ماناں میں چھاواں یارِ رسول اللہ ﷺ
 تہاڈا در اوہ دروازہ اے جس تے منکتیاں وانگر
 شہنشاہواں نے دتیاں نہیں صداواں یارِ رسول اللہ ﷺ
 مرے لوں لوں دے اندر تاہنگ اے دیدار دی مولا
 کدی مقبول ہوں ایہ دعاواں یارِ رسول اللہ ﷺ
 تہاڈے تے مرے سینے دا اک اک داغ روشن اے
 دکھاواں جے تہانوں کیہ دکھاواں یارِ رسول اللہ ﷺ
 ایہ دلدی ڈولدی بیڑی کنارے تائیں جا لگے
 نظر اک مہر دی قربان جاواں یارِ رسول اللہ ﷺ
 سناں جے تے سناں میں سوہنی سیرت دے سدا نغمے
 جے گاواں تے تہاڈے گیت گاواں یارِ رسول اللہ ﷺ
 سلاماں تے دروداں نال بس میں لالواں یاری
 مقدر کیوں نہ انج اپنا جگاواں یارِ رسول اللہ ﷺ
 آفتاب احمد نقوی

.....☆☆.....

ﷺ

ایہ حسرت ہے مدینے نوں میں جاواں یا رسول اللہ ﷺ
 تے سب دکھڑے تہانوں میں سناواں یا رسول اللہ ﷺ
 کدی آواں کدی جاواں رہواں بس پھیریاں پاندا
 تے ساری عمر میں انج ہی لنگھاواں یا رسول اللہ ﷺ
 مدینے دی میں گلیاں وچ پھراں تیرا گدا بن کے
 تے رحمت نال جھولی بھر کے آواں یا رسول اللہ ﷺ
 اوہ روضے پاک دی جالی جنہوں چم چم کے نہ رجاں
 میں نعتاں تیریاں اوتھے سناواں یا رسول اللہ ﷺ
 میں خاک پاک چم چم کے جو لاواں نال اکھیاں دے
 تے تھاں تھاں تے میں اپنا سر جھکاواں یا رسول اللہ ﷺ
 ترے در دے فقیراں دے قدم چماں زہے قسمت
 جو تیرے نیں دل اوہناں نال لاواں یا رسول اللہ ﷺ
 حسن تے وی کرو نظر کرم دی ہک جھلک آقا
 ایہ دولت دین دنیا دی میں پاواں یا رسول اللہ ﷺ
 ابن صدیق محمد حسین

.....☆☆.....

ﷺ

تیرے ناں دے ڈگے وجے نیں ہر جا یا رسول اللہ ﷺ
ازل توں ای ترا چہ چا اے ہویا یا رسول اللہ ﷺ

تسین اسلام دے گلشن بہاراں لے کے آئے او
تساں ذہناں نوں وی دتا اے مہکا یا رسول اللہ ﷺ

تہاڈے واسطے کیجے نیں پیدا دو جہاں حق نیں
تساڈے نور چکایا زمانا یا رسول اللہ ﷺ

دنے راتیں تہاڈا ذکر میں کردا رہواں آقا
مری بیڑی نوں مل جاوے کنارا یا رسول اللہ ﷺ

تساں نے دان دتا سی جیویں رومی تے جامی نوں
کرو مینوں عطا مژ فیض اوہوا یا رسول اللہ ﷺ

کدوں تیکر سہواں گا دوریاں دے دکھ یا حضرت
بلا لو اثر نوں وی ہن خدارا یا رسول اللہ ﷺ
اثر انصاری فیض پوری

صلی اللہ علیہ وسلم

تہاڈی سوہنی عادت توں میں صدقے یا رسول اللہ ﷺ
تہاڈی خاص رحمت توں میں صدقے یا رسول اللہ ﷺ

دعاواں ویریاں نوں وی دے راتیں پئے دیو
تہاڈے پیار چاہت توں میں صدقے یا رسول اللہ ﷺ

تسیں مختار او جگ دے تے پتھر ڈھڈھ تے بندھے او
تہاڈی اس قناعت توں میں صدقے یا رسول اللہ ﷺ

بھائیاں نہیں اسانوں جس سمجھے نیکی دیاں راہواں
اوہ چائن رنگی سیرت توں میں صدقے یا رسول اللہ ﷺ


جہڑی رنگن چ رنگیا اے تسان سارے صحابہ نوں
تہاڈی اوس رنگت توں میں صدقے یا رسول اللہ ﷺ

زمانے وچ تسان ونڈی اے سانجھی پیار دی دولت
تہاڈی ایس رحمت توں میں صدقے یا رسول اللہ ﷺ

احسان اللہ طاہر

صلی اللہ علیہ وسلم

تری کمبلی دیاں ٹھنڈیاں میں چھاواں یا رسول اللہ ﷺ
 تری رحمت دیاں ہر سو گھٹاواں یا رسول اللہ ﷺ
 مدینے دے گلی کوچے میں ویکھاں جی بڑا کردا
 میں ہر دم منگناواں ایہ دعاواں یا رسول اللہ ﷺ
 کدے تشریف لے آؤ مری نظراں دے ویہرے وچ
 میں سوہنی دید نال اکھیاں سجاواں یا رسول اللہ ﷺ
 خیالاں وچ کدے تگناواں تیرے سوہنے روضے نوں
 کدی جالی نوں سینے نال لاواں یا رسول اللہ ﷺ
 مری نیندر اڈیکے روز تیری دید دے سفنے
 بچھا کے اکھیاں تگنا ہاں میں راہواں یا رسول اللہ ﷺ
 جدائیاں دے ایہ موسم سوہنیا! کد ختم ہون گے
 میں کد تک ہجر دے صدمے اٹھاواں یا رسول اللہ ﷺ
 جہنم دا میں ڈر بھل جاونا جد یاد کرناواں
 تری رحمت دیاں مٹھیاں اداواں یا رسول اللہ ﷺ
 کدے سد لو مدینے وچ جلیل ہجر دے مارے نوں
 مکا چھڈو ایہ ہن لمیاں سزاواں یا رسول اللہ ﷺ
 احمد جلیل



صلی اللہ علیہ وسلم

تھاڈا ناں ای ایڈا اے رسیلہ یا رسول اللہ ﷺ
کہ مجمع ہوندا جاندا اے نشیلا یا رسول اللہ ﷺ

ترا رتبہ اے دو جگ توں جلیلہ یا رسول اللہ ﷺ
خدا تک پہنچنے دا اک وسیلہ یا رسول اللہ ﷺ

اوہ تیرے خلق دے پاروں محبت دا نشاں بنیا
جیہڑا دشمن سی جاناں دا قبیلہ یا رسول اللہ ﷺ

کدوں تک غم دیاں شاں رہوے گا شاد ایہ سہندا
ایہ ہن ہو گیا جشہ اے نیلا یا رسول اللہ ﷺ

محمد احمد شاد

.....☆☆.....

111222

ﷺ

سدا دا جھورنا مکے خدارا یا رسول اللہ ﷺ
 نظارے باجھ ہن نہیں جے گزارا یا رسول اللہ ﷺ
 وچھوڑے دے غماں دا ہے سمندر ماردا ٹھاٹھاں
 وصالاں دا ملے چھیتی کنارا یا رسول اللہ ﷺ
 میں چم لیناواں اکھیاں میٹ کے خاکِ مدینہ تے
 عطا ہووے کسی صورت نظارا یا رسول اللہ ﷺ
 بہت میلاد تے ہوندی اے سنیا نور دی بارش
 محمد ﷺ نام عرشاں دا دلارا یا رسول اللہ ﷺ
 چکی پھردی اے بس اکو تہاڑے شوق دی گرمی
 شفاعت آپ جی دی ہے سہارا یا رسول اللہ ﷺ
 چراں توں چیک رہی اے پاک دھرتی شردے نرنے وچ
 ہدایت دا دوو ہن تاں اشارا یا رسول اللہ ﷺ
 عرب دا چن تے کہنے آں اسیں سب پیار تھیں اختر
 ایہ پاکستان وی اے گھر تمہارا یا رسول اللہ ﷺ
 حاجی اختر حافظ آبادی

.....☆☆.....

ﷺ

کدے سدے مدینے میں وی آواں یا رسول اللہ ﷺ
جو دل تے ہجر وچ گزری سناواں یا رسول اللہ ﷺ

نہ دل نوں چین آؤندا اے نہ اکھیاں وچ رہی نیندر
شدائیاں وانگ تھکدی ہاں میں راہواں یا رسول اللہ ﷺ

سنیہے ہتھ راہیاں دے میں گھلے واسطے دے دے کے
کرو میں کملی کوجھی ول ۽ نگاہواں یا رسول اللہ ﷺ

انہاں دے لیکھ چنگے نیں جو رہندے وچ مدینے دے
بلاویں تے میں لیکھ اپنے جگاواں یا رسول اللہ ﷺ

ایہ حسرت دل چ رہندی اے مرے دن رات اختر شاہ
زیارت پاک روئے دی میں پاواں یا رسول اللہ ﷺ

اختر شاہ



ﷺ

کرم دی اک نظر ہووے خدارا یا رسول اللہ ﷺ
 مری کشتی نوں مل جائے کنارا یا رسول اللہ ﷺ
 لواں بوسے میں پھر آ کے مدینے دی هواواں دے
 کراں دم دم میں روضے دا نظارا یا رسول اللہ ﷺ
 ختم ہووے ہنیری رات روشن کر دیہو راہواں
 مرا چمکا دیہو چھیتی ستارا یا رسول اللہ ﷺ
 بھلا کیویں ستاون مشکلاں تے اوکڑاں مینوں
 میں ملیا آپ سوہنے دا دوارا یا رسول اللہ ﷺ
 میں چھالاں ماردا جنت دے دروازے چوں لنگھاں گا
 بس اک چھوٹا جہیا ہووے بلارا یا رسول اللہ ﷺ
 مچائی جیہڑی مستی عشق دی دل وچ مدینے نے
 نہ ہوندا اوس دے بن ہن گزارا یا رسول اللہ ﷺ
 میں اختر ویکھدا اپنے پھیرے نور دے جلوے
 ذرا مینوں وی مل جائے سہارا یا رسول اللہ ﷺ
 اختر ہاشمی

.....☆☆.....

ﷺ

تسین محبوب رب دے او پیارے یارسول اللہ ﷺ
اوہدی مخلوق دے کلمے سہارے یارسول اللہ ﷺ

ترے اچے مقامان دی گواہی دیوندے آقا
پڑھاں قرآن دے جد وی سپارے یارسول اللہ ﷺ

انہاں اکھاں نوں دنیا دا کوئی منظر وی پوہندا نہیں
مدینے دے جہاں ویکھے عطارے یارسول اللہ ﷺ

ازل توں ابد تک دنیا دے جنے وی کھلارے نیں
ترے ای واسطے رب نے کھلارے یارسول اللہ ﷺ

بشارت دیوندے آئے ترے آون دی سکھے ای
نبی جنے وی اللہ نے اتارے یارسول اللہ ﷺ

ہمیرے غم دے جس ویلے نیں گھیرا پاوندے اس نوں
ترا ارشد تے تینوں ای پکارے یارسول اللہ ﷺ
ارشد اقبال ارشد

ﷺ

کدی بن کے پراؤنا یا رسول اللہ ﷺ
مری کٹیا وساؤنا یا رسول اللہ ﷺ

میں اوگنہار تے مسکین دے ولے
کرم دی جھات پاؤنا یا رسول اللہ ﷺ

نزع دے وقت جد تکلیف ہووے گی
تسیں درشن کراؤنا یا رسول اللہ ﷺ

شبیر و شبر دے صدقے مینوں آقا
ہرا گنبد وکھاؤنا یا رسول اللہ ﷺ

جے لیکھاں وچ کتے لکھیا مدینہ نہیں
مرے سفنے چ آؤنا یا رسول اللہ ﷺ

میں ہر پل نال کراں شاہد ایہ بنتی
مری بگڑی بناؤنا یا رسول اللہ ﷺ

ارشاد شاہد

صلی اللہ علیہ وسلم

ترا ہی نام میں ہر دم چناراں یا رسول اللہ ﷺ
مقدر اس طرحاں اپنا سنواراں یا رسول اللہ ﷺ

معطر جسم اطہر دی میں خوشبو یاد کرنا واں
مرے ویٹھے جدوں آون بہاراں یا رسول اللہ ﷺ

ہنگورے ملدے رہندے نیں مینوں مشکل کشائی دے
تیری میں آل نوں جد وی پکاراں یا رسول اللہ ﷺ

کتے ”ڈھل“ نوں کتے ”بل“ نوں تیری درکار ہے نصرت
بڑے اتھرو وگائے نیں چناراں یا رسول اللہ ﷺ

تسین راہبر تسین مرشد تسین پیر شریعت او
کسے نوں ہور میں کاہنوں پکاراں یا رسول اللہ ﷺ

میری ایہ آخری خواہش ہے آقا میں ترے در تے
بقایا زندگی اپنی گزاراں یا رسول اللہ ﷺ
حکیم ارشد شہزاد

ﷺ

ترے باجھوں نہیں کوئی سہارا یا رسول اللہ ﷺ
نہ کر دیناں مرا کدھرے وسارا یا رسول اللہ ﷺ

سھے عرشاں دیاں راہواں سجاٹیاں آپ رب اکبر
کیڈا سوہنا توں اللہ وا دلارا یا رسول اللہ ﷺ

تری چاہت دے لئی سوہنا میں نت قرآن پڑھدا ہاں
ذکر تیرا جیہڑا ویکھاں سپارا یا رسول اللہ ﷺ

تری ساہواں دی خشبو توں فضاواں مہکیاں سھے
جدھر ویکھاں ادھر تیرا نظارا یا رسول اللہ ﷺ

ترا کھرو گناہ دے بھار پٹھاں دبا جاندا اے
تونہاں محشر دے اندر وی ہیں چارا یا رسول اللہ ﷺ
محمد اسحق کھل

.....☆☆.....

صلی اللہ علیہ وسلم

عطا نعتاں دا کر دیو خزینہ یا رسول اللہ ﷺ
 کہ نور و نور ہو جاوے ایہ سینہ یا رسول اللہ ﷺ
 ہے ایہو چاء مرے دل دا نہ منگاں ہور کجھ آقا
 سکھاؤ نعت آکھن دا قرینہ یا رسول اللہ ﷺ
 ایہ سمجھاں گا کہ ہو آیاواں میں خلد بریں وچوں
 جے دیکھاں آپ دا مکہ مدینہ یا رسول اللہ ﷺ
 تساں دی اک نظر نے عکرمہ دی زندگی بدلی
 بناؤ ایس کج نوں وی بگینہ یا رسول اللہ ﷺ
 پھراں میں وانگ جھلیاں دے تہاڈے شہر وچ آکے
 ہے ایہو آرزو میری درینہ یا رسول اللہ ﷺ
 جدوں وی موتیے 'زگس' دا کدھرے ذکر چھڑ دا اے
 تہاڈا یاد آ جاوے پسینہ یا رسول اللہ ﷺ
 جدوں آکے میں روضے پاک تے چماں گا جالی نوں
 اوہ کیمڑا سال ہووے گا مہینہ یا رسول اللہ ﷺ
 کرم دی جہات جے پاؤ 'بھنور وچ کھاوندا ڈولے
 مرا وی پار لگ جاوے سفینہ یا رسول اللہ ﷺ
 اسیر سوہلوی



ﷺ

مدینے شہر دا رستا دکھا دے یا رسول اللہ ﷺ

لگے نین روگ جو مینوں مٹا دے یا رسول اللہ ﷺ

خورے کیمڑی جگہ جا کے اوہ گورھی نیند پئے مان

مرے تے نصیباں نوں جگا دے یا رسول اللہ ﷺ

مری آساں دی کھیتی وی تے سکدی جا رہی آقا

خدارا رحمتاں دا مینہ وسا دے یا رسول اللہ ﷺ

دے راتی ترا اصغر دعاواں منکدا رہندا

کدی آکے لیہدا ویہڑا سجا دے یا رسول اللہ ﷺ

اصغر ڈار

ﷺ

کدی وج خواب دے ہووے نظارا یا رسول اللہ ﷺ
 چمک جاوے مری قسمت دا تارا یا رسول اللہ ﷺ
 کسے نوں مان دنیا تے کسے نوں ہے عبادت تے
 تے مینوں صرف تیرا ہے سہارا یا رسول اللہ ﷺ
 گناہاں دی گھسن گھیری دے وج گھیرے پئی کھاوے
 نیری کشتی نوں مل جاوے کنارا یا رسول اللہ ﷺ
 حسین ابن علیؑ دا واسطہ مینوں بچا لینا
 جدوں ہووے گا عملاں دا متارا یا رسول اللہ ﷺ
 ایہ عرش و کرسی و لوح و قلم تے لا مکاں سارے
 تری ہی ذات لئی سارا پیارا یا رسول اللہ ﷺ
 حشر اندر در احمد تے آ کے انبیاء سارے
 عرض کرن کرو امت دا چارا یا رسول اللہ ﷺ
 عرش توں فرش تک سارا زمانہ جان دا اصغر
 خدا تینوں خدا نوں توں پیارا یا رسول اللہ ﷺ
 صوفی اصغر علی اصغر



ﷺ

سنو جے میرے دکھڑے تے سناواں یا رسول اللہ ﷺ
 جے آکھو تے مدینے میں وی آواں یا رسول اللہ ﷺ
 میں اپنے شوق نوں ویکھاں کہ اپنے آپ نوں ویکھاں
 میں کیہڑے مان تے گھر وچ بلاواں یا رسول اللہ ﷺ
 بڑا چا اے زیارت دا بڑی حسرت اے ویکھن دی
 کدی آو تے اکھاں تے بٹھاواں یا رسول اللہ ﷺ
 کدوں صورت دکھاو گے کدوں حسرت مٹاوو گے
 کتے ویکھن توں پہلوں مر نہ جاواں یا رسول اللہ ﷺ
 تساڈے ذکر وچ گزری اے ساری زندگی میری
 تساڈے عشق وچ دنیا توں جاواں یا رسول اللہ ﷺ
 میں نظراں نیویاں کر کے پھراں میدان محشر وچ
 خدا دے سامنے کیہ مونہہ دکھاواں یا رسول اللہ ﷺ
 بناں دیدار نہیں دارو کوئی اعظم دے درواں دا
 میں کر کر ویکھیاں لکھاں دواواں یا رسول اللہ ﷺ
 اعظم چشتی

.....☆☆.....

ﷺ

تساں دے بوہے تے محمدی اے عظمت یا رسول اللہ ﷺ
تساں دے صدقے ای کھاندی اے خلقت یا رسول اللہ ﷺ
تساں دا ناں لیاں مٹ جائے کلفت یا رسول اللہ ﷺ
تے نکل جاندی اے سرتوں ہر مصیبت یا رسول اللہ ﷺ
خدا دیندا اے سب نوں پر دواندا تہاڈے ہتھوں اے
جہان لئی تساں دی ذات رحمت یا رسول اللہ ﷺ
جیہدا جیوندا اے دل جیوندا اے تہاڈی نال الفت دے
حیاتی دا سبب اے تہاڈی نسبت یا رسول اللہ ﷺ
جو تہاڈا نہیں خدا دی سونہہ خدا دا کجھ نہیں لگدا
محبت رب دی اے تہاڈی محبت یا رسول اللہ ﷺ
تساندی یاد میری جان دی وی جان اے آقا
تساندا ذکر اے میری عبادت یا رسول اللہ ﷺ
تساں دے بعد بوہا رب نے ڈھو چھڈیا نبوت دا
ازل تک ہن تساندی اے شریعت یا رسول اللہ ﷺ
ایہ برہوں سڑدیاں اکھیاں ' مدینے پاک آٹھارے
جے اس کرماں سڑے نوں دیہو اجازت یا رسول اللہ ﷺ
خدا دے واسطے بخشو زیارت اپنے انور نوں
کرو عاجز کینے تے عنایت یا رسول اللہ ﷺ
پروفیسر افضل احمد انور

ﷺ

کدوں مکن گیاں خورے جدائیاں یار رسول اللہ ﷺ
 میں آساں حاضری لئی فیر لائیاں یار رسول اللہ ﷺ
 تساڑے کرم تھیں کئی وار ڈٹھا سبز گنبد نوں
 مری اکھیاں نہیں حالے وی تھائیاں یار رسول اللہ ﷺ
 تسیں او کرم فرماندے تے مڑ مڑ آوتاں ور تے
 مری عمراں دیاں ایہو کمائیاں یار رسول اللہ ﷺ
 اکھیاں چھوڑ کے مینوں نہیں ٹر گئے قافلے والے
 میں اتھے رہ گیا دیندا ڈھائیاں یار رسول اللہ ﷺ
 اوہدے تول ودھ کے ہور کھڑا مقدر والا ہووے گا
 مدینے جا کے جس نعتاں سنائیاں یار رسول اللہ ﷺ
 بڑے خوش بخت نہیں اوہ لوک اس واری وی جہاں نے
 مدینے جان لئی نگھاں کٹائیاں یار رسول اللہ ﷺ
 خورے اکوار فر مڑ کے بلاوا آگیا زخمی
 مینوں جہن پئے دیندے ودھائیاں یار رسول اللہ ﷺ
 اقبال زخمی

ﷺ

لگے مینوں تیرا ناں ای پیارا یا رسول اللہ ﷺ
ہے سب ناواں چوں ناں تیرا نیارا یا رسول اللہ ﷺ

خدا دے نور دی بارش سدا وسدی ترے در تے
کراں آکے میں وی اوہدا نظارا یا رسول اللہ ﷺ

ترے در تے روزانہ ای ہزاراں لوک آوندے میں
ترا ویکھاں کدی میں وی دوارا یا رسول اللہ ﷺ

خدا دی اس خدائی وچ تساڈا نام کافی اے
بنے جیہڑا دکھی دل دا بہارا یا رسول اللہ ﷺ

دنے راتی ایہ نعتاں تیریاں لکھدا تے پڑھدا اے
ایہو ساجد دا ہر ویلے ہے کارا یا رسول اللہ ﷺ

اقبال ساجد

.....☆☆.....

ﷺ

مرے سرتوں ایہ ٹل جاوَن بلاواں یا رسول اللہ ﷺ
 وسیلہ آپ دا جس دم میں چاہواں یا رسول اللہ ﷺ
 مری اکھیاں چچ وں جاوے اوہ ساوا نور دا گنبد
 مقدر وچ کرو میرے اوہ تھاواں یا رسول اللہ ﷺ
 جتھے عرشوں فرشتے وی سلامی آن دیندے نیں
 اوہ در تے ایہ دل اپنا جھکاواں یا رسول اللہ ﷺ
 تسلیں سایا او شفقت دا تسلیں رحمت جہاناں دی
 عطا ہوون کرم پاروں رواواں یا رسول اللہ ﷺ
 ہنیرے چار پاسے توں پئے یلغار کردے نیں
 تہاڈے نور تھیں ایہناں نوں ڈھاواں یا رسول اللہ ﷺ
 مرے دل دی ایہ سدھراے مرے دل دی تمنا اے
 سدا بردا تہاڈا ای سداواں یا رسول اللہ ﷺ
 طلب میری تے اپنی اے ملن مینوں وی ویکھن نوں
 مبارک پیاریاں اوہو فضاواں یا رسول اللہ ﷺ
 محمد اقبال نجمی



صلی اللہ علیہ وسلم

مرا دل کروا میں روضے تے آواں یا رسول اللہ ﷺ
میری جو آرزو دل دی سناواں یا رسول اللہ ﷺ

تسیں دلدار رب دے او تسیں غمخوار سب دے او
تساں ہاتھوں کے در تے نہ جاواں یا رسول اللہ ﷺ

جتنے راتاں نوں روندے رہے جتنے اجر چہوندے رہے
خدا دی سونہہ مقدس نہیں اوہ تھاواں یا رسول اللہ ﷺ

تساں دی ذات دے صدقے بنے کون و مکاں آقا
تساں دا نام چم اکھیاں تے لاواں یا رسول اللہ ﷺ

سے ملکاں خدا خود وی درو پاک اے پڑھدا
تائیں نعتاں صبح شامی سناواں یا رسول اللہ ﷺ

کرو نظر کرم دانش دے سارے روگ مک جاوون
میں رو رو کے پیا منگاں دعاواں یا رسول اللہ ﷺ
محمد اکرم دانش

ﷺ

تسین آئے تے کھر پیاں بہاراں یار رسول اللہ ﷺ
 دلاں دا چین پایا بے قراراں یار رسول اللہ ﷺ
 جہاں وچ بیٹھ کے آقا تساں امت دا غم کھادا
 زیارت گاہ بن گیاں اوہ غاراں یار رسول اللہ ﷺ
 تسین یسین تے طہ منزل تے مدثر ہو
 میں کھڑا کھڑا ناں لے کے پکاراں یار رسول اللہ ﷺ
 مرے دل نے خبر دتی اے اج سرکار آؤنا ایں
 میں کیوں اپنی کلی نوں سنواراں یار رسول اللہ ﷺ
 ایہ خوش بختی مرے حصے چ آوے جے میں وی اکدن
 مدینے جا کے اپنی جان واراں یار رسول اللہ ﷺ
 تسین ہو حاضر و ناظر مرے دل وی نگہ کرنا
 مصیبت وچ جدوں وی میں پکاراں یار رسول اللہ ﷺ
 سدا جتھے خدا دی رحمتاں نوں پیار آؤندا اے
 مبارک بن گیاں اوہ رہگزاراں یار رسول اللہ ﷺ
 رضا دکھاں دے صحرا وچ کدے دا پیا ترؤندا اے
 خدا دا واسطہ موڑو مہاراں یار رسول اللہ ﷺ

محمد اکرم رضا

ﷺ

مرے وگڑے نصیبیاں نوں بناؤ یا رسول اللہ ﷺ
کدی مینوں وی روئے تے بلاؤ یا رسول اللہ ﷺ

اوہ ہووے کچ توں ہیرا سمندر بوند توں ہووے
تسیں مینہ اپنی رحمت دا جے پاؤ یا رسول اللہ ﷺ

کوئی نہ اک دے بوٹے نوں پھل لگن چنبیلی دے
پتے سے غم نوں لگن جے چاہو یا رسول اللہ ﷺ

حشر دے دن جدوں مینوں گناہواں گھیریا آقا
دہائی دیوندا آساں بچاؤ یا رسول اللہ ﷺ

کروڑاں خلق دی پتی اے لکھاں نے طہورا دی
مرا ساغر اے خالی پلاؤ یا رسول اللہ ﷺ
اکرم ساغر

.....☆☆.....

ﷺ

ہے چلی آپ دے گھر چوں حلیمی یا رسول اللہ ﷺ
تھاڑی گلاں دی خشبو اے دھیمی یا رسول اللہ ﷺ

تسلیں کوہ طوروں اگے عرشاں تے جا کیتیاں گلاں
تساں تے ناز کر دی اے کلیسی یا رسول اللہ ﷺ

جو چھائے رحمتاں بن بن کے باطل دے ویرانے تے
تساں نے بھن وگائے بت قدیمی یا رسول اللہ ﷺ

یتیمیاں نوں تساں وٹھی محبت کہ یتیمیاں نوں
کدے محسوس نہ ہوئی یتیمی یا رسول اللہ ﷺ

میں اکرم مندا ہاں گندا ہاں عاصی ہاں میں پاپی ہاں
کریمی یا رسول اللہ ﷺ رحیمی یا رسول اللہ ﷺ

اکرم سعید

ﷺ

گنہگاراں نوں ہے تیرا سہارا یا رسول اللہ ﷺ
 ترے باجھوں نہیں ہونا گزارا یا رسول اللہ ﷺ
 ترے باجھوں کھڑا ونڈوا خزانے میرے مولیٰ دے
 فقیراں نے ترا ملیا دوارا یا رسول اللہ ﷺ
 نہ جن سورج فلک ہوندے نہ ایہ جن و ملک ہوندے
 تری خاطر ایہ ہے سارا پیارا یا رسول اللہ ﷺ
 ایہ تن من آپ دی خاطر اے دل وی آپ دا شیدا
 تساڈی دید سب مرضاں دا چارا یا رسول اللہ ﷺ
 ہزاراں عیب وچ میرے تے لکھاں شان وچ تیرے
 نہیں تینوں گنہگاراں دا بھارا یا رسول اللہ ﷺ
 مرے طاہر دے لچ پالا توں ای امت دا رکھوالا
 مری کشتی نوں مل جاوے کنارا یا رسول اللہ ﷺ
 نظارا تیرے روضے دا شفاعت ہے جیلانی دی
 بناں ڈٹھیاں نہ مر جاوے وچارا یا رسول اللہ ﷺ
 سید محمد اکرم شاہ جیلانی

.....☆☆.....

ﷺ

بلاو مینوں وی اپنے دوارے یا رسول اللہ ﷺ
 میں ویکھاں پاک روضے دے نظارے یا رسول اللہ ﷺ
 ایہ دل وچ تاہنگ اے میرے مدینہ شہر ویکھاں میں
 میرے دل ہون رحمت دے اشارے یا رسول اللہ ﷺ
 میں چھاں نال اکھیاں دے سنہری جالیاں جا کے
 بناں تیرے کبھڑا قسمت سنوارے یا رسول اللہ ﷺ
 میں دیوانہ تیرے در دا میں آقا تیرا شیدائی
 مری دھڑکن تیرا ای ناں پکارے یا رسول اللہ ﷺ
 جے کھاون لئی ملن مینوں تیرے دربار دے ٹکڑے
 مرے ہون بڑے چنگے گزارے یا رسول اللہ ﷺ
 میرے آقا تیرے باجھوں میرا کوئی نہیں دردی
 میں جیواں بن تیرے کس دے سہارے یا رسول اللہ ﷺ
 میرے لچپال آقا تیریاں قدماں دی دھوڑ اتوں
 قلندری لکھ واری جان وارے یا رسول اللہ ﷺ

محمد اکرم قلندری

ﷺ

منور نور تیرے توں زمانہ یا رسول اللہ ﷺ
 ترا دربار رحمت دا خزانہ یا رسول اللہ ﷺ
 ہے کعبہ ودھ خدائی توں تے ودھ کعبے توں عرش اعظم
 ترا عرشاں توں افضل آستانہ یا رسول اللہ ﷺ
 رہے کر دے تے کر دے پئے تے کر دے حشر تائیں راہسن
 تری چوکھٹ تے سجدہ عاشقانہ یا رسول اللہ ﷺ
 گدائی آپ دے در دی ہے افضل بادشاہی توں
 ترے نعلین ہی تاج شہانہ یا رسول اللہ ﷺ
 خدا دے پیش ہوون لئی سند روزے نمازاں نہیں
 ترا ہی نام بخشش دا بہانہ یا رسول اللہ ﷺ
 ایویں حاضر تے ناظر دے پے جگ وچ شور مچدے ہن
 ترے باجھوں تے ہے دل وی ویرانہ یا رسول اللہ ﷺ
 سوالی آپ دے در دے سکندر بن و بنجیج ایج وی
 بڑا لہجہ پال ہے تیرا گھرانہ یا رسول اللہ ﷺ
 ترے اسم مبارک دا لباب تے ورد جاری رہے
 ہووے دنیا توں راہی جد روانہ یا رسول اللہ ﷺ

اللہ دتا راہی



ﷺ

دنے راتیں میں تیرے گیت گادواں یا رسول اللہ ﷺ
میں چم چم ناں ترا اکھیاں نوں لاواں یا رسول اللہ ﷺ

جو اک اک وصف دتا سی خدا نے دوجے نبیاں نوں
ترے وچ وصف اوہ سارے میں پاواں یا رسول اللہ ﷺ

جہاں توں ہو کے توں عرشاں تے جا کے سیر کیتی سی
اوہ تارے بن کے لشکن اج وی راہواں یا رسول اللہ ﷺ

مڑے سورج تے چن ٹٹ جاوندا تیرے اشارے تے
خدا نوں تیریاں بھاون اداواں یا رسول اللہ ﷺ

جے توں چاہویں تے رب قبلے دارخ وی موڑ دیندا اے
اوہ من لئے توں کریں جس دم دعاواں یا رسول اللہ ﷺ

گیا بس طور تے موسیٰ تے اوہ وی تنکیاں پھیریں
توں عرشاں تے گیا پا کے کھڑاواں یا رسول اللہ ﷺ
محمد الیاس جسٹس

ﷺ

دکھاؤ مینوں وی سوہنا مدینہ یا رسول اللہ ﷺ
کرو روشن کدی میرا وی سینہ یا رسول اللہ ﷺ

مدینے دی جدائی وچ اے دل دن رات روند اے
کدوں آوے گا اوہ دن تے مہینہ یا رسول اللہ ﷺ

ترے در تے گیا جیہڑا کدے خالی نہیں آیا
مری قسمت دا لشکاؤ ہمیشہ یا رسول اللہ ﷺ

میں کد تک ظلمتاں وچ ٹھوکراں کھاواں مرے آقا
کدے مینوں وی بخشو چشم بینا یا رسول اللہ ﷺ

تلاطم کفر دے آقا بہت مونہہ زور ہوئے نیں
بچاؤ آن کے میرا سفینہ یا رسول اللہ ﷺ

ہنر جے نعت آکھن دا امین انجم نوں آ جاوے
مناوے نعتاں پڑھ پڑھ کے شبینہ یا رسول اللہ ﷺ
محمد امین انجم

ﷺ

ڈراون رات دن مینوں خطاواں یا رسول اللہ ﷺ
 کرم دی کر دیہو میں تے نگاہواں یا رسول اللہ ﷺ
 کسے وی ہور جنت دی بھلا فر لوڑ کیہ مینوں
 تسیں جے دے دیہو در تے پناہواں یا رسول اللہ ﷺ
 مدینے آن دا مینوں شرف بخشو مرے آقا
 میں گجرے نعت دے گنھ کے لیاواں یا رسول اللہ ﷺ
 جدوں بولو تاں لگدا اے خدا اے بولدا آقا
 تبسم آپ دا ٹالے بلاواں یا رسول اللہ ﷺ
 مری عیاں بھری جندڑی تے پاؤ جہات رحمت دی
 تے روزِ حشر وی ہسدا میں جاواں یا رسول اللہ ﷺ
 تہاڈا در جے مل جاوے تے کوئی غم نہیں رہندا
 وسیلے ایس دے ہر غم بھلاواں یا رسول اللہ ﷺ
 ایہو اک التجا اے روزِ محشر عاصی بابر دی
 ثنا خاناں ج بولے میرا ناواں یا رسول اللہ ﷺ

امین بابر

ﷺ

میں ایسے آس تے ایہ دن گزارے یا رسول اللہ ﷺ
 مرے لیکھاں وچ ہون گے بظاہرے یا رسول اللہ ﷺ
 تسیں او مرکز علم و ہنر او دین و دنیا دے
 تہاتھوں ہچ نیں سمجھے ادارے یا رسول اللہ ﷺ
 توں اوہناں دا ہیں خادم حشر دا تینوں ہے ڈر کاہدا
 ہر اک دیندا اے مینوں ایہو لارے یا رسول اللہ ﷺ
 تساں دے اک اشارے نال سورج پرت آؤندا اے
 تہاڈی ٹھوکراں وچ نیں ستارے یا رسول اللہ ﷺ
 گناہاں دی سفارش لئی تہاڈی آس کافی اے
 کراں کیہ ہور ایدوں ودھ کے چارے یا رسول اللہ ﷺ
 تہانوں اپنے ورگا جان دے نیں لکھے عقلاں دے
 کیہ جانن آپ دی عظمت و چارے یا رسول اللہ ﷺ
 خیال اکھیاں تے دل نوں اوس ویلے ٹھنڈ پینی ایں
 میں جد ویکھاں گا خضریٰ دے منارے یا رسول اللہ ﷺ

امین خیال

ﷺ

کیویں ہجراں دیاں رتاں گزاراں یا رسول اللہ ﷺ
 مرے نیناں دیاں وگن جھلاراں یا رسول اللہ ﷺ
 تساں دے باجھ نیں ہر سو سہ ویرانیاں والے
 تسیں آؤ تے آ جاوَن بہاراں یا رسول اللہ ﷺ
 کدوَن طیبہ دے سفرِاں دا اذن ہوئی نماں نوں
 میں دم دم نال تڑپاں تے پکاراں یا رسول اللہ ﷺ
 مقدر نہیں مرے ایوب دے وانگوں مگر فر دی
 میں گھر اپنا سجاواں تے سنواراں یا رسول اللہ ﷺ
 ایہ کیہ اولاد تے دولت تے کیہ ایہ جندڑی میری
 تساں دی ذات توں ہر چیز واراں یا رسول اللہ ﷺ
 مری روح تے رہوے چھایا تساں دی یاد دا موسم
 تساں دے عشق تھیں دل نوں نکھاراں یا رسول اللہ ﷺ
 وچھنی کونج دے وانگوں رہوے کرلاوندا انور
 مدینے جانڈیاں جس وقت ڈاراں یا رسول اللہ ﷺ

انوراداس

ﷺ

سہارا آپ دا ہر ویلے چاہواں یا رسول اللہ ﷺ
 مرے دل دی کدے پھیرو نگاہواں یا رسول اللہ ﷺ
 ترے صدقے ملی سب نوں حیاتی عربیا وھولا
 تیرا احسان کیہ کیہ میں گناواں یا رسول اللہ ﷺ
 منو حاکم نئی نوں سب جدوں کوئی معاملہ ہووے
 خدا دا حکم اے سب نوں سناواں یا رسول اللہ ﷺ
 توں قاسم این توں قاسم این توں قاسم این توں قاسم این
 میں وی صدقہ شہ کرمل دا پاواں یا رسول اللہ ﷺ
 ترے باجھوں کیہڑا دردی حیاتی وچ ممائی وچ
 تری میں قبر دے وچ دید پاواں یا رسول اللہ ﷺ
 جتھے لائیاں تہاں تلیاں کڑاں سجدے میں اس تھان تے
 میں وی اکھاں دے نال ویکھاں اوہ تھواواں یا رسول اللہ ﷺ
 نہ مکدے پندھ دوری دے میرے لیکھاں چوں غمخوارا
 ہجر دے نت میں صدے اٹھاواں یا رسول اللہ ﷺ
 مرے دل دا دھو شیشہ کرم دی جہات اک پا کے
 تری تصویر فیر دل وچ بٹھاواں یا رسول اللہ ﷺ
 مرے جھپے عاصیاں دی توں سدا کیتی اے لہجائی
 میں وی سب غم زمانے دے بھلاواں یا رسول اللہ ﷺ
 میں پاپی تے نکما ہاں ایہو میرا اے سرناواں
 ترا در چھوڑ کے کھے میں جاواں یا رسول اللہ ﷺ
 کدی غصہ نوں سد آقا سبز گنبد دی چھان تھلے
 میں تینوں زخم دل والے دکھاواں یا رسول اللہ ﷺ
 انصر عقیل حیدری

ﷺ

مرا قبلہ تے کعبہ اے مدینہ یار رسول اللہ ﷺ
 تری چاہت عبادت دا قرینہ یار رسول اللہ ﷺ
 مرے لچپال رکھ لینا بھرم میری محبت دا
 پس مردن بنے طیبہ دینہ یار رسول اللہ ﷺ
 مینوں کیہ لوڑ تھناں دی تے تاج بادشاہی دی
 تری الفت دا کافی اے خزینہ یار رسول اللہ ﷺ
 بہاراں پھل تے کلیاں تیری مسکان دا صدقہ
 مشک عنبر تے نیں تیرا پسینہ یار رسول اللہ ﷺ
 تیری چاہت دا کعبہ اے میرے دل دی زمین اتے
 ترے ناواں دا پڑھنا ہاں شبینہ یار رسول اللہ ﷺ
 کرم دے نال میرا وی گناہواں دے سمندر چوں
 کنارے لا دیہو للہ سفینہ یار رسول اللہ ﷺ
 بلا لو در تے انور نوں کتے نہ موت آ جاوے
 تساڈے در دا بردا ایہ دیرینہ یار رسول اللہ ﷺ
 ایم انور بھٹی اختر آبادی

صلی اللہ علیہ وسلم

بناں تیرے میں کس در ہو جاواں یا رسول اللہ ﷺ
 میں دکھڑے ہو کس اگے سناواں یا رسول اللہ ﷺ
 میں کیوں غیراں دے جاواں کاسنوں غیراں توں منگاں میں
 گدا تیرے ای در دا میں سداواں یا رسول اللہ ﷺ
 ڈراؤنی رات جھکھڑ مینہ ہنیری ڈولدی بیڑی
 نہ چپو کوئی مانجھی اے نہ ”لاواں“ یا رسول اللہ ﷺ
 نہ کوئی در ترے باجھوں نہ کوئی تھاں نہ تھتھا اے
 مرا تھاں ای نہیں کوئی، نتھاواں یا رسول اللہ ﷺ
 مکن دنیا دے غم سارے تے عقیبی دا وی ڈر لے
 نجف کربل مدینے جے میں جاواں یا رسول اللہ ﷺ
 تمنا مال و دولت دی نہ شہرت دی غرض مینوں
 مدح خواں تیرے در دا میں سداواں یا رسول اللہ ﷺ
 کسے نوں لمن ترانسی تے کسے نوں دعوتاں دیندا
 کرے تیرے لئی خالق اداواں یا رسول اللہ ﷺ
 جے اپنی شان برہانی دی مولا معرفت دے دو
 تے شاہاں نوں نہ خاطر وچ لیاواں یا رسول اللہ ﷺ
 بناں شبیر دے غم دے نہ ہووے غم کوئی مینوں
 کرے انور دا ہر ساہ ایہ دعاواں یا رسول اللہ ﷺ
 انور علی بھی

صلی اللہ علیہ وسلم

میں امتی آپ دا منگاں سہارا یا رسول اللہ ﷺ
 میں بیکس ہاں نکما تے نکارا یا رسول اللہ ﷺ
 میں جگ دی طلب اندر گوڈے گوڈے کھب گیا آقا
 میں سن دا نہیں مؤذن دا پکارا یا رسول اللہ ﷺ
 میری سستی میری کاہلی نے بیڑا غرق کیتا اے
 کوں ہوی قبر وچ جا گزارا یا رسول اللہ ﷺ
 تساں دے کرم دی جے تھوڑ رہی تے لٹ جاواں گا
 میری کشتی نوں ملنا نہیں کنارا یا رسول اللہ ﷺ
 تسیں نہیں موڑ دے خالی کدی در آئے مہکتے نوں
 میں وی ہاں فیض دا طالب وچارا یا رسول اللہ ﷺ
 تساں دی منکدا شفقت شفاعت دا وی طالب ہاں
 نہ ہووے بریاں وچ ایہدا شمارا یا رسول اللہ ﷺ
 تساں دی نعت میں لکھاں تساں دے گیت میں گاواں
 ہووے مقبول نذرانہ خدارا یا رسول اللہ ﷺ
 کدے آزاد نوں وی بارگاہ وچ حاضری بخشو
 کراں دربار اقدس دا نظارا یا رسول اللہ ﷺ
 ایم اے آزاد کھوکر

ﷺ

میںوں رہندی اے سک تیری گھنیری یا رسول اللہ ﷺ
ہجرتیرے نے جند میری اے گھیری یا رسول اللہ ﷺ

بیشک عملوں وی خالی آں تے کچھ وی نہیں مرے ملے
مرے عیبوں تیری رحمت ودھیری یا رسول اللہ ﷺ

کروڑاں فیض پاؤندے نیں ترے دربار عالی توں
تری دستار تاجاں توں، اچیری یا رسول اللہ ﷺ

عرش والے فرش والے سمجھے تیرے سلامی نیں
اچیری شان نبیاں توں ہے تیری یا رسول اللہ ﷺ

ذکر تیرا بلند کیتا، ہے ایہ فرمان اللہ وا
خدا نوں وی تیری الفت چنگیری یا رسول اللہ ﷺ

جہاں پتھراں نوں تکیا اے تہاں الماس بن گئے نیں
نظر کافی مری زندگی نوں تیری یا رسول اللہ ﷺ
بشیر الماس بائی

ﷺ

مری ایہ آس مدتوں دی پچاؤ یا رسول اللہ ﷺ
رکھی اے سانجھ مدتوں دی بلاؤ یا رسول اللہ ﷺ

بڑے گزرے نہیں میرے دن مہینے سال اوکھے ایہ
مرے دن آخری دسدے بلاؤ یا رسول اللہ ﷺ

ہے چڑھدا دن اڈیکاں وچ تے آخر شام پے جاندی
ایہ لانبو ہجر دی اگ دا بجھاؤ یا رسول اللہ ﷺ

میں سدھراں دل دے وچ رکھ کے پیا ویلا ٹپانا واں
کسے منزل تے مینوں وی پہنچاؤ یا رسول اللہ ﷺ

تھاڑے در تے سائل آ کدی خالی نہ جاندے نہیں
تے صدقہ دے کے بھکھے نوں رجاؤ یا رسول اللہ ﷺ

بڑی کاوش چ لنگھے نہیں مرے دن سال اے کاوش
شمس ہن کامیابی دا چڑھاؤ یا رسول اللہ ﷺ
حکیم پیر محمد کاوش

صلی اللہ علیہ وسلم

دکھاں درداں دا مارا ہاں کرم کر یا رسول اللہ ﷺ
 رو رو کروا گزارا ہاں کرم کر یا رسول اللہ ﷺ
 گداگر بن محبت دا تھڈے در دے پنہاں کھڑے
 تھڈا منگتا بھکارا ہاں کرم کر یا رسول اللہ ﷺ
 گناہواں دی ہے سر گٹھڑی بھری جھولی خطاواں توں
 تینوں وت دی گوارا ہاں کرم کر یا رسول اللہ ﷺ
 بھنی کشتی ہے عملاں دی پھسی بھنوراں طوفاناں وچ
 تھڈا منگدا سہارا ہاں کرم کر یا رسول اللہ ﷺ
 جڈاں ڈہدا اڈائیں دھکڑے تے دھوڑے ہن غریباں لئی
 سارے جگ توں نکارا ہاں کرم کر یا رسول اللہ ﷺ
 چمباں روئے دی جالی نوں ڈیواں جھاڑو میں پلکان دے
 ڈہدا سفنے نظارا ہاں کرم کر یا رسول اللہ ﷺ
 تھڈا ملنا آ خواباں وچ مینوں محسوس ہویا اے
 تینوں کتنا میں پیارا ہاں کرم کر یا رسول اللہ ﷺ
 تھڈا پرویز رو رو کے خطاواں توں منگے معافی
 ملی بیٹھا دوارا ہاں کرم کر یا رسول اللہ ﷺ
 پرویز جھمٹ

ﷺ

مری بھٹی ہوئی سوچاں دی منزل یا رسول اللہ ﷺ
 مرے احساس دی کشتی دا ساحل یا رسول اللہ ﷺ
 اوہ کیوں چاکری کر لے کسے سلطان دے در دی
 تہاں دے پاک در دا جیہڑا سائل یا رسول اللہ ﷺ
 ایہ تارے جن تے سورج کبھی راہی ترے در دے
 ہمیشہ توں ہر اک شے دی اے منزل یا رسول اللہ ﷺ
 تہاڈی ذات ای تخلیق عالم دا سبب ٹھہری
 توں جانِ جانِ میری روح تے دل یا رسول اللہ ﷺ
 میں اپنے آپ توں آقا لگا کے مونہہ پھروا ہاں
 ایہ وی ڈر دا نہ آکھاں خواب وچ مل" یا رسول اللہ ﷺ
 کثافت جس طرحاں کرناں دا رستا روک لیندی اے
 میں اپنی راہ وچ ہاں آپ حائل یا رسول اللہ ﷺ
 تہاڈا نام لینا کس طرحاں تنویر چھڈ دے
 تہاڈا پیار رگ رگ وچ ہے شامل یا رسول اللہ ﷺ
 ڈاکٹر تنویر احمد ﴿گولڈ میڈلسٹ﴾

.....☆☆.....

صلی اللہ علیہ وسلم

تڑپ دے میں غماں دکھاں دے مارے یا رسول اللہ ﷺ
 تساڈے باجھ ہوندے نہیں گزارے یا رسول اللہ ﷺ
 کسوتے میں بڑے ہی لیکھ ساڈے وی سوارو چا
 تساں دنیا دے وگڑے کم سوارے یا رسول اللہ ﷺ
 تساڈی یاد دے لیکھے چا لائے میں ' خدا دی سونہ
 امیں آندے سی جیہڑے سہا اہوارے یا رسول اللہ ﷺ
 بناں شفقت تساڈی دے ' کوں لاپئے ' سراں اُتے
 غماں نے چاڑھ دتے میں جو بھارے یا رسول اللہ ﷺ
 بڑے مر مر کے ' محنت کر کے چھتے میں
 کوئی ظالم نہ ڈھا دیونے ایہ ڈھارے یا رسول اللہ ﷺ
 فلسطینی وی روندے میں تے افغانی وی روندے میں
 سنو پے پاندے میں ہاڑے ' وچارے یا رسول اللہ ﷺ
 ہے کس نوں تاب سننے دی کہ بت سمجھے ای بولے میں
 بخاری آپ بن کس نوں پکارے یا رسول اللہ ﷺ

تنویر بخاری

ﷺ

کرم ہووے ترے درتے میں آواں یا رسول اللہ ﷺ
کراں دن رات بس ایہو دعاواں یا رسول اللہ ﷺ

میں اوگن ہار ہاں آقاؐ میں بد کردار ہاں آقاؐ
مینوں رحمت دیاں دینا پناہواں یا رسول اللہ ﷺ

مری بگڑی سنور جاوے مری دنیا بدل جاوے
ترے گنبد دیاں مل جان چھاواں یا رسول اللہ ﷺ

مری اوقات توں ودھ کے عطا ہویا کرم تیرا
ترا میلاد فیر کیوں نہ مناواں یا رسول اللہ ﷺ

مسلماناں دے حال زار تے اللہ کرم کرنا
میں عاجز واسطہ ہتھ بنھ کے پاواں یا رسول اللہ ﷺ

جاوید اقبال

.....☆☆.....

ﷺ

ایہ دل تیری نہ سہ سکدا جدائی یا رسول اللہ ﷺ
مری رو رو کے پئی جاندی بینائی یا رسول اللہ ﷺ

کدوں آؤسی مبارک دینہ جدوں مینوں بلاؤ گے
کدوں اس قید چوں ملسی رہائی یا رسول اللہ ﷺ

مری ساری جوانی جو کہ عیناں وچ گزر گئی اے
نہ کیتی نیک میں کوئی کمائی یا رسول اللہ ﷺ

انہاں ہتھاں تے پیراں نے گواہ میرے تے ہونا اے
مری کس پیش کرنی اے صفائی یا رسول اللہ ﷺ

مری آساں امیدیں دی دی بھر دیو کدی جھولی
چمک پئے ہن تے ہتھاں دی لکھائی یا رسول اللہ ﷺ

جاویداقبال خاں نیازی

.....☆☆.....

ﷺ

جیہڑی وی جیبہ تے ہے ذکر جاری یا رسول اللہ ﷺ
 لگے رب نوں وی اوہو ای پیاری یا رسول اللہ ﷺ
 پے مہکن پھل دروداں دے صلوتاں تے سلاماں دے
 کھڑی من دی رہوے کوئل کیاری یا رسول اللہ ﷺ
 مرا من لوچدا اے سینے دم دم تاہنگ رہندی اے
 مدینے لئی کراں میں دی تیاری یا رسول اللہ ﷺ
 مری روح وی اڈن دے لئی بڑا چوکھا مچدی اے
 ایہ پنچھی جد وی بھردے نیں اڈاری یا رسول اللہ ﷺ
 قلم نوں بخشو توفیقاں تہاڈی ای ثناء لکھے
 ثناء جو جگ نوں لگے ڈھیر پیاری یا رسول اللہ ﷺ
 جو نفرت تے کدورت دی بلی ڈھانڈی بجھاؤ پھر
 تہاڈی مہر نے نت اگ ٹھاری یا رسول اللہ ﷺ
 تسلیں شفقت کریندے جے تے جاگاں لگدیاں نیں فر
 ستے بختاں نوں مل جاوے بیداری یا رسول اللہ ﷺ

ہجر دے کٹھیاں نوں دیندے جے شربت وصالاں دا
 کرم دی بات ساری آوے واری یا رسول اللہ ﷺ
 ایہ ڈر رہندا اے ساہواں دی کتے ڈوری نہ ٹٹ جاوے
 بخش دیہو استقامت ڈھیر ساری یا رسول اللہ ﷺ
 ودھاؤ حوصلہ جیون دا ہمت ہار بیٹھی جے
 تہانوں چوکی اے امت پیاری یا رسول اللہ ﷺ
 چوہیرے کافراں نے اج فر یلغار کیتی اے
 کوئی بھیجو عمرؓ بوڈڑ غفاری یا رسول اللہ ﷺ
 حسن نوں سرخرو مولا تمہیں کرنا تسیں کرنا
 گناہواں دی ایہ پنڈھ ڈھیر بھاری یا رسول اللہ ﷺ

پروفیسر حسن ملک

.....☆☆.....

ﷺ

مدینے شہر مینوں وی بلاؤ یار رسول اللہ ﷺ
 مرے ناویں دی چٹھی وی تے پاؤ یار رسول اللہ ﷺ
 مرے جتے دی وگن وچ ہمیرے ای ہمیرے نیں
 ایہ پردے ظلمتاں دے سبھ ہٹاؤ یار رسول اللہ ﷺ
 مرے بختاں دی تختی دے مقدر سور جاوے گے
 تسلیں جے پورنے رحمت دے پاؤ یار رسول اللہ ﷺ
 تسلاں جو درد کیتا اے عطا رومی تے جامی نوں
 مرے سینے چ درد اوہو جگاؤ یار رسول اللہ ﷺ
 مرے ہونٹھاں دے انبر توں درودی بارشاں وس
 مری نس نس چ ساہواں وچ سماؤ یار رسول اللہ ﷺ
 تسلیں کونین دے وارث تسلیں حاجت روا سب دے
 مری اس جھوک اُجڑی نوں وساء یار رسول اللہ ﷺ
 تسلاں دا نور سورج ' چن ' ستارے ' کہکشاواں وچ
 میں ذرے نوں وی سورج اج بناؤ یار رسول اللہ ﷺ
 تھلاں داساڑ سوکا آ گئے جھکھڑ چوہواں طرفوں
 خدارا میرے گلشن نوں بچاؤ یار رسول اللہ ﷺ
 تصور سبز گنبد دا حقیقت وچ بدل جاوے
 کرم اپنے حفیظ اتے کماؤ یار رسول اللہ ﷺ

ڈاکٹر حفیظ احمد

ﷺ

بنی اے جان تے بھاری مصیبت یا رسول اللہ ﷺ
لوو ساراں کہ وگڑی اے طبیعت یا رسول اللہ ﷺ

تھاڈے واسطے دے نال کرناں عرض رب اگے
کہ دیکھاں چھیتی میں صحت دی صورت یا رسول اللہ ﷺ

طریقہ صبر پچھوں شکر والا بھل دا جاندا اے
میں قائم رکھ سکاں کجھ ٹھاڈی سنت یا رسول اللہ ﷺ

ہے منزل ڈاہڈی اوکھی پیر نہ تھڑکے کتے میرا
ہمیشہ نال ہووے تھاڈی رحمت یا رسول اللہ ﷺ

معافی رب دے کولوں لے دیا جے اپنے نائب نوں
ہوئی یاں ہوسی اس کولوں جو غفلت یا رسول اللہ ﷺ

پروفیسر حفیظ نائب

ﷺ

مرے دل وی جے ہو جاوَن نگاہواں یا رسول اللہ ﷺ
میں سترے لیکھ اپنے سب جگاواں یا رسول اللہ ﷺ

نہ رتے دی نہ دولت دی نہ جنت دی طلب مینوں
جے پاواں سبز گنبد دیاں چھاواں یا رسول اللہ ﷺ

میں تڑی نوں جے گل لاویں تاں جاگن بھاگ میرے وی
مراداں دل دیاں فر میں وی پاواں یا رسول اللہ ﷺ

وٹا کے بھیں جوگی دا براگن گل چچ پا لفی
ترے ہی نام وی مانگت سداواں یا رسول اللہ ﷺ

نصیباں وچ جے ہووے روز چماں جالی روئے دی
میں چم چم خاک اکھیاں نال لاواں یا رسول اللہ ﷺ

کدے سفری دیوانے تے نگاہِ کرم ہو جاوے
عمر ساری رہوے لکھدا ثناواں یا رسول اللہ ﷺ
حمید سفری

ﷺ

جو تیرے عشق دے پنجرے تڑپے یا رسول اللہ ﷺ
 نہ دنیا تے کسے کولوں چھڑتے یا رسول اللہ ﷺ
 اوہ بخشے جان گے سارے تہاں دے اک اشارے تے
 حشر دے روز جو عاصی پھڑتے یا رسول اللہ ﷺ
 زمانے دی اوہ ہر نعمت تھیں مالا مال ہوندے نیں
 تہاں دے عشق وچ جیہڑے لٹیچے یا رسول اللہ ﷺ
 انہاں نے پا لیا اے رازِ مر کے امر ہوون دا
 جو تیرے عشق دے اندر کھڑتے یا رسول اللہ ﷺ
 مٹے جو عشق وچ تیرے رہے قائم اوہ دنیا تے
 انہاں دے نام جگ توں نہ مٹیچے یا رسول اللہ ﷺ
 میں اس دنیا دی ہئی وچ کیتی وکری گناہواں دی
 نہ دو سکے وی عملاں دے وٹیچے یا رسول اللہ ﷺ
 بڑے اوہ بھاگاں والے نیں جو اس واری وی جاوون گے
 جہاں دے ٹکٹ طیبہ دے کٹیچے یا رسول اللہ ﷺ
 دھاڑے حشر دے اپنے نظامی نوں دا بھرم رکھنا
 ایہدے عملاں دے جد کھاتے پٹیچے یا رسول اللہ ﷺ

عبدالحمید نظامی

صلی اللہ علیہ وسلم

التجا میری ہو گئی بڑی دیری جھولی خیر پاؤ یا رسول اللہ ﷺ
 گم سم دماغ تے دل ہو یا کاری ضرب لاؤ یا رسول اللہ ﷺ
 بنے دل سمندر دریا دردی پردے سب چاؤ یا رسول اللہ ﷺ
 تن من چائن جائے بن حنفی یا بلاؤ یا آؤ یا رسول اللہ ﷺ

محمد عقیف حنفی

ایہ چومصرعہ لکھ کے میں اقبال زخمی ہواں نوں لکھاری دے
 نعت نمبر ۵ ”یا رسول اللہ“ نمبر لئی گھل دتا۔ حالے ایہ نمبر چھپیا
 وی نہیں سی جے سرکار ﷺ نے مدینہ پاک بلا لیا تے میں عمرا
 کر کے آ گیا

(حنیف حنفی)

صلی اللہ علیہ وسلم

بلاؤ تے میں در تیرے تے آواں یا رسول اللہ ﷺ
ترے در دے میں نکڑے فیر کھاواں یا رسول اللہ ﷺ

تساڈے جہاں تھاواں تے قدم سرکار لگے سن
میں ویکھاں گا اوہ تھاواں نال چاواں یا رسول اللہ ﷺ

اوہ جیہڑی غار دے اندر سی، ڈنگ صدیق نے کھاوے
وکھا دیو دینوں وی تے اوہ تھاواں یا رسول اللہ ﷺ

ترے در تے مرے آقا میں وی ہن آونا چاہواں
میں روضے سامنے نعتاں سناواں یا رسول اللہ ﷺ

ترے در مہر علیؑ آیا کدے غوث جلیؑ آیا
مقدر وچ مرے ہون اوہ تھاواں یا رسول اللہ ﷺ

کرو صابر دی پوری آرزو آقا ، کرو پوری
دنے راتیں ایہ دیندا اے صداواں یا رسول اللہ ﷺ

محمد حنیف صابر

ﷺ

تیرے صدقے ترے جاواں میں واری یار رسول اللہ ﷺ
 میں بیکس ہاں تیرے در دا بھکاری یار رسول اللہ ﷺ
 مریاں ایہو دعاواں نہیں تے ایہو التجاواں نہیں
 عمر گزرے ذکر تیرے سچ ساری یار رسول اللہ ﷺ
 حلیمہ گود وچ لے کے پئی سوہنے ٹوں کہندی سی
 میں واری یار رسول اللہ ﷺ میں واری یار رسول اللہ ﷺ
 اوہ راہواں بن گئیاں جنت اوہ تھاواں لگ پیاں مہکن
 تری جتھوں دی گزری اے سواری یار رسول اللہ ﷺ
 ادب دینال جگا کے تے کرے جبریل پیا عرضاں
 کرو عرشاں ولے جلدی تیاری یار رسول اللہ ﷺ
 نظارے سبز گنبد دے نصیباں وچ سبے ہو جاوَن
 میں دیواں نال پکاں دے بہاری یار رسول اللہ ﷺ
 ہجر اند پیا تڑفے نمانا قادری آقا
 ہری کرنا امیدیاں دی کیاری یار رسول اللہ ﷺ

حنیف قادری

ﷺ

غماں فکراں دی نہیری فیر جھلی یا رسول اللہ ﷺ
 بچا لینا مری آساں دی کلی یا رسول اللہ ﷺ
 مری جند پھس کے دنیا دے بکھیریں آکھدی پئی اے
 میں بھلی یا رسول اللہ ﷺ میں بھلی یا رسول اللہ ﷺ
 سنوارو آپ ایہناں نوں نکھارو آپ ایہناں نوں
 نہ لگ جاوے مرے بختاں نوں الی یا رسول اللہ ﷺ
 سمائی واشنا سارے جہاں وچ خیر و برکت دی
 تری وایل دی جد زلف کھلی یا رسول اللہ ﷺ
 مدینے پاک دے صدقے مری قسمت دیوچ کرنا
 مدینے دی ہوا پانی تے گلی یا رسول اللہ ﷺ
 کرم فرماونا تے دید دی خیرات دے جانا
 جدوں سرہیوں مری اکھیاں چ پھلی یا رسول اللہ ﷺ
 قیامت تیک دی نیندر جدوں سوویں ترا نازش
 بقیع دی خاک دی مل جائے جلی یا رسول اللہ ﷺ

محمد حنیف نازش

صلی اللہ علیہ وسلم

میں تیرا ہاں میں تیرا ہاں میں تیرا یا رسول اللہ ﷺ
مرے ولے کدی پاؤ ہاں پھیرا یا رسول اللہ ﷺ

ابو ایوب دے وانگوں مینوں وی ناز ہووے گا
مری کٹیا چ ہو جائے جے ڈیرا یا رسول اللہ ﷺ

ترے چانن دی مینوں تے بڑی ہی لوڑ رہندی اے
تسیں بخشو تے مک جاندا ہمیرا یا رسول اللہ ﷺ

نہ ملیا اے مینوں آقا تیرے جیسا زمانے تے
چویں کوٹیں میں پھر ڈٹھا پھیرا یا رسول اللہ ﷺ

میرے مرشد دی نسبت دا میرے اتے کرم ہویا
قلم کروا ثنا خوانی ہے میرا یا رسول اللہ ﷺ

تری رحمت دا اک قطرہ جے مل جاوے کمینے نوں
تاں پھر خاکی دا ہر پاسا چنگیرا یا رسول اللہ ﷺ
خالد جاوید خاکی

ﷺ

کرو ہن دور دکھاں دے ہمیرے یا رسول اللہ ﷺ
 تے ویکھاں میں وی خشیاں دے سویرے یا رسول اللہ ﷺ
 تیری فرقت جدائیاں وچ میں اپنا حال کیہ دساں
 گلے رو رو کے اکھیاں دے ہمیرے یا رسول اللہ ﷺ
 بنا کے پیر پلکاں دے میں اوتھوں دی گذر جاواں
 جہاں تھاواں نہیں چھے پیر تیرے یا رسول اللہ ﷺ
 مقدر والڑے نہیں اوہ تے بختاں دے سکندر نہیں
 جہاں لائے نہیں تہاڑے کول ڈیرے یا رسول اللہ ﷺ
 کھلو کے آپ دے پچھے نبی کہندے سی اقصیٰ وچ
 تسیں او سارے نبیاں توں اگیرے یا رسول اللہ ﷺ
 چمک دے نہیں ذوالے فلک دے بن کے ستارے اوہ
 جیہڑے اتھرو تاں غاراں چ کیرے یا رسول اللہ ﷺ
 تساڑے نور دی جاوے نہ جھلی تاب جن توں دی
 کرم کیجے تاں جن تے جتھیرے یا رسول اللہ ﷺ

حامی دلشاد جن

.....☆☆.....

ﷺ

کرم اپنے تھیں بھر دے میری جھولی یا رسول اللہ ﷺ
ترے قدماں توں جند اپنی میں گھولی یا رسول اللہ ﷺ

ایہ سارے جگت دے اپنے پرانے توڑ کے رشتے
اج آئی تیرے درتے تیری گولی یا رسول اللہ ﷺ

نہ کوئی وی محبت وٹدا ڈٹھا ترے باجھوں
میں اک اک جوہ زمانے دی پھرولی یا رسول اللہ ﷺ

ترے مٹھڑے تے پیارے بول موہ لیندے دلاں تائیں
ہے سمھناں تھیں نیاری تیری بولی یا رسول اللہ ﷺ

کرم دی اک نظر آقا مدینے دے مسافر تے
بھراں میں آکے پنڈ تیرے گھڑولی یا رسول اللہ ﷺ

نظر تیری دے صدقے بیڑی راجے دے مقدر دی
غماں دے بحر اندر وی نہ ڈولی یا رسول اللہ ﷺ

راجا رسالو

صلی اللہ علیہ وسلم

تہاڈے درتے چھاں رحمت دی سسنگھنی یا رسول اللہ ﷺ
 گناہواں دی اے راہ وچ ریت تتی یا رسول اللہ
 تہاڈے ذکر وچ سدہ دی منزل رہ گئی کچھے
 جے میرے خیال نے ماری اڈاری یا رسول اللہ ﷺ
 تسیں مدوح یوسف دے تہاڈا مدح خواں میں وی
 ہے میرے کول ایہ نعتان ای اتی یا رسول اللہ ﷺ
 کدے مونہہ دا سواد اپنا تے کوڑا ہو نہیں سکدا
 تہاڈی نعت دی سچی اے مشری یا رسول اللہ ﷺ
 محبت دی نظر سی کیمرہ سی قلب میرے دا!
 تہاڈے لطف دی تصویر کھچی یا رسول اللہ ﷺ
 حدیثاں وچ تے ڈلھکاں مار دا اے سچ دا ہیرا
 تہاڈی بات حکمت وچ پرچی یا رسول اللہ ﷺ
 راجا رشید محمود



ﷺ

کرم ہووے مدینے میں وی آواں یا رسول اللہ ﷺ
 کراں میں رات دن ایہو دعاواں یا رسول اللہ ﷺ
 کدوں در تے بلاؤ گے کدوں مکھڑا وکھاؤ گے
 کتے ویکھن توں پہلوں مر نہ جاواں یا رسول اللہ ﷺ
 جہاں راہواں توں محبوب خدا آندے تے جاندے سن
 اوہ خوشبودیندیاں نیں اج وی راہواں یا رسول اللہ ﷺ
 بڑا دل کروا اے آواں کدی اک وار روضے تے
 میں چم روضے دی جالی سینے لاواں یا رسول اللہ ﷺ
 تسیں محبوب رب دے او تسیں مطلوب سب دے او
 تہاڈا چھوڑ کے در کس تے جاواں یا رسول اللہ ﷺ
 میرے دل دی تمنا اے بڑی حسرت اے ویکھن دی
 میرے گھر آؤ تے پلکاں وچھاواں یا رسول اللہ ﷺ
 شہ بغداد دا صدقہ مینوں وی ہن عطا ہووے
 میں خالی جھولی لے کے تے نہ جاواں یا رسول اللہ ﷺ
 تہاڈا ذکر کرنا اے فقط مقصد حیاتی دا
 کدی رحمت دیاں ہوں نگاہواں یا رسول اللہ ﷺ
 حاجی رحمت علی رحمت

صلی اللہ علیہ وسلم

تساں دے روئے تے آواں بلالو یا رسول اللہ ﷺ
ترسدا ای نہ مر جاواں بلالو یا رسول اللہ ﷺ

تساں دے کرم دے باجھوں نہ گل کوئی وی بن دی اے
مرے پلے تے کجھ وی نہیں نہ گل کجھ میرے وس دی اے
کرو منظور ہن عرضاں بلالو یا رسول اللہ ﷺ
ترسدا ای نہ مر جاواں بلالو یا رسول اللہ ﷺ

خطا کار ہاں بڑا آقا تے ڈاہڈا ای گنہگار ہاں
تساں وی رحمتاں دا میں میرے آقا طلبگار ہاں
ہجروے وج سدا ہنجو وگاواں یا رسول اللہ ﷺ
ڈاکٹر رشید احمد ارشد

.....☆☆.....

ﷺ

جیہڑے ہندے نیں سچے جاوندے تل یا رسول اللہ ﷺ
میں کھوٹا ہاں مرا کوڈی نہیں مل یا رسول اللہ ﷺ

جے اک واری کرو نظراں تے میں اتمول ہو جاواں
کرو نظر کرم جاواں نہ میں رل یا رسول اللہ ﷺ

میں ہاں بے آسرا آقا ترے پینڈے بڑے اوکھے
لنگھاوے کون تہہ باجھوں مینوں پل یا رسول اللہ ﷺ

کرو حل مشکلاں سائیاں ترے دربار میں آئی آں
گناہواں والڑے ورقے نہ دینا تھل یا رسول اللہ ﷺ

ترسدیاں میریاں اکھاں ہجر دی اگ پی بلدی
مرے ہنجواں نوں وگنوں پا دیہو تھل یا رسول اللہ ﷺ

ایہ ملتانی ترا منگتا تے نالے آل دا چاکر
خطاواں معاف کر دیو ہوئی بھل یا رسول اللہ ﷺ

محمد رشید ملتانی

صلی اللہ علیہ وسلم

میں اوگنہار تے عاصی وچارا یار رسول اللہ ﷺ
بناں تیرے نہیں ہو سکدا گزارا یار رسول اللہ ﷺ

اگر عاشق نوں کلی جے ملے آقا دی چوکھٹ تے
اوہ کیوں مگے گا جنت دا چوبارا یار رسول اللہ ﷺ

بڑے نیں ہور لوکاں دے، سہارے ایس دنیا تے
تری رحمت اے بس میرا سہارا یار رسول اللہ ﷺ

مینوں وی جوئندیاں آقا بلاؤ اپنے روضے تے
کئی جاندے نیں دوبارا سہ بارا یار رسول اللہ ﷺ

تری رحمت دی حد ناہیں کرم میرے تے ہو جاوے
میں ہاں بیکار سب نالوں نکارا یار رسول اللہ ﷺ

مری ہو جائیگی بخشش مرا ایمان پکا اے
جے ہو جاوے رفاقت نوں نظارا یار رسول اللہ ﷺ
رفاقت علی رفاقت سعیدی

ﷺ

تساں تے آکے مکی اے نبوت یا رسول اللہ ﷺ
 تساں ونڈی زمانے تے محبت یا رسول اللہ ﷺ
 اوہ تہاڈی ذات اے ونڈے گی جیہڑی حشر تک جان
 نبی دیندے رہے ایہو بشارت یا رسول اللہ ﷺ
 نرا اسلام نہیں من دا تہاڈی اچ کرداری نوں
 قسم کھاندی اے دنیا دی شرافت یا رسول اللہ ﷺ
 تساں اگے ادب پاروں جھکائے سر درختاں نے
 تہاڈی پتھراں دتی شہادت یا رسول اللہ ﷺ
 فرق گورے تے کالے وچ مٹا دتا تساں آکے
 نیاں ہویا جدوں لگی عدالت یا رسول اللہ ﷺ
 لیا بوسہ بڑی واری انہاں متھے مبارک دا
 ملی غاراں دے پتھراں نوں سعادت یا رسول اللہ ﷺ
 خدا دی وحدانیت دا درس دتا تساں جگ نوں
 کسے دوجے دی مکی اے شراکت یا رسول اللہ ﷺ
 ہجر پھنڈیا مرا جشہ مرے دل نوں نہ چین آوے
 ملے مینوں حضوری دی اجازت یا رسول اللہ ﷺ
 کسے کولوں وی خوف اوہنوں نہیں ہو سکدا زمانے تے
 تسیں او رؤف دے سرتے سلامت یا رسول اللہ ﷺ
 رؤف شیخ

ﷺ

سجائے ہیں اکھاں تے ستارے یا رسول اللہ ﷺ
 ملن ایہناں نوں طیبہ دے نظارے یا رسول اللہ ﷺ
 پھی اے ظلمتاں دے جھکھڑاں تے کھوبیاں اندر
 لگے امت دی ایہ بیڑی کنارے یا رسول اللہ ﷺ
 تہاڈے نام دے صدقے ملے تسکین دکھیاں نوں
 تسیں بے کس دے ہو واحد بہارے یا رسول اللہ ﷺ
 جو رلدے پے نہیں نا قدری دی دھرتی تے زمانے دی
 ملن اوہناں نوں عرشاں دے ہلارے یا رسول اللہ ﷺ
 جو عاشق دور بیٹھے تڑفدے رہندے جدائی وچ
 بلاؤ اوہناں نوں اپنے دوارے یا رسول اللہ ﷺ
 دیہو خیرات اک نظر کرم دی منگتیاں نوں وی
 پکارن رات دن درواں دے مارے یا رسول اللہ ﷺ
 تہاڈی نعت دے اندر ایہدے سب رات دن گزرن
 ریاض ایہ جند تہاڈے ناں توں وارے یا رسول اللہ ﷺ

ریاض احمد قادری

ﷺ

ترے در جہا نہیں کوئی دوارا یا رسول اللہ ﷺ
بناں دیدار دے ہن نہیں گزارا یا رسول اللہ ﷺ

نہ تاج و تخت دی خواہش 'دعاواں منگ دا رہناں
نظر آوے سبز گنبد پیارا یا رسول اللہ ﷺ

ترے دربار تے پڑھدے ملائک تیریاں نعمتاں
تری تعریف کردا ہر سپارا یا رسول اللہ ﷺ

دیاں پلکاں دے سنگ جھاڑو تری گلیاں دے وچ آقا
مدینے مینوں وی سد لو خدا را یا رسول اللہ ﷺ

نہ پائی پیہ پلے دے ترا توقیر بے بس اے
کراں کیوں میں روئے دا نظارا یا رسول اللہ ﷺ
ریاض توقیر

.....☆☆.....

ﷺ

توں محسن دو جہاناں دا تے والی یا رسول اللہ ﷺ
 زمانہ اے ترے در دا سوا لی یا رسول اللہ ﷺ
 الم نشرح ترا سینہ تے وت وایل زلفاں ہن
 ترا رتبہ اے سب نبیاں توں عالی یا رسول اللہ ﷺ
 مٹایا آ جہالت نوں تری رحمت نورانی نے
 توں آ توحید دی شمع چا بالی یا رسول اللہ ﷺ
 ترے پاروں زمیں بن گئی زماں بنیا مکاں بنیا
 خدا گلشن دا وارث ہے توں مالی یا رسول اللہ ﷺ
 سبق دنیا نوں آ دتا شرافت دا صداقت دا
 تری ہر اک ادا ہے پئی نرالی یا رسول اللہ ﷺ
 نبی سوہنا. ترا ایہ امتی دیدار دا طالب
 مری آساں بھری جھولی کیوں خالی یا رسول اللہ ﷺ
 کدی اپنے مدینہ وچ بلا سوہنا بلا سوہنا
 ارم چمسی ترے روضے دی جالی یا رسول اللہ ﷺ
 ریاض حسین ارم



ﷺ

میں اک واری مدینے پہنچ جاواں یا رسول اللہ ﷺ
بنے شک فیر مک جاون ایہ ساہواں یا رسول اللہ ﷺ

تیرے قدماں دی آقا دھوڑ جے کر مینوں مل جاوے
میں اکھیاں واسطے سرمہ بناواں یا رسول اللہ ﷺ

میرے ورگا زمانے تے نہ کوئی دوسرا ہووے
جے مل جاون تیرے قدماں ج تھاواں یا رسول اللہ ﷺ

میرا ایمان ہے کامل تسیں محفل وچ آؤندے او
میں تاہیوں نعت دی محفل سجاواں یا رسول اللہ ﷺ

ترے آقا غلاماں دے غلاماں دے غلاماں وچ
کدے آ جاوے میرا وی تے تاواں یا رسول اللہ ﷺ

بہت ہی پیاریاں تے سونہیاں نعتاں لکھے زاہد
بلاؤ روضے تے آکے سناواں یا رسول اللہ ﷺ
زاہد صدیقی

ﷺ

تھاڑی شان کل نبیاں توں عالی یا رسول اللہ ﷺ
مرا ایمان ہے دو جگ دے والی یا رسول اللہ ﷺ

مراداں پوریاں سکھے ای اوہدے دل دیاں ہوئیاں
جھڑا وی بن کے آیا اے سواں یا رسول اللہ ﷺ

ہمیرے کفر دے دنیا دے اندر چھائے ہوئے سن
تساں توحید دی شمع اپنے بالی یا رسول اللہ ﷺ

مرے دل دی تمنا اے بڑے چہ دی مرے مولا
کدوں پچھاں گا روضے دی میں جالی یا رسول اللہ ﷺ

جسے جو منگیا اے سر جھکا کے مل گیا اوہنوں
کیا کوئی نہ تھاڑے در توں خالی یا رسول اللہ ﷺ

میں تھاڑے نام توں قربان سو سو واری ہو جاواں
دیکھو ساغر نوں وی جذبہ بلالی یا رسول اللہ ﷺ

ساغر بت

ﷺ

تھاڑے در تے جس گردن جھکائی یا رسول اللہ ﷺ
 ملی اوہنوں زمانے وج بڑائی یا رسول اللہ ﷺ
 کدی ٹریا نہیں جو آپ دے سمجھائے رستے تے
 اس اپنی زندگی ایویں گوائی یا رسول اللہ ﷺ
 تساں پاکیزگی دے نال عمر ایسی گذاری اے
 کسے اج تک نہیں انگل اٹھائی یا رسول اللہ ﷺ
 گواہی دے رہے نیں اج وی تاریخ دے ورے
 تساں ای راہ تے مخلوق لائی یا رسول اللہ ﷺ
 قیامت نوں وی ہونی ختم ناہیں اوں دی رونق
 تساں خلعاں دی جو محفل سجائی یا رسول اللہ ﷺ
 پئی دس دی اے صاف انبر تے سانوں دھوڑ نورانی
 تساں سب توں اچیری شان پائی یا رسول اللہ ﷺ
 کدی خالی رہے ساقی دا پلا ہو نہیں سکدا
 تھاڑی نعت اے ایہدی کمائی یا رسول اللہ ﷺ
 ساقی گجراتی

.....☆☆.....

ﷺ

بھراں گھبرا کے غم توں جدوی ہاواں یا رسول اللہ ﷺ
 تری رحمت دیاں برن گھٹاواں یا رسول اللہ ﷺ
 ترے گلزار دی خوشبو وسا کے اپنے ساہواں وچ
 میں اپنے دل نوں گلدستہ بناواں یا رسول اللہ ﷺ
 دنے راتیں جدائی دے پئے نہیں ساڑدے لبو
 کوں سینے دی میں آتش بجھاواں یا رسول اللہ ﷺ
 نہ مینوں تخت دی خواہش نہ مینوں تاج دی حسرت
 دو عالم وچ ترا بردہ سداواں یا رسول اللہ ﷺ
 تری رحمت دے رُکھ تھلے ملے تھاں غم دی ماری نوں
 ٹلن تتری دیاں سمھے بلاواں یا رسول اللہ ﷺ
 خدا مینوں جے پچھے دس توں دنیا تے کمایا کیہ
 میں تیری نعت اس ویلے سناواں یا رسول اللہ ﷺ
 کریں کملی دا سایا حشر وچ سجاد مرزا تے
 کرے سجاد مرزا التجاواں یا رسول اللہ ﷺ

سجاد مرزا

ﷺ

مری برباد نگری نوں وساؤ یا رسول اللہ ﷺ
 کنارے تے مری کشتی وی لاؤ یا رسول اللہ ﷺ
 دکھاں نے کھا لیا دل نوں چڑھی غم دی ہمیری اے
 خدا دے واسطے مینوں بچاؤ یا رسول اللہ ﷺ
 تسیں آؤ تے میری زندگی پر نور ہو جائے
 کدی وچ خواب دی جلوہ دکھاؤ یا رسول اللہ ﷺ
 کرم دی جے نظر ہووے میری بگڑی وی بن جائے
 مری تقدیر نوں آکے جگاؤ یا رسول اللہ ﷺ
 ہو یا برباد گھر میرا مقدر مار یا مینوں
 محبت غیر دی میتھوں چھڑاؤ یا رسول اللہ ﷺ
 مرے تاریک دل تے نور دی برسات ہو جائے
 مری اکھیاں توں وی پردہ اٹھاؤ یا رسول اللہ ﷺ
 مرا دل وی ایہ چاہندا اے مدینے پہنچ جاواں میں
 کدی دربار تے مینوں بلاؤ یا رسول اللہ ﷺ

حافظ سردار احمد ساجد



ﷺ

جتنے ٹریوں کدی دیکھاں اوہ تھاواں یا رسول اللہ ﷺ
 میں چم چم خاک سزاپنے ج پاواں یا رسول اللہ ﷺ
 نظارے گنبد خضریٰ دے دیکھے جیہڑیاں لوکاں
 انہاں دے بخت توں صدقے میں جاواں یا رسول اللہ ﷺ
 میں ویلے اوکھڑے جد وی تساں دا ذکر کرناواں
 دریڈے نس دیاں میتھوں بلاواں یا رسول اللہ ﷺ
 جہاں نے پا لیا درشن سدا اوہ تیریاں بنیاں
 پچھانہ نہ پرت کے مڑیاں نگاہواں یا رسول اللہ ﷺ
 مکاوو دوریاں در تے بلاؤ مینوں عاجز نوں
 نہ جھلیاں جان میتھوں ایہ سزاواں یا رسول اللہ ﷺ
 ہنھیرا نیا ایتھوں تے چائن چھا گیا جگ تے
 عرب چوں چڑھ پیاں نوری گھٹاواں یا رسول اللہ ﷺ
 کراں دیدار چوکھٹ دا مرن توں پہلاں میں سرور
 ڈراں پیا موت توں کنج میں ولاواں یا رسول اللہ ﷺ

سرور رندھاوا

.....☆☆.....

ﷺ

کدی مینوں وی اپنے در بلاؤ یا رسول اللہ ﷺ
مرے تے نصیبیاں نوں جگاؤ یا رسول اللہ ﷺ

کھلے میری وی قسمت میں وی ٹر جاواں مدینے نوں
مرے دل دی ایہ حسرت چا مٹاؤ یا رسول اللہ ﷺ

میں کوچھی ہاں نہ زر پلے ہجر دے وچ نہ مر جاواں
نظر اپنے کرم دی میں تے پاؤ یا رسول اللہ ﷺ

میں کنج آواں دوارے تے نہ زر پلے نہ پر آقا
وسیلہ میرے آون دا بناؤ یا رسول اللہ ﷺ

سلمیٰ ناز

.....☆☆.....

صلی اللہ علیہ وسلم

تساوی شان اے کیڑی نرالی یا رسول اللہ ﷺ
تساؤے در دے نہیں سارے سوالی یا رسول اللہ ﷺ

اجازت جے کدے ہووے تساں دے درتے آون دی
میں چھاں آن کے روضے دی جالی یا رسول اللہ ﷺ

زمانے دا ولی ہووے عیا ہووے شہنشاہ کوئی
تھاؤے در تے ہوندا اے سوالی یا رسول اللہ ﷺ

ستارے جن سورج سب تہاتھوں روشنی منکن
شفق منگے تھاؤے مکھ دی لالی یا رسول اللہ ﷺ

میں ڈٹھا اے سلیم ہر طرف کوئی وی نہیں تساں جہا
حیاتی اے تساں دی بس مثالی یا رسول اللہ ﷺ
سلیم آفتاب سلیم

.....☆☆.....

صلی اللہ علیہ وسلم

تساں بن کون میرا اے سہارا یا رسول اللہ ﷺ
نہ ہندا دور رہ کے ہن گزارا یا رسول اللہ ﷺ

زمانے دی ملی شاہی سدا اوہناں ملنگاں نوں
ترا ملیا اے جہاں نے دوارا یا رسول اللہ ﷺ

بڑے ارمان دل دے نیں بڑی اکھیاں دی رتجھا اے
کراں واللیل زلفاں دا نظارا یا رسول اللہ ﷺ

ہجر دی رات مکدی نہیں وچھوڑا جان کھاندا اے
حضور دی دا اذن ہووے خدارا یا رسول اللہ ﷺ

قبر اندر حشر اندر بچاوے گا بھلا کیہڑا
بناں تیرے تیرا شاکر نکارا یا رسول اللہ ﷺ

شاکر مٹھی

ﷺ

حیاتی میں مدینے وچ لنگھاواں یا رسول اللہ ﷺ
ہراک ساہ نال کرناں دھاواں یا رسول اللہ ﷺ

مری اکھیاں دے ہنجو وی پڑھن صلی علیٰ رو رو
میں سینے نال جد جالی توں لاواں یا رسول اللہ ﷺ

کدے تاں ایس کلمے نوں ملو موقع فریاست دا
میں ایسے آس تے لیناوالی ساہواں یا رسول اللہ ﷺ

انہاں گلیاں دا ککھ ہواں میں ککھ ہواں نہ دکھ ہواں
وگن جس تھاں کرم بھریاں ہواواں یا رسول اللہ ﷺ

ایہو نازش دی خواہش اے ایہو خواہش اے سرمایا
میں منگتا آپ دے در دا سداواں یا رسول اللہ ﷺ

شبیر نازش

.....☆☆.....

ﷺ

تیرے بن کون دنیا نوں سنوارے یا رسول اللہ ﷺ
 بجھے جامدے نیں امیدیں دے تارے یا رسول اللہ ﷺ
 رواندی خون دے ہنجو تیری امت دی بد حالی
 ہوئے بے آسرا درداں دے مارے یا رسول اللہ ﷺ
 ایہ شاہیں طوطیاں دے وانگ بن گئے چھریاں کھانے
 دلاں نوں بھاوندے شاہی منارے یا رسول اللہ ﷺ
 ہے لیرولیر دامن قوم دے صبر و قناعت دا
 تے لالچ لوبھ نے کٹڈے کھلارے یا رسول اللہ ﷺ
 نصاریٰ تے یہودی نال پکی سانجھ ہے ساڈی
 تے ویری جاپدے مومن و چارے یا رسول اللہ ﷺ
 جہادی قافلے اپنے اساں ہمتیں تباہ کیجے
 تے ماری جانے آں پھو کے ای نعرے یا رسول اللہ ﷺ
 کوئی آوے مجاہد عمر بن خطاب دے ورگا
 دکھاوے جو کفر نوں دن ج تارے یا رسول اللہ ﷺ
 بڑی ای تاجنگ انجم نوں کوئی مرو جری آوے
 جیہڑا بلدے ہوئے سینے نوں ٹھارے یا رسول اللہ ﷺ
 محمد شریف انجم

صلی اللہ علیہ وسلم

تسین لوکاں نوں وٹ دے او خزانے یا رسول اللہ ﷺ
 بلا لو مینوں وی ایسے بہانے یا رسول اللہ ﷺ
 کوں آکھاں کنہوں آکھاں نہ سن دا کوئی گل میری
 ہوئے میتھوں نے اپنے وی بیگانے یا رسول اللہ ﷺ
 کبھڑی گل تے فخر کراں کوئی نہیں گن مرے پے
 مینوں ٹھکرا دتا سارے زمانے یا رسول اللہ ﷺ
 بنایا کن کہہ کے عتے دکھائی جد تری صورت
 لگا سی تیر عسٹے دا نشانے یا رسول اللہ ﷺ
 ترے لئی جو وی کجھ لکھاں برابر اک ذرے دے
 تری عظمت نوں اللہ پاک جانے یا رسول اللہ ﷺ
 میرے جہے عاصیاں نوں پھڑ کے جنت واڑ دینا ایں
 تری رحمت تے لہدی اے بہانے یا رسول اللہ ﷺ
 میں عمراں دا تہاڈا ہاں اے ٹھوٹھا مرا خالی
 تسین ساجد دے بھر دیوہ پیمانے یا رسول اللہ ﷺ

محمد شریف ساجد

ﷺ

کرم ہووے تے میں بھی فیراواں یا رسول اللہ ﷺ
 میں رو رو ساریاں عرضاں سناواں یا رسول اللہ ﷺ
 ہر اک ذرہ تے ہر پتا تساڈی نعت پڑھدا اے
 تساڈے گیت ہر ویلے میں گاواں یا رسول اللہ ﷺ
 مدینے پاک ول نوں قافلے دن رات جاندے نیں
 ترسدا دید نوں میں مر نہ جاواں یا رسول اللہ ﷺ
 میں مجرم ہاں لقب ہے رحمت اللعالمیں تیرا
 ملے بخشش جے در تیرے تے آواں یا رسول اللہ ﷺ
 میں ہاں ادنیٰ جہا خادم تیرے در دے غلاماں دا
 تیری رحمت تھیں کیوں حصہ نہ پاواں یا رسول اللہ ﷺ
 تساڈی دید نوں اکھیاں وی ترسن دل وی روند اے
 میں استھے کس طرح ہن دل نوں لاواں یا رسول اللہ ﷺ
 شریف عاجز کدوں طیبہ دے سوہنے باغ دیکھے گا
 جہاں دیاں ٹھنڈیاں جنت تھیں چھاواں یا رسول اللہ ﷺ
 شریف مشتاق



ﷺ

تھاڑی سک مرے دل دا خزینہ یا رسول اللہ ﷺ
مری اکھیاں جج وسدا اے مدینہ یا رسول اللہ ﷺ

سدا چارا بڑا لایا مرا دل اے ابج پھر
کرو نظر کرم ہووے نگینہ یا رسول اللہ ﷺ

دکھاں دے ڈونگہ پانی وچ پیا ڈبدا مرے آقا
کنارے لا دوو میرا سفینہ یا رسول اللہ ﷺ

بڑی بے جج حیاتی اے سلیقہ نہ طریقہ اے
دو مینوں ذرا جیون قرینہ یا رسول اللہ ﷺ

قر آقا دے کھڑے تھیں سدا روشن زمانہ اے
مہکدا اے پیا پھل وچ پسینہ یا رسول اللہ ﷺ
ڈاکٹر شوکت علی قر

.....☆☆.....

ﷺ

مرے گھر دے بنجے ویہڑے سجاؤ یا رسول اللہ ﷺ
میں جاں صدقے مرے گھر وی تے آؤ یا رسول اللہ ﷺ

مری آساں دے دیوے بجھ نہ جاون سوہنیا کدھرے
مرے اس حال تے وی ترس کھاؤ یا رسول اللہ ﷺ

تھاڈا ای سہارا اے کتے وی ڈھو نہیں مینوں
مرے بختاں دی وگڑی نوں بناؤ یا رسول اللہ ﷺ

میں در در تے صدا کیتی پر آقا ٹھوکراں ملیاں
کرم حسنینؑ دا صدقہ کماؤ یا رسول اللہ ﷺ

میں ہنجواں دے سمندر وچ کدی ڈبیا کدی تریا
ہے اجڑی جھوک شاہد دی وساؤ یا رسول اللہ ﷺ

شہزاد احمد شاہد

.....☆☆.....

صلی اللہ علیہ وسلم

دیو چا آسرا مینوں خدا را یا رسول اللہ ﷺ
 میں کدھرے مر نہ جاواں بے سہارا یا رسول اللہ ﷺ
 تہاڈی چاہ بناں مینوں پئی اے زندگی مہنگی
 بڑا کھادا اے ہن تیکر خسارا یا رسول اللہ ﷺ
 تسیں جے روز اول توں کدی خادم بنا لیندے
 تے ہن تیکن نہ میں پھر دا آوارا یا رسول اللہ ﷺ
 تہاڈے نام توں میں زندگی قربان کر چھڈاں
 تسیں کر کے تے ویکھو سہی اشارا یا رسول اللہ ﷺ
 میں کدھرے جھک نہیں سکدا تہاڈے آستانے بن
 میری روح تے تہاڈا اے اجارا یا رسول اللہ ﷺ
 میری فریاد وی اے رحمت اللعالمیں سن لو
 دکھا دیو تسیں اپنا دوارا یا رسول اللہ ﷺ
 بڑا بے چین بیٹھاواں علی مولا دی سونہہ مینوں
 جدائی ہن تہاڈی نہیں گوارا یا رسول اللہ ﷺ
 فلک توں ڈگ کے دھرتی تے مٹی دے وچ رلیا اے
 تہاڈے چاہن والے دا ستارا یا رسول اللہ ﷺ
 شہ کربل دے صدقے ای عطا خیرات کر چھڈو
 مرا ہندا نہ بھکھیاں ہن گزارا یا رسول اللہ ﷺ
 تہاڈے ہوندیاں جے ڈب گئی بیڑی تے سمجھاں گا
 مری تقدیر وچ نہیں سی کنارا یا رسول اللہ ﷺ

صابر نوید

صلی اللہ علیہ وسلم

مدینہ شہر اے میرے توں اوہلے یا رسول اللہ ﷺ
 ہوئے نیں خالی اکھیاں دے بھڑولے یا رسول اللہ ﷺ
 کئی جنتاں وی اوہدے تول وچ نہ پوریاں اترن
 فرشتہ جد تہاڈی نعت تولے یا رسول اللہ ﷺ
 تہاڈے در تے دیندا اے سلامی آ کے سورج وی
 تہاڈے در دے سارے شاہ نیں گولے یا رسول اللہ ﷺ
 کرم دی اک نظر آقا میرے عملاں دی پیلی تے
 بھکاٹ اگدا اے جد بیجاں میں چھولے یا رسول اللہ ﷺ
 مکمل ہو نہیں سکدے تہاڈے نام دے باجھوں
 میرے سبھ گیت سبھ مایے تے ڈھولے یا رسول اللہ ﷺ
 مرے لہجہ آقا اوس دی امداد نوں اپڑن
 کوئی وی شخص جد اوکڑ جج بولے یا رسول اللہ ﷺ
 جمیل ایہو دعا منگے گواچن نہ قیامت تک
 میری بٹی دے گڈیاں تے پٹولے یا رسول اللہ ﷺ
 صادق جمیل



ﷺ

تیری بندہ نوازی نوں نہ بھلاں رسول اللہ ﷺ
کرم تیرا ہو یا ہر طرف کھلاں یا رسول اللہ ﷺ

عشق دی تکرڑی وٹے پئے نیں ڈاہڈی اوکھت دے
حشر نوں تیرا چاکر ہو میں تھلاں یا رسول اللہ ﷺ

تیرے عاشق تیری ہر اک ادا تے جان دیندے نیں
لہائیاں عاشقاں نے اتجھے کھلاں یا رسول اللہ ﷺ

مرے ہتھ وچ تیرا پلا مرا حامی تے بس اللہ
میں تر دا جا رہیاواں غم دی چھلاں یا رسول اللہ ﷺ

چڑھے خیب سولی تے پیاں بلال نوں ماراں
ذکر چھڈیا نہ تیرا اوہناں بلھاں یا رسول اللہ ﷺ

ترا دیدار جے ہووے ترے مسکین صادق نوں
قبر وچ وی پیا صلوات کھلاں یا رسول اللہ ﷺ
صوفی محمد صادق صابری

ﷺ

تسین لہال تے میں ہاں بے لہی یا رسول اللہ ﷺ
 تساڈے نال ہے دنیا ایہ لہی یا رسول اللہ ﷺ
 تصور آپ دا میرے خیالاں وچ سدا رہندا
 ایہ غیاں ہاں میں کوجھی تے کچجھی یا رسول اللہ ﷺ
 نہ دل نوں چھین آیا اے نہ اکھاں رون توں رکیاں
 کٹاری ہجر دی جد توں اے وچی یا رسول اللہ ﷺ
 غبار اڈا دا اے پر نہیں آپ دی ناقہ نظر آئی
 میں لکھے واہ ہاں ہر پاسے نوں بھی یا رسول اللہ ﷺ
 مری ہر معصیت ' ہر اک خطا ' ہر دور دے اندر
 تری رحمت دی چادر نے ہے کچی یا رسول اللہ ﷺ
 نہیں اوہنوں حشر تیکر بھکھ زمانے دی ستا سکی
 جو روضہ ویکھ کے تیرا اے رچی یا رسول اللہ ﷺ
 جو ہو جامدی نظر منظور ہے تیرے غلاماں دے
 ہے اوہو ای سہاگن تے لھی یا رسول اللہ ﷺ
 صائم چشتی

صلی اللہ علیہ وسلم

پے وعدے چارے پاسے نہیں ہنیرے یار رسول اللہ ﷺ
کدوں لیکھاں چچ ہون گے سویرے یار رسول اللہ ﷺ

اوہ کیڈی شان والے نہیں اوہ کیڈے بخت والے نہیں
جہاں طیبہ چچ کیتے نہیں بسیرے یار رسول اللہ ﷺ

کدوں دیدار دیو گے میں عاجز نوں نماں نوں
خدا جانے کدوں دن پھرنے میرے یار رسول اللہ ﷺ

خدا نے آپ وڈایا ہے سوہنے پاک قرآن وچ
تھاڈے عرش توں رتے اچیرے یار رسول اللہ ﷺ

ترے تاثیر نے مدت توں ٹکيا نہیں خوشی دا مونہہ
ہے غم ای غم نہیں بس اس دے پھیرے یار رسول اللہ ﷺ

صدق تاثیر

.....☆☆.....

ﷺ

تسین آئے تے آئیاں نہیں بہاراں یا رسول اللہ ﷺ
تساں توں جان سو واری میں واراں یا رسول اللہ ﷺ

جہاں وچ قیام کیتا سی میں سچ کہناں خدا شاہد
اوہ ودھ کے طور دے کولوں نہیں غاراں یا رسول اللہ ﷺ

میں اپنی مشکلاں تائیں تے لیکھاں وگڑیاں تائیں
تساں دا نام لے لے کے سنواراں یا رسول اللہ ﷺ

نہ مینوں آسرا کوئی تساں دے باجھ یا مولا
تساں نوں میں جے لکھاں ہزاراں یا رسول اللہ ﷺ

مدینہ میں وی ویکھاں گا بلاوا آؤن والا اے
میں ایسے آس وچ زندگی گزاراں یا رسول اللہ ﷺ

تسین والی صبر دے ہو اتے سرتاج نبیاں دے
تساں دے باجھ میں کس نوں پکاراں یا رسول اللہ ﷺ
محمد صدیق صبر قادری

ﷺ

کدوں پہنچاں گا میں دارلکینے یا رسول اللہ ﷺ
کدوں پٹی ایں ٹھنڈے میرے وی سینے یا رسول اللہ ﷺ

دعاواں منگ دے درتے ترے شاہواں دے شاہ دیکھے
کدوں میرے لئی کھلنے خزینے یا رسول اللہ ﷺ

کملی والیا لنگھے غماں دی جھوندیاں چکی
کئی گھڑیاں کئی دن تے مہینے یا رسول اللہ ﷺ

کدوں پھیرا ترا ہوتا مرے ویران ویہڑے دا
کدوں پھل کھرن گے دل دی زمینے یا رسول اللہ ﷺ

کرم تیرا جدوں ہووے گناہ گاراں نوں سد بھیجیں
خڑے آون مرے جے وی کینے یا رسول اللہ ﷺ

مری اکھاں توں ہنجو دل توں ہاواں پھٹ پیاں نیں
سفینے جاوندے دیکھے مدینے یا رسول اللہ ﷺ

اڈیکاں نال چاہواں دے میں قمری اوس ویلے نوں
دفن ہواں مدینے دی زمینے یا رسول اللہ ﷺ
ڈاکٹر طارق قمری

ﷺ

ایہو منگاں دعاواں یار رسول اللہ ﷺ
ترے درشن میں پاواں یار رسول اللہ ﷺ

جے پنچھی وانگ پر لگ جان کدے مینوں
ترے درتے میں آواں یار رسول اللہ ﷺ

مرے اتے کرم دی اک نظر ہووے
مری بخشو خطاواں یار رسول اللہ ﷺ

تساں دی یاد وچ آقا میں کنج ترفاں
ایہ کس نوں جا سناواں یار رسول اللہ ﷺ

تسیں ہر شے دے قاسم او خدا آکھے
تسیں دیندے میں کھاواں یار رسول اللہ ﷺ

ظفر ساقی

.....☆☆.....

صلی اللہ علیہ وسلم

کراں دن رات میں ایہو ای باتاں یا رسول اللہ ﷺ
 کدے پاؤ اسماں ول وی تے جھاتاں یا رسول اللہ ﷺ
 مرے دکھاں نے سکھاں دے کدوں بانے بدلنے نیں
 کدوں بدن گیاں فجر اں چج راتاں یا رسول اللہ ﷺ
 مری نیت دا ثمرہ اے کہ یا عملاں دی شامت اے
 پھیرے دشمنیاں ملیاں نیں گھاتاں یا رسول اللہ ﷺ
 کدوں رحمت بلاوے گی، مدینے چوں مرے آقا
 کدوں میریاں لوو گے آپ واتاں یا رسول اللہ ﷺ
 ستارہ گردشوں نکلے گا خورے کس سے میرا
 کدوں چمکن گیاں مریاں براتاں یا رسول اللہ ﷺ
 بلاؤ جے کدی روضے تے پلکاں بھار میں آواں
 سناواں بیٹھ کے نعتاں سوغاتاں یا رسول اللہ ﷺ
 سخن دی ڈالیوں ودھ ہور ناہیں کول کجھ میرے
 ظفر اے امتی چاہوے نجاتاں یا رسول اللہ ﷺ

میاں ظفر مقبول

ﷺ

تری ہستی دا پرچھاواں خدائی یارسول اللہ ﷺ
 خدا نے آپ دی خاطر بنائی یارسول اللہ ﷺ
 کسے نوں مال دی الفت کتے جنت دی خواہش اے
 مرا دل آپ دی دیوے دہائی یارسول اللہ ﷺ
 قبر اندر میں کہہ داں گا جے پچھ پرتیت ہوئی تے
 مری طیبہ دے وچ ہے آشنائی یارسول اللہ ﷺ
 زمانے دی محبت دا اوہ دل محتاج نہیں رہندا
 محبت آپ دی جیں وچ سہائی یارسول اللہ ﷺ
 رضا تے ہر گھڑی ہر دم خدا نے آپدی چاہی
 خدا کولوں تساں اپنی منائی یارسول اللہ ﷺ
 میں بیمار محبت ہاں ہجر دا روگ ہے مینوں
 مدینہ آپ دا میری دوائی یارسول اللہ ﷺ
 بڑی ڈاہڈی ہے عارف توں کدے جھلی نہیں جانی
 تیرے سوہنے مدینے دی جدائی یارسول اللہ ﷺ
 ڈاکٹر عارف محمود عارف

ﷺ

درِ اقدس تے میں اک وار آواں یا رسول اللہ ﷺ
 مرادوں دل دیاں اپنے میں پاواں یا رسول اللہ ﷺ
 نصیبیاں تال مل جاوے اجازت جے حضوری دی
 میں دل دا حال رو رو کے سناواں یا رسول اللہ ﷺ
 تہاڈے چاہن والے در بدر کیوں پھروے رہندے نیں
 انہاں نوں کاہدیاں ملیاں سزاواں یا رسول اللہ ﷺ
 گلشن دا دور اے زندگیء اساڈی کج گزرے گی
 مدینے والیاں گھلو ہواواں یا رسول اللہ ﷺ
 تہاڈی اک نظر ہووے تے بیڑا پار ہو جاوے
 کہ ات چکی ہوئی اے ناخداواں یا رسول اللہ ﷺ
 تہاڈی یاد دے پھل روح نوں اک تازگی دیون
 وفا دا ایسراں گلشن سجاواں یا رسول اللہ ﷺ
 رحیل اک وار جے اپڑاں مدینے مڑ نہ میں آواں
 لبیاں تے ہر گھڑی اپنے لیاواں یا رسول اللہ ﷺ
 عاشق رحیل



ﷺ

کوئی دکھیا جو در تیرے تے آوے یا رسول اللہ ﷺ
 ترے اوہ کرم توں خالی نہ جاوے یا رسول اللہ ﷺ
 خدا دی ذات اوں اتے ہزاراں کرم کر دی اے
 ترا میلاد جو گھر وچ منادے یا رسول اللہ ﷺ
 ترے ولوں تے مومن تے عطاواں ای عطاواں نیں
 بشرطیکہ ترا بردا کہاوے یا رسول اللہ ﷺ
 تسیں اول تسیں آخر تسیں ظاہر تسیں باطن
 تسیں ایمان دی دولت جو پاوے یا رسول اللہ ﷺ
 مری زندگی دا محور وی تری ہی ذات ہے آقا
 تری ہستی بناں تے ساہ نہ آوے یا رسول اللہ ﷺ
 مری اکو ریاضت اے ذکر تیرا عبادت اے
 عمل چنگا جو تیرے من نوں بھاوے یا رسول اللہ ﷺ
 اوہو کافر جو تیری شان دا انکار کر دا اے
 اوہو مومن جو تیرے گیت گاوے یا رسول اللہ ﷺ
 تینوں آکھاں تے کیہ آکھاں کیوں گزری اے سالک دی
 میری تے قلم وی اتھرو وگاوے یا رسول اللہ ﷺ

عثمان سالک

ﷺ

گلاں کس نوں سناواں یا رسول اللہ ﷺ
ہجر وچ مردا جاواں یا رسول اللہ ﷺ

مرے مقصد تے آساں پوریاں ہوون
ترا درشن جے پاواں یا رسول اللہ ﷺ

مدینے آن کے روضے دی جالی نوں
میں چم اکھاں نوں لاواں یا رسول اللہ ﷺ

مراں جس دم تے ہوواں وچ مدینے میں
ایہو منگناں دعاواں یا رسول اللہ ﷺ

قدم تیرا سی آقا جس جگہ حسن
میں ویکھاں جا اوہ تھاواں یا رسول اللہ ﷺ

عبدالرزاق حسن

.....☆☆.....

ﷺ

سنو منگتے دیاں وی جے پکاراں یا رسول اللہ ﷺ
 مرے وی باغ وچ آون بہاراں یا رسول اللہ ﷺ
 بناں دیدار دے دل نوں قرار آوے نہ چین آوے
 کوں جیون میں وکھ رہ کے گزاراں یا رسول اللہ ﷺ
 مرے من وچ وی بلدی عشق دی اک ہے دے رانی
 میں آ کے قدماں وچ سینے نوں ٹھاراں یا رسول اللہ ﷺ
 کرو آقا عطا مینوں وی یار غار دا صدقہ
 ہر اک شے آپ توں میں وی تے واراں یا رسول اللہ ﷺ
 مری ڈبدی ہوئی بیڑی نوں بنے لا دیو آقا
 میں دیواں واسطہ پنجاں تے باراں یا رسول اللہ ﷺ
 خدا ای جاندا اے بس مقام لسی مع اللہ نوں
 پیاں سوچاں دے وچ سوچاں وچاراں یا رسول اللہ ﷺ
 مہک نال آپ دی شانی دا سینہ وی مہک جاوے
 ایہ جھوٹے وچ مدینے دے بزاراں یا رسول اللہ ﷺ
 حکیم عبدالستار شانی

.....☆☆.....

ﷺ

غماں نے کیا اے دلگیر یا رسول اللہ ﷺ
کرم دی کر دیو تنویر یا رسول اللہ ﷺ

بچے نہ ہو کچھ میری نگاہوں وچ
رہوے بس روضے دی تصویر یا رسول اللہ ﷺ

جے رب بخشے سعد تیری غلامی دی
سنور جائے مری تقدیر یا رسول اللہ ﷺ

بڑی حسرت اے جاواں فرم دینے نوں
چلے نہ کوئی دی تدبیر یا رسول اللہ ﷺ

ترے قدماں وچ سر رکھ کے سناواں گا
ملے خاباں نوں تعبیر یا رسول اللہ ﷺ

عبدالقدوس کیفی

ﷺ

مدینے دی فضا ویکھاں سدا میں یا رسول اللہ ﷺ
دعاواں دی جزا ویکھاں سدا میں یا رسول اللہ ﷺ

مدینے تے خدا دی رحمتاں دا نور وسدا اے
اوہ منظر جانفرا ویکھاں سدا میں یا رسول اللہ ﷺ

جتھے آقا نے لک لک کے بہائے خون دے ہنجو
پھر اوہ غارِ حرا ویکھاں سدا میں یا رسول اللہ ﷺ

ہرے روضے دے گنبد توں کراں قربان چاہواں نوں
مقدر وچ عطا ویکھاں سدا میں یا رسول اللہ ﷺ

مدینے دل کوئی جاوے مدینے توں کوئی آوے
کھڑا اوہناں دی راہ ویکھاں سدا میں یا رسول اللہ ﷺ

مری اکھاں نوں ملنی ایں شفا اس خاک توں قاضی
اوہو خاکِ شفا ویکھاں سدا میں یا رسول اللہ ﷺ

عبداللہ قاضی

صلی اللہ علیہ وسلم

کدوں ہووے گی پوری دل دی حسرت یا رسول اللہ ﷺ
 کدوں ہووے گی روضے دی زیارت یا رسول اللہ ﷺ
 تہاڈے خلق نے تعلیم نے تہاڈی شرافت نے
 زمانے چوں مٹا دی جہالت یا رسول اللہ ﷺ
 جہاں لوکاں نے سچے دل تھیں کلمہ پڑھ لیا تہاڈا
 انہاں لوکاں دے پیراں ہٹھ جنت یا رسول اللہ ﷺ
 فرشتے رات دن پڑھ دے درود پاک تہاڈے تے
 تہاڈی جن و بشر کردے عبادت یا رسول اللہ ﷺ
 تسیں تے شہنشاہ کر چھڈیا اپنے فقیراں نوں
 میری وی کمر دیو بیدار قسمت یا رسول اللہ ﷺ
 شکایت کیوں کراں فرقت دے اتے کیہ گلہ میرا
 مزا مینوں بڑا دیندی اے فرقت یا رسول اللہ ﷺ
 خدا دا شکر شافی حشر توڑی میں رہواں کردا
 تہاڈے قدماں وچ ہووے جے تربت یا رسول اللہ ﷺ

عقیل شافی

صلی اللہ علیہ وسلم

رہوے یاداں دا ایہ مسکن مرا دل یا رسول اللہ ﷺ
 قدم رکھو بنے غارِ حرا دل یا رسول اللہ ﷺ
 جدوں دو سوہنیاں میماں ملاون میرے بلھاں نوں
 پڑھے صلِ علی صلِ علی دل یا رسول اللہ ﷺ
 اودوں دا سبز گنبد میریاں اکھاں چج رہندا اے
 جدوں دا ہو گیا اے آشنا دل یا رسول اللہ ﷺ
 جے موت آوے تے آوے شہر تیرے وچ مرے آقا
 کرے پیا التجا تے التجا دل یا رسول اللہ ﷺ
 کراں آخر دے ساہواں تے زیارت سوہنیا تیری
 ایہو بس منکدا رہندا دعا دل یا رسول اللہ ﷺ
 مری سوچاں دی ایہ کفنی کتے میلی نہ ہو جاوے
 قبر اندر کرے صفت و ثنا دل یا رسول اللہ ﷺ
 مدینے پاک دی چاہت لئی نت ولکدا رہندا
 نہ کدھرے چین پاؤند اے مرا دل یا رسول اللہ ﷺ
 کدی جے اس ملوک اتے کرم دی جھات پے جاوے
 سناوے ہجر دا سبھ ماجرا دل یا رسول اللہ ﷺ
 علی محمد ملوک

ﷺ

وچھوڑے دے میں صدے روز جھلاں یا رسول اللہ ﷺ
کراں میں تیریاں دن رات گلاں یا رسول اللہ ﷺ

جدوں ویکھاں کوئی جاندا مسافر شہر تیرے نوں
کوئی وگدے ہوئے ہنجواں نوں ٹھلاں یا رسول اللہ ﷺ

ہوائے وگدیئے لے جا مدینے اتھرو میرے
تے آکھیں ہور کیہ میں نذر گھلاں یا رسول اللہ ﷺ

جہاں نوں تیری الفت دا کدی پانی نہیں ملیا
دلاں دیاں سکدیاں نیں اوہو دلاں یا رسول اللہ ﷺ

ظہوری نوں ملے قطرہ تیرے وگدے سمندر چوں
تری رحمت دیاں ہر پاسے چھلاں یا رسول اللہ ﷺ

محمد علی ظہوری

ﷺ

دے راتیں کریندا ہاں دعاواں یا رسول اللہ ﷺ
ہوون منظور جے کرتے میں آواں یا رسول اللہ ﷺ

ملے مینوں اجازت جے مدینے ول آون دی
تے دلدے کھول کے دکھڑے سناواں یا رسول اللہ

ہوئی بنجر اے کھیتی آس تے امید دی مولا
چڑھن طیبہ دے ولوں ہن گھٹاواں یا رسول اللہ ﷺ

نہیں سن دا نہیں سن دا کوئی تیرے بناں مولا
سناواں کس نوں میں ہن التجاواں یا رسول اللہ ﷺ

لکھے نعتاں ترا نقوی کدوں ایہ سن ایہدے
ایہ سکھے تیریاں ای نہیں عطاواں یا رسول اللہ ﷺ
عمران نقوی

.....☆☆.....

صلی اللہ علیہ وسلم

تھاڈا در جو ہر دکھ دی دوا ہے یا رسول اللہ ﷺ
گناہگاراں دا ایہو آسرا ہے یا رسول اللہ ﷺ

ہے ہر نعمت پئی لیمہدی سخاوت بے مثل صدقہ
نہ مانگت کوئی وی خالی گیا ہے یا رسول اللہ ﷺ

گھلو تجھے دروداں دینے مرے سوہنے نبی ولے
خدا ایہ بندیاں نوں آکھدا ہے یا رسول اللہ ﷺ

مدینہ مہکدا ہر سو میرے اکوار پھر ہووے
کدوکا میرا من انج لوچدا ہے یا رسول اللہ ﷺ

بڑا ای مان ہے مینوں خدا جانے مقدر تے
کرم تھاڈے سدا ہی گھیریا ہے یا رسول اللہ ﷺ

عمر غنی

ﷺ

ازل توں میریاں سوچاں دا محور یا رسول اللہ ﷺ
 تساڈا نام شافعی روزِ محشر یا رسول اللہ ﷺ
 خدا نے آپؐ نوں گھلیا جہاں دی راہنمائی لئی
 بنایا آپؐ نوں سمھناں دا رہبر یا رسول اللہ ﷺ
 نبیؐ دے آن توں پہلاں سی ایہ کعبہ صنم خانہ
 تساں اس نوں بنایا ربؐ دا گھر یا رسول اللہ ﷺ
 حبیبِ کبریا دے لئی بنائے نہیں جہاں سارے
 بنایا آپؐ نوں سمھناں توں بہتر یا رسول اللہ ﷺ
 عبادت ربؐ دی انج کیتی خدا نے آپؐ فرمایا
 میرے پیارے تھوڑا آرام دی کر یا رسول اللہ ﷺ
 بھرم رکھنا ثنا خواں دا قبر تے حشر وچ مولا
 ڈراؤندا خواب وچ مینوں ادھ منظر یا رسول اللہ ﷺ
 ونے راتیں تساڈے شہر آون لئی دعا کرتاں
 ثنا خواں آپؐ دا ساتی اے مضطر یا رسول اللہ ﷺ
 غلام رسول ساتی



صلی اللہ علیہ وسلم

میں چاہندا ہاں مدینے میں وی آواں یا رسول اللہ ﷺ
 حرم وچ بیٹھ کے نعتاں سناواں یا رسول اللہ ﷺ
 میں غارِ ثور وچ جا کے نمازاں نت پڑھاں اوتھے
 کرو منظور بے میریاں دعاواں یا رسول اللہ ﷺ
 حرا بدر و احد نالے میں طائف نوں وی جا دیکھاں
 مرے اتے بے ہو جاوَن عطاواں یا رسول اللہ ﷺ
 غماں دی دھپ دے وچ سڑدے ہوئے بوئے بچاؤ چا
 مری دھرتی تے چھا جاوَن گھٹاواں یا رسول اللہ ﷺ
 نبی دے دین لئی بے ایہ حیاتی کم آ جاوے
 میں سب کجھ وار کے کجھ نہ بچاواں یا رسول اللہ ﷺ
 مرے اندر بلالی روح پیدا کر دیہو آقا
 مینوں مل جان سلمانی وفاواں یا رسول اللہ ﷺ
 تساڈی ذات اقدس ہی وسیلہ اے شفاعت وا
 تساں ای بخشاؤ گے خطاواں یا رسول اللہ ﷺ
 میں خیر جا کے دیکھاں گا جتھے آقا دے پینڈے سن
 انہاں راہواں دے وچ اکھیاں وچھاواں یا رسول اللہ ﷺ
 جہاں تھاواں تے آقا نے خدا دا دین پھیلایا
 مدینے جا کے میں دیکھاں اوہ تھاواں یا رسول اللہ ﷺ
 مدینے مینوں بلواؤ میرا ویلا آخری اے
 اڈیکاں وچ اکھر گئیاں نیں ساہواں یا رسول اللہ ﷺ
 ڈاکٹر غلام شبیر رانا

صلی اللہ علیہ وسلم

ترے سوہنے نگر چوں ہو کے آئی یار رسول اللہ ﷺ
 صبا خوشبو نوں کٹھیاں کر لیائی یار رسول اللہ ﷺ
 دلاں دے گملیاں وچ حب تری نے نال رتجھاں دے
 پھیری نور دے پھلاں دی لائی یار رسول اللہ ﷺ
 سہیڑی چاکری جیہنے تری اوہ بھاگ والا اے
 جھب اوہدی دور ہووے بے نوائی یار رسول اللہ ﷺ
 عقیدت تھیں وضو کر کے جدو کا نعت لکھنا ہاں
 ہوئی اکھراں دی حرمت وی سوائی یار رسول اللہ ﷺ
 دے راتیں کراں صلی علیٰ دا ورد میں شوقوں
 ہے کیہڑی ایس توں ودھ کے کمائی یار رسول اللہ ﷺ
 کوئی وی قبر وچ دھڑکو نہیں رہنا کسے ویلے
 جے دل اندر تری الفت سمائی یار رسول اللہ ﷺ
 ترے اس ذکر پیارے نے مری سنسار دے اندر
 اچیچی شان تے شوکت ودھائی یار رسول اللہ ﷺ
 ملک غلام فرید شوکت

ﷺ

تسین او سارے عالم دا ای حملا یا رسول اللہ ﷺ
میں کیوں نہ آپ دا منگاں وسیلا یا رسول اللہ ﷺ

ہے سارے دا ای سارا آپ دا اخلاق ایہ قرآن
تساں پائے نیں اوصاف جمیلا یا رسول اللہ ﷺ

نہ ہویا اے نہ ہونا ایہ کدے کوئی ہاشمی ورگا
ہے افضل آپ دا جگ تے قبیلا یا رسول اللہ ﷺ

جدوں توں ایہناں مرکز نوں تے مقصد نوں بھلایا اے
مسلمان ہو گئے نیں تیتلا تیتلا یا رسول اللہ ﷺ

عمر ساری کئی اے وچ گناہاں ایہناں فکراں توں
تیرے بسمل دا ہویا رنگ پیلا یا رسول اللہ ﷺ

غلام مصطفیٰ بسمل

ﷺ

غربی آن نہیں دیندی بہاراں یا رسول اللہ ﷺ
 میں اٹھدے بٹھدے سوچاں وچاراں یا رسول اللہ ﷺ
 تہاڑی یاد دے دیوے جلا کے تارے گن گن کے
 غماں دی رات اکھیاں وچ گزاراں یا رسول اللہ ﷺ
 کتے رحمت دا سایہ تان دے میری حیاتی تے
 کلیجا ساڑدے دکھڑے ہزاراں یا رسول اللہ ﷺ
 اسیں تانہنگاں اڑیکاں لا کے راہواں وچ کھلوتے آں
 کدی موڑو گے ایدھر وی مہاراں یا رسول اللہ ﷺ
 کتے میرے جے بے بس دی قسمت وی چمک اٹھے
 مدینے وچ کتے مل جان ٹھاہراں یا رسول اللہ ﷺ
 تسیں مشکل کشا میرے تسیں حاجت روا میرے
 تساڈا ہو کے کیوں دنیا چ ہاراں یا رسول اللہ ﷺ
 کسے کہڑے نوں لے جاوے صبا شاید مدینے ول
 میں موتی ہنجواں دے پیا کھلاراں یا رسول اللہ ﷺ
 غلام مصطفیٰ ہاں آپ دا ادنیٰ سوالی ہاں
 تساں دے پیارتھیں گھر نوں سنواراں یا رسول اللہ ﷺ

غلام مصطفیٰ زار

صلی اللہ علیہ وسلم

کوئی دکھیاں دیاں لیندا نہ ساراں یا رسول اللہ ﷺ
 تساں بن کون اے جنہوں پکاراں یا رسول اللہ ﷺ
 کدوں ہاں سی انج آؤندے کسے ذی روح دے بلھاں تے
 تسیں آئے تے آئیاں نیں بہاراں یا رسول اللہ ﷺ
 زمانہ سہکدا سی ظلم دی بے درد مٹھی وچ
 تساں دتیاں نیں ہر ظالم نوں ہاراں یا رسول اللہ ﷺ
 بڑی سخی پٹی لگدی اے وادی روح دی مولا!
 اکھاں وچ وس کھیاں رتجھاں ہزاراں یا رسول اللہ ﷺ
 خدا بخشے کدی توفیق جے مینوں حضوری دی
 ایہ سڑیا ہجر تھیں سینہ میں ٹھاراں یا رسول اللہ ﷺ
 جتھوں ملیا زمانے نوں خزانہ علم و حکمت دا
 میں اوتھے فکر اپنی جا نکھاراں یا رسول اللہ ﷺ
 قمر دے دل نگاہ لطف ہن سرکار ہو جاوے
 نذر نعتاں دی ڈالی نت گزاراں یا رسول اللہ ﷺ
 غلام مصطفیٰ قمر

.....☆☆.....

ﷺ

مینوں دربار اپنے وچ بلانا یا رسول اللہ ﷺ
جناب اپنی دے وچوں خیر پانا یا رسول اللہ ﷺ

زباں صفتاں نہ کر سکی قلم نعتاں نہ لکھ سکی
توئیں کونین وچ میرا مہانا یا رسول اللہ ﷺ

کدی وچ خواب دے دیہو لقا اپنا پیا میرے
طفیل فاطمہ زیارت کرانا یا رسول اللہ ﷺ

جے ہوں پر اڈاری مار جاواں ول مدینے میں
مینوں لہ روضہ چا دکھانا یا رسول اللہ ﷺ

میں مٹرگاں نال جھاڑو کر اٹھاواں فیض مصطفوی
طواف روضہ اقدس کرانا یا رسول اللہ ﷺ

اگرچہ ساہیال اندر ہے نوشاہی تیرا عاشق
مزار اس دی مدینے وچ بنانا یا رسول اللہ ﷺ
مولانا سید غلام مصطفیٰ نوشاہی

صلی اللہ علیہ وسلم

مرے بلھاں تے رہندا ایہو نعر ا یارسول اللہ ﷺ
 تساں ہو دین و دنیا دا سہارا یارسول اللہ ﷺ
 تسیں رحمت جہانناں دی تسیں سرور رسولاں دے
 تساں لئی رب نے کیتا اے پیارا یارسول اللہ ﷺ
 غریباں بیکساں نالے یتیمیاں دے تسیں وارث
 انہاں نے ملیا تہاڈا دوارا یارسول اللہ ﷺ
 جہڑی راہواں توں لنگھ جاندے اوہ رستے مہکدے رہندے
 چمکدا اوہناں دی قسمت دا تارا یارسول اللہ ﷺ
 رکھو ماں باپ توں ودھ کے محبت آپ دی لوکو
 بنے گی ساڈی بخشش دا ایہ چارا یارسول اللہ ﷺ
 خدا نوں کلیاں منو کدی نہ شرک وچ پینا
 وجایا ہے تساں ایہو نقارا یارسول اللہ ﷺ
 محبت آپ دی دوہیں جہانیں سرخرو کردی
 ایہو گل آکھدا گلشن وچارا یارسول اللہ ﷺ
 فضل حق گلشن

صلی اللہ علیہ وسلم

تری خاطر بنی ایہ سب خدائی یا رسول اللہ ﷺ
 تے ہر شے وچ تری جلوہ نمائی یا رسول اللہ ﷺ
 ایہ سورج جن ستارے جو دنے راتیں چمک دے نیں
 چمک سب نے تیرے نوروں ہی پائی یا رسول اللہ ﷺ
 نبی جنے وی آئے حضرت آدم توں عیسیٰؑ تک
 بیاں کر دے گئے تیری بڑائی یا رسول اللہ ﷺ
 ایہ جا کے لا مکاں اتے خدا نوں دیکھنا رج کے
 کسے نے ہو رہیں ایہ شان پائی یا رسول اللہ ﷺ
 میں ٹھوکر مار دے دیکھے جہاں دی کج کلاہی نوں
 جہاں پائی ترے در دی گدائی یا رسول اللہ ﷺ
 گنہگاراں تے سنیا ایں کہ دن محشر دا بھارا اے
 دُہائی یا رسول اللہ دُہائی یا رسول اللہ ﷺ
 بلاؤ فیض نوں قدماں چج صدقہ اپنے یاراں دا
 جہاں تے توڑ تک یاری نبھائی یا رسول اللہ ﷺ
 فیض چشتی

.....☆☆.....

ﷺ

جہدے لب تے تہاڑی نعت ہوندی یا رسول اللہ ﷺ
 کرم دی اوس تے برسات ہوندی یا رسول اللہ ﷺ
 اوہ مونہہ دلشاد رہندے نیں اوہ گھر آباد رہندے نیں
 جتھے بس آپ دی گل بات ہوندی یا رسول اللہ ﷺ
 گدا تے فر گدا نیں جہاں نوں منکن دا چج ناہیں
 عطا اوہناں نوں وی خیرات ہوندی یا رسول اللہ ﷺ
 میں کاہنوں ڈکو ڈولے کھاوندا جیون دے پینڈے وچ
 کدی میں دل وی جے اک جہات ہوندی یا رسول اللہ ﷺ
 جیویں دن چڑھ پیا اے ایویں ای محسوس ہوندا اے
 مدینے وچ جدوں وی رات ہوندی یا رسول اللہ ﷺ
 نہ کوئی شے بنانی سی نہ ظاہر ہونا سی رب نے
 جے پیدا نہ تہاڑی ذات ہوندی یا رسول اللہ ﷺ
 وسیلہ آپ دے ناں دا جے کم نہ آوندا میرے
 دکھاں درداں نوں کیویں مات ہوندی یا رسول اللہ ﷺ

تہاڈا ذکر کر کر کے تہاڈا نام لے لے کے
 غلاماں دی گزر اوقات ہوندی یا رسول اللہ ﷺ
 بلند اللہ نے کیجا آپ لئی ذکر آپ دا بے شک
 ثناء سرکار دی دن رات ہوندی یا رسول اللہ ﷺ
 جیہڑی بن جاوندی میرے لئی بخشش دا سرٹاواں
 کوئی ایسی وی میتھوں نعت ہوندی یا رسول اللہ ﷺ
 جے امت آپ دے اسوے توں نہ مونہہ موڑ دی آقا
 نہ اج ایہ صورت حالات ہوندی یا رسول اللہ ﷺ
 ادب تے شوق نال فیضان کر دا پیش خدمت وچ
 کدی پلے کوئی سوغات ہوندی یا رسول اللہ ﷺ

فیض رسول فیضان

ﷺ

تمنا اے ترے درتے میں آواں یا رسول اللہ ﷺ
کدی مڑ دیں نوں واپس نہ جاواں یا رسول اللہ ﷺ

نمانا دل مرا عرصے توں ایہو تاہنگ رکھدا اے
ترے روضے تے میں نعتاں سناواں یا رسول اللہ ﷺ

دروود پاک دے صدقے ہمیشہ دور ہو جاو
مسلماناں دے سرتوں سب بلاواں یا رسول اللہ ﷺ

تھاڑے جتھے جتھے وی قدم لگے مرے آقا
مبارک تے مقدس نہیں اوہ تھاواں یا رسول اللہ ﷺ

خدا نے اک نمونہ آکھیا اے تیری سیرت نوں
میں لہنوں کیوں نہ پھر رہبر بناواں یا رسول اللہ ﷺ

قمر دی موت ویلے نام تیرا ہووے بلھاں تے
میں منگاں رات دن ایہو دعاواں یا رسول اللہ ﷺ

قمر حجازی

صلی اللہ علیہ وسلم

تمنا حاضری دی ایہ مرے دل وچ درینہ یا رسول اللہ ﷺ
اجازت دیو تے آ ویکھاں مدینہ یا رسول اللہ ﷺ

مدینے ورھدیاں دم دم خدائی رحمتاں چھم چھم
مدینہ اے عطاواں دا خزینہ یا رسول اللہ ﷺ

جے میرے سرتے وی پے جائے آقا دھول طیبہ دی
مری مٹی وی بن جاوے نگینہ یا رسول اللہ ﷺ

جدوں سوہنے مدینے شہر نوں زائر چلے جاندے
نہ آوے اشک روکن دا قرینہ یا رسول اللہ ﷺ

غماں دے بحر وچ امت نمائی ڈبدی جاندی اے
کنارے تیک پونچاؤ سفینہ یا رسول اللہ ﷺ

کرم دی اک نظر کاشف تے جے سرکار فرماؤ
ایہدا سینہ وی ہو جاوے مدینہ یا رسول اللہ ﷺ
رانا کاشف کاشف کاشف

صلی اللہ علیہ وسلم

کے راتی جے ہو جاوے عنایت یا رسول اللہ ﷺ
 شرف پاوے مرا شوق زیارت یا رسول اللہ ﷺ
 مری ایہ چشم وی دیکھے تہاڈا حسن لافانی
 جویں ہے ام معبد توں روایت یا رسول اللہ ﷺ
 تہاڈی اک تے پرانوار صحب دا ملے حصہ
 تے نطق خاص دی ہوونے سماعت یا رسول اللہ ﷺ
 بنا دتے ابوبکرؓ و عمرؓ جس فیض تھیں آقاؐ
 کدی آوے اساں تے وی اوہ سماعت یا رسول اللہ ﷺ
 جمیع اسمائے مولا دی ملے تعلیم و تربیت
 تے بخشو طاقت بار امانت یا رسول اللہ ﷺ
 تسیں شاہ نبوت او تے ہر اک دور دے اندر
 رواں اے آپ دا بحر سخاوت یا رسول اللہ ﷺ
 نگاہ لطف ہو جاوے زوالِ محبت امت تے
 خدا بخشے برے عملاں دی شامت یا رسول اللہ ﷺ

زمانہ کھا کے گردش مڑ کے ایسی نہج تے آوے
 کہ پھر آوے تہاڈا دور طاعت یار رسول اللہ ﷺ
 تہاڈا کوڑ دانش جہاں نوں زندگی بخشے
 کہ ہوراں دا نشاں وچ ہے ہلاکت یار رسول اللہ ﷺ
 تہاڈے اسوۂ حسنہ دا پھر شمعان ہو جاوے
 ہمیرا پا کے بیٹھی اے جہالت یار رسول اللہ ﷺ
 جدوں تک آپ دے فیضان دا جھنڈا اے دنیا تے
 زمیں آسمان نیں تہ تک سلامت یار رسول اللہ ﷺ
 دیہاڑے حشر دے شاہا! غلامی دی سند بخشو
 بہ لطف خاص فرماؤ شفاعت یار رسول اللہ ﷺ
 خدا جنت جتھاں دیوے تے اوتھے وی عطا ہووے
 تہاڈی بزم اعلیٰ دی رفاقت یار رسول اللہ ﷺ
 سدا روشن رہوے مظہر دے باطن دے جہان اندر
 تہاڈے رخ دا خورشید ہدایت یار رسول اللہ ﷺ

سید محمد کبیر احمد مظہر



صلی اللہ علیہ وسلم

تری چوکھٹ دے نیں سب نوں سہارے یا رسول اللہ ﷺ
 ایہ بگڑی کون بن تیرے سنوارے یا رسول اللہ ﷺ
 ترے روضے دی جالی چوں پئے دوروں ای دسدے نیں
 خدا دے نور دے جلوئے نظارے یا رسول اللہ ﷺ
 مری ساری حیاتی دا نیں سرمایہ اوہو لمحے
 ترے گنبد دی چھاویں جو گزارے یا رسول اللہ ﷺ
 گناہواں دی ہنھیری توں بچا لینا مرے آقا
 میں ڈگدا آ گیا تیرے دوارے یا رسول اللہ ﷺ
 نگاہواں تیریاں وگڑی کروڑاں دی بنائی اے
 مرے ولے وی رحمت دے اشارے یا رسول اللہ ﷺ
 نہ ہو کے مکدے میرے ' نہ ہنجو سکدے میرے
 گناہواں دے بڑے نیں بھار بھارے یا رسول اللہ ﷺ
 جدوں ویکھاں مدینے ول جاندا قافلہ کوئی
 مرے دل تے بڑے چلدے نیں آرے یا رسول اللہ ﷺ
 کلیجے ٹھنڈ پے جاندی ' نظر نوں چین مل جاندا
 جدوں پہنچے کوئی تیرے دوارے یا رسول اللہ ﷺ

اوہ ذرے پاک جہاں نوں مدینے نال نسبت اے
 انہاں تے رشک کردے چن تارے یا رسول اللہ ﷺ
 ترا فرمان غیا بدلاں ' روڑاں تے چن سب نے
 جدھے ولے وی کہتے نیں اشارے یا رسول اللہ ﷺ
 نماں تے کرو نظراں ' بلا لو پاک روضے تے
 بڑے روندے غماندے نیں مارے یا رسول اللہ ﷺ
 ترے دربار عالی توں جدا میں کس طرح ہوواں
 پئے آؤندے نیں جنت دے ہلارے یا رسول اللہ ﷺ
 کریں شان تیری توں میں ازلوں آس رکھی اے
 کدی دیدار ہو جاوے ' پیارے یا رسول اللہ ﷺ
 مرے ساہواں دی تسبیح تے ترا ای ورد جاری اے
 میں تیرے نام توں دل جان وارے یا رسول اللہ ﷺ
 جنہوں اک گھٹ وی ملیا تری نظراں دی مستی دا
 انہوں کوثر دے آ جاندے ہلارے یا رسول اللہ ﷺ
 مرا دم آخری نکلے کلیم اس پاک روضے تے
 مرا دل ہر گھڑی ایہو پکارے یا رسول اللہ ﷺ

کلیم شہزاد

ﷺ

مرے غم دا وی سن تے لے فسانہ یا رسول اللہ ﷺ
ترے در تے ہے جھکدا سبھ زمانہ یا رسول اللہ ﷺ

نظر آوے جیہڑی ٹہنی توں مینوں گنبد خضریٰ
اوہا ٹہنی بنالال آشیانہ یا رسول اللہ ﷺ

ترے در تے جیہڑا آوے اوہ خالی جا نہیں سکدا
اتھاں لبھدا اے رحمت دا خزانہ یا رسول اللہ ﷺ

میں تیرا نام لیناواں تے بیڑا پار ہو جائے
جدوں وی غم دا بنیا میں نشانہ یا رسول اللہ ﷺ

گل شیر اختر شبیر

.....☆☆.....

صلی اللہ علیہ وسلم

ترے در و سوالی ہاں سدا میں یا رسول اللہ ﷺ
مینوں ہے ناز ہاں تیرا گدا میں یا رسول اللہ ﷺ

میں اس امید تے شاہد کدی وی بخشیا جاواں
تائیں تیری ہی کروا ہاں ثناء میں یا رسول اللہ ﷺ

ایہا حسرت پئی کھاندی مدینہ پاک جا دیکھاں
تری گلیاں دی چھو لاں بس ہوا میں یا رسول اللہ ﷺ

ترے قدماں دے وچ آقا ہووے جے موت محسن دی
ایہا تاں آخری سنگناں دعا میں یا رسول اللہ ﷺ
محسن عباس محسن

.....☆☆.....

صلی اللہ علیہ وسلم

تمنا اے میں در تے فیر آواں یا رسول اللہ ﷺ
 ہجر دے زخم میں تینوں دکھاواں یا رسول اللہ ﷺ
 جدوں روغنے توں ہو یا دور کیہ دساں کہ کیہ گزری
 مرے لوں لوں چوں نکلن فیر ہاواں یا رسول اللہ ﷺ
 مری دنیا ایہ دنیا نہیں مری جنت حرم تیرا
 ہجر دے رات دن میں گیت گاواں یا رسول اللہ ﷺ
 کرم تیرا کینے تے جو ہو یا پھر کرم کر دے
 سبز گنبد تے پھر نظراں جماواں یا رسول اللہ ﷺ
 تری چوکھٹ تے بیٹھا ساں اٹھایا میرے بختاں میں
 کرو نظر کرم سر پر نے آواں یا رسول اللہ ﷺ
 ترے باجھوں وسیلہ نہ مرا دنیا تے عقبی وج
 وسیلہ تیرے عاشق دا میں پاواں یا رسول اللہ ﷺ
 کدی دیکھو تے صوفی نوں وی دسو حاضر و ناظر
 کیوں باقی حیاتی نوں لنگھاواں یا رسول اللہ ﷺ
 صوفی محمد الدین چشتی نظامی

ﷺ

کدے درتے بلاؤ تے میں آواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 تری محفل دے وچ آقا ترے حسان وی ہوں
 علیؑ بوکرؑ و عمر فاروقؑ تے عثمانؑ وی ہوں
 بھری محفل دے وچ نعتاں سناواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 زمین و آسماں جھک کے جیہدی تعظیم کر دے نہیں
 نبی وی جیسیں دی عظمت نوں پئے تسلیم کر دے نہیں
 ترے ای گیت تھاں تھاں تے میں گاواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 دینہ میری قسمت وچ کدے اک وار ہو جائے
 غماں دے بحر چوں میری وی بیڑی پار ہو جائے
 میں منگاں ہر گھڑی ایہو دعاواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 مدینے جے بلاؤ تے میں ویکھاں سوہنیاں گلیاں
 بھلے میرے وی دن ہوں تے بھلیاں ہوں وی راتاں
 مدینے ای مکن باقی جے ساہواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 سید محمود ساقی

صلی اللہ علیہ وسلم

کدی خواباں دے وچ صورت وکھاؤ یا رسول اللہ ﷺ
میرے گھر وی قدم رکھو تے آؤ یا رسول اللہ ﷺ

تھاڑے دم قدم نال ساری دنیاوی بہاراں نیں
مرے دل وچ وی اپنا نور پاؤ یا رسول اللہ ﷺ

خدا فر اپنے بندیاں توں بڑا ناراض لگدا اے
سماناں تے خدا نوں فر مناؤ یا رسول اللہ ﷺ

زمانے وچ تے دھوکے بازاں دا مڑزور چڑھیا اے
تفکر تے تنکدر توں بچاؤ یا رسول اللہ ﷺ

میں خواباں وچ پھلاں دے نال راہواں سوہنیاں کرساں
مری مرضی اے اکھاں وچ سماؤ یا رسول اللہ ﷺ

مسعود ہاشمی

.....☆☆.....

ﷺ

دراڑے رہ کے نہیں ہندا گزارا یا رسول اللہ ﷺ
 بلا لو کول مینوں وی خدارا یا رسول اللہ ﷺ
 بھلیکھے پندھ دے نے کھا لیا عمراں دے پینڈے نوں
 کوئی لبھا نہ خشیاں دا دیہاڑا یا رسول اللہ ﷺ
 غماں دے وچ دریا دے پئی ہستی مری ڈولے
 تہاڑے تکیاں لہدا کنارا یا رسول اللہ ﷺ
 کسے جوگا تے نہیں چھڈیا مینوں میری حیاتی نے
 کراں تے کیہ کراں بختاں دا مارا یا رسول اللہ ﷺ
 کرم دی جہات پاؤ تے ہمیرے دور ہو جاوَن
 چمک جاوے مقدر دا ستارا یا رسول اللہ ﷺ
 عطا ہمت کرو مینوں کراں سربندھ آون دا
 کراں جی بھر کے روضے دا نظارا یا رسول اللہ ﷺ
 بڑے چہ توں معراج آسی اے سوہنے درنوں ویکھن دا
 کدوں آوے گا درشن دا بلارا یا رسول اللہ ﷺ
 معراج انصاری

.....☆☆.....

صلی اللہ علیہ وسلم

میں ہر ویلے کریندا ہاں دعاواں یار رسول اللہ ﷺ
بلا لو جے مدینے میں وی آواں یار رسول اللہ ﷺ

نہ جھاکاں میں کدے وی غیر دے ولے حیاتی بھر
محبت آپ دی ہر دم ہنڈاواں یار رسول اللہ ﷺ

تساتھوں دور ہو کے ہوگئی اے زندگی اوکھی
چھیرا گھیر کھڑیاں نہیں بلاواں یار رسول اللہ ﷺ

تساڈے در توں نہ منگاں تے منگاں ہور میں کتھوں
گدا ہاں میں کیوں خالی پرت جاواں یار رسول اللہ ﷺ

چجر نہ حال میرے تے تسیں کجھ رحم فرماؤ
میں دکھاں توں کوں پلا چھڈاواں یار رسول اللہ ﷺ

عطا رحمت دی چادر ہووے جے حسان دے وانگوں
بصیری وانگراں مقصود پاواں یار رسول اللہ ﷺ
مقصود ناصر چودھری

صلی اللہ علیہ وسلم

مدد فرماؤ تا ساڈی خدارا یارسول اللہ ﷺ
 بناں ایہدے نہیں ساڈا گزارا یارسول اللہ ﷺ
 کدی آساں دے باغاں وچ بہاراں دا گزر ہووے
 کدی کریئے مدینے دا نظارا یارسول اللہ ﷺ
 اک ایسا انقلاب آوے جے من موجاں دی وتی وچ
 نظر آوے تہاڈا عکس پیارا یارسول اللہ ﷺ
 تہاڈی مہربانی جے اسانوں اذن دے دیندی
 بدل دیندے زمانے دا ایہ دھارا یارسول اللہ ﷺ
 اساں سووے جو کہتے نیں ایہ ہے افسوس اوہناں وچ
 خسارا ای خسارا اے خسارا یارسول اللہ ﷺ
 اسیں وی دھون اچی کر کے ٹریئے فیر اک داری
 ملے قوماں دے وچ عزت دوبارا یارسول اللہ ﷺ
 دعا خالد دی اے جنہوں گرا دتا اے خود غرضی
 بنے مڑ کے وفا دا اوہ چبارا یارسول اللہ ﷺ

پروفیسر سید منصور احمد خالد

صلی اللہ علیہ وسلم

نہیں بھل دا مدینے دا نظارا یا رسول اللہ ﷺ
 اے اکھاں دے وج روضہ اے پیارا یا رسول اللہ ﷺ
 ہزاراں شہر دنیا تے نرالے توں نرالے نہیں
 مگر رتبہ مدینے دا نیارا یا رسول اللہ ﷺ
 جو زائر نہیں اوہ بخشے جان گے مَن زارِ وج آیا
 شفاعت دا ہے واضح ایہ اشارا یا رسول اللہ ﷺ
 کدوں رج رج کے ویکھاں گا اوہ جلوئے تیری نگری دے
 کدوں آوے گی پھر فاری دوبارا یا رسول اللہ ﷺ
 کدوں ہن پھر بلاؤ گے کدوں حسرت مٹاؤ گے
 کرو نظر کرم جلدی خدارا یا رسول اللہ ﷺ
 میں ہاں منگتا تیرے در تے نہیں واقف کسے در دا
 دو جگ اندر توں ای میرا سہارا یا رسول اللہ ﷺ
 خدا جاؤک کہہ کے تیرا در سانوں وکھاندا اے
 کہ بخشش لئی اے کافی ایہ دوارا یا رسول اللہ ﷺ
 بناں تیری محبت دے عبادت راگیاں ساری
 بناں تیرے جہاں برباد سارا یا رسول اللہ ﷺ
 بھرم منظور نوری دا رہوے میدانِ محشر وج
 نہ کھاوے ٹھوکراں در در دا مارا یا رسول اللہ ﷺ

مولانا منظور احمد نوری

ﷺ

عمر بھر تیریاں نعتاں سناواں یا رسول اللہ ﷺ
جشن میلاد میں ہر دم مناواں یا رسول اللہ ﷺ

ایہ نعتاں تیریاں دے نال ہے قرآن سب بھریا
میں چم چم کے تے سینے نال لاواں یا رسول اللہ ﷺ

کدی آوے جے مینوں وی بلاوا شہر طیبہ چوں
ترا در چھوڑ کے نہ دور جاواں یا رسول اللہ ﷺ

مرے دل وانگراں ساڑے مرے لیکھاں دی مجبوری
ہجر دی اگ نوں کیویں بجھاواں یا رسول اللہ ﷺ

کدی خواہاں چ آ جاؤ مری قسمت جگا جاؤ
کرے منظور بغدادی صداواں یا رسول اللہ ﷺ
منظور الحسن بغدادی

.....☆☆.....

ﷺ

کتے ڈب جان نہ آساں دے ایہ تارے یا رسول اللہ ﷺ
تری رحمت مدینے ول پکارے یا رسول اللہ ﷺ

تخیل نے نظارے آپ دے دیدار دے کیجے
ترسدے رہ گئے دیدے وچارے یا رسول اللہ ﷺ

ایہ دل دی شاخ تے سدھراں دی بلبل کوکدی ہر دم
کدوں باناں گے طیبہ دے نظارے یا رسول اللہ ﷺ

میری اکھیاں نوں ہر پاسے اوہی دلبر نظر آوے
چڑھاں کجھ عشق دے ایسے چو بارے یا رسول اللہ ﷺ

جدوں وی اکھ بیٹاں آپ دے قداماں جج سر ہووے
لواں میں ایسی نیندر دے ہلارے یا رسول اللہ ﷺ

منور اوہ حیاتی ہے جو تیری تانگھ وچ گذرے
مرن توں بعد مٹی وی پکارے یا رسول اللہ ﷺ

پروفیسر منور غنی

ﷺ

کراں میں کس طرح تیرا نظارا یا رسول اللہ ﷺ
 گیا واں ہار میں کر کے چارا یا رسول اللہ ﷺ
 بڑا اے شوق مینوں وی مدینے دا کدے ویکھاں
 تساں دا شہر شہراں چوں پیارا یا رسول اللہ ﷺ
 جگا دے لیکھ میرے وی کرم دی اک نگاہ کر کے
 کرو کوئی کدے مینوں اشارا یا رسول اللہ ﷺ
 لواں میں ناں جدوں تیرا خوشی وچ غم بدلے نہیں
 ہے میرے واسطے کافی سہارا یا رسول اللہ ﷺ
 تساں دی یاد سینے نوں کبرے روشن جدوں آوے
 چمک دا اے نصیباں دا ستارا یا رسول اللہ ﷺ
 جدوں میں نعت کہناواں تے ایہ محسوس ہوندا اے
 کھڑا ہاں آپ دا مل کے دوارا یا رسول اللہ ﷺ
 غلامی آپ دی جیکر عطا مینوں منیر ہووے
 لٹاواں آپ توں گھر بار سارا یا رسول اللہ ﷺ
 منیر احمد کمال

.....☆☆.....

ﷺ

جگر دے زخم کس کس نوں دکھاواں یا رسول اللہ ﷺ
غزوں دا حال کس کس نوں سناواں یا رسول اللہ ﷺ

میرے ہو کے مینوں رسوا نہ کر جاوَن کدے آقا
دبا رکھاں گا کد تیکر میں ہاواں یا رسول اللہ ﷺ

میں جتھوں تک نظر پاناواں اک ظالم ہمیرا اے
میں نومیدی دے صحرا وچ کھڑا ہاں یا رسول اللہ ﷺ

محبت دور دریا دے کنارے تے کھلوتی اے
اج انساں دی نفرت توں پریشاں یا رسول اللہ ﷺ

خدا دے حکم توں مونہہ موڑ کے آوارہ پھرنے آں
تے ہن منزل دا نہیں کوئی وی امکاں یا رسول اللہ ﷺ
پروفیسر منیر الحق کعبی

.....☆☆.....

ﷺ

مری وگڑی بناویں یا رسول اللہ ﷺ
تے کول اپنے بلاویں یا رسول اللہ ﷺ

تینوں لجاں تے شرماں ساریاں ای نیں
بیڑی بنے توں لاویں یا رسول اللہ ﷺ

کرم تیرے دیاں چھاواں نیں سب اتے
کرم میتھے کماویں یا رسول اللہ ﷺ

توں ہر منگتے نوں ہر ویلے پیا دیویں
مینوں وی خیر پاویں یا رسول اللہ ﷺ

خطاواں معاف شاہد دیاں کر دے
مدینے ول بلاویں یا رسول اللہ ﷺ

ڈکڑ مہر الدین شاہد

.....☆☆.....

ﷺ

کدی میری وی سن لو آہ و زاری یا رسول اللہ ﷺ
ترسدی بیت چلی عمر ساری یا رسول اللہ ﷺ

خدارا آخری دیدار مینوں آکے دے جانا
نزع دا وقت جو ہو جائے ظاری یا رسول اللہ ﷺ

تساں دا آسرا امٹ دے آخر کم آؤنا ایں
جدوں محشر دا ہوسی وقت بھاری یا رسول اللہ ﷺ

میں سنیا اے غریباں دل سواری آپ دی ہوندی
مرے گھر وی کدے آوے سواری یا رسول اللہ ﷺ

میں حسرت نال نادر ویکھدا رہندا ہاں راہیاں نوں
مدینے دی جدوں کردے تیاری یا رسول اللہ ﷺ

نادر جاجوی

ﷺ

دیاں میں رات دن تیری دُہائی یارسول اللہ ﷺ
 مدینے جان دی واری نہ آئی یارسول اللہ ﷺ
 میں کچھلی رات نوں اٹھ کے پروواں ہار ہنجواں دے
 جدوں سکھ نال سوں جاندی خدائی یارسول اللہ ﷺ
 جو تک لیندا اے اک واری کسے ول فیر نہیں تکر
 تری صورت خدا نے انج بنائی یارسول اللہ ﷺ
 فرشتے جھوم اٹھے آسماناں تے قسم تیری
 غلاماں نے جدوں محفل سجائی یارسول اللہ ﷺ
 کدی تے آپ خود آ کے میری کلی سجاؤ گے
 کدی تے گھر چوں لکھے گی جدائی یارسول اللہ ﷺ
 ستارے آسماناں تے چھپاون لگ پئے چہرے
 نگاہ اپنی تساں جس دم اٹھائی یارسول اللہ ﷺ
 ثناء خوانی دا ملایا اے جدوں دا شرف ناصر نوں
 کدی لب تے نہ آئی گل پرانی یارسول اللہ ﷺ
 سید ناصر چشتی

صلی اللہ علیہ وسلم

نہ جنت دا اے چاء مینوں نہ حوراں یا رسول اللہ ﷺ
 پر ہر تھاں تیریاں سانوں نیں لوڑاں یا رسول اللہ ﷺ
 جہاں تکیا تسانوں مال جاں قربان کر دتے
 بناں تکیاں فدا نیں لکھ کروڑاں یا رسول اللہ ﷺ
 جتھے پئے نیں قدم تیرے اوہ دھوڑاں ہو گکیاں روشن
 قدوسی روز پئے چمن اوہ دھوڑاں یا رسول اللہ ﷺ
 نہ ایہ دنیا نہ اوہ دنیا عمری جنت مدحت تیری
 کراں میں ذکر تیرا ای نہ چھوڑاں یا رسول اللہ ﷺ
 زمانے دے کبھی سوہنے ترے دربار تے بیٹھے
 میں تیرے در بناں دیکھاں نہ ہوراں یا رسول اللہ ﷺ
 مری اس جان کلی تے ہووے بارش جے دکھاں دی
 کدی وی تیرے دلوں مونہہ نہ موڑاں یا رسول اللہ ﷺ
 تیرے ای پیار دی قندیل چمکی اے قندیل اندر
 مدینے پاک دیاں کھا کے کھجوراں یا رسول اللہ ﷺ
 محمد نثار قندیل

.....☆☆.....

ﷺ

سنو اک واری دکھیاں دی کہانی یار رسول اللہ ﷺ
ہے روندی پئی میری جندڑی نمائی یار رسول اللہ ﷺ

تیرے باجھوں سہارا کون دے آکے گناہیاں نوں
تیرے روضے دے جلوے نیں نورانی یار رسول اللہ ﷺ

مدینے پاک دی گلیاں نوں ویکھن میریاں اکھاں
ہو جاوے آس پوری ایہ پرانی یار رسول اللہ ﷺ

بڑے ای معجزے بخشے نیں تیری ذات اقدس نوں
کرو ہن عاصیاں تے مہربانی یار رسول اللہ ﷺ

سنور جاندے مقدر جے کرم دی جہات پا ویو
دیہاڑے حشر صابر نوں سہانی یار رسول اللہ ﷺ
نصر اللہ خاں صابر

.....☆☆.....

صلی اللہ علیہ وسلم

سنو معصوم ہونٹاں دے ہلارے یا رسول اللہ ﷺ
 بڑی ہی دیر توں روندے وچارے یا رسول اللہ ﷺ
 کدی بغداد تے کابل کدی کشمیر روندی اے
 انہاں نوں دے دیہو اپنے سہارے یا رسول اللہ ﷺ
 جدوں چادر کسے دی چوک وچ نیلام ہوندی اے
 اودوں حوا دی روح رو رو پکارے یا رسول اللہ ﷺ
 کدی بیت المقدس تے وی اپنی جہات پا دیو
 جتھے لاشاں دے پیندے نیں کھلارے یا رسول اللہ ﷺ
 میرے ساہواں نوں پی جاندی اے اڈدی دھوڑ بمباں دی
 میرے سینے چ بھنڈے نیں انگارے یا رسول اللہ ﷺ
 ایہ ایٹم بمب آقا جی بڑے بھکھے تے شوہدے نیں
 ایہ کھا جاندے نیں کلیاں تے چوبارے یا رسول اللہ ﷺ
 ثمر کچا ہے ایس نوں وی سنبالا دے دیہو آقا
 بڑے شہنی نوں لگدے نیں ہلارے یا رسول اللہ ﷺ
 نعیم ارشد ثمر



ﷺ

تری رحمت دا مینوں ہے سہارا یا رسول اللہ ﷺ
ہو جائے دید تیری دا نظارا یا رسول اللہ ﷺ

آواں روئے تے لاواں نال سینے سنہری جالی نوں
نہ رہ کے دور ہندا اے گزارا یا رسول اللہ ﷺ

گناہواں میریاں دی ڈولدی کشتی بھنور دے وچ
کرو نظر کرم مل جائے کنارا یا رسول اللہ ﷺ

کرم کجیا جیویں رومی تے جامی تے تساں آقا
تے چمکے نور آسی دا ستارا یا رسول اللہ ﷺ
میاں نور احمد ریحانوی

.....☆☆.....

ﷺ

نظر تک تک کے راہ تیرا اے ہاری یا رسول اللہ ﷺ
 کدوں آؤنی تساڈی اے سواری یا رسول اللہ ﷺ
 کوئی سوہنا اوہدی نظراں دے وچ نہیں فیر بچ سکا
 جسے دیکھی تری صورت پیاری یا رسول اللہ ﷺ
 سمجھ لیندا ہاں میں فوراً تاں گیسو سوارے میں
 چمن وچ جد وگے باو بہاری یا رسول اللہ ﷺ
 میں ہولا ہو گیاں لکھاں دے نالوی وی ہاں رل رل کے
 ہجرو دی ہے مصیبت سب توں بھاری یا رسول اللہ ﷺ
 میں مھسیا دانگ بلبل نفس تے شیطان دے گھیرے وچ
 ہے اتے باز تے پٹھاں شکاری یا رسول اللہ ﷺ
 قبر تے حشر دی سختی وی سب آسان ہو جاوے
 چڑھا دے عشق اپنے دی ناری یا رسول اللہ ﷺ
 ترا در چھوڑ کے جاوے تے کتھے ہو وں جاوے
 ترے دربار دا یوسف بھکاری یا رسول اللہ ﷺ
 محمد یوسف مکیہ

ﷺ

سنو جے عرض میری تے سناوااں یا رسول اللہ
 بلاوو جے مدینے تے میں آواں یا رسول اللہ
 دنے راتیں تہاڈی یاد وچ ہنجو وگاتاواں
 عطا ہوون سبز گنبد دیاں چھاواں یا رسول اللہ
 تہاڈے شہر ولوں آوندے جد قافلے ویکھاں
 مرے سینے چوں نکلن فیر ہاواں یا رسول اللہ
 ترے در دی گدائی جے ملے عاجز نمانے نوں
 زمانے بھر دے سکھ اس توں میں واراں یا رسول اللہ
 مری دولت مری پونجی ایہ چند سکے نہیں ساہواں دے
 تہاڈے رب توں ایہ وی لٹاواں یا رسول اللہ
 ترا یوسف سیہ کار اے خطار اے گناہ گار اے
 تہاڈے در توں مل جاوون پناہواں یا رسول اللہ
 محمد یوسف ورک

ﷺ

تری رحمت دے بدل بے بے یا رسول اللہ ﷺ
 ترے صدقے پیا ایہ نظم چلے یا رسول اللہ ﷺ
 خدائی ذات اے اک جیہڑی بس تیرے توں اتے اے
 ہے باقی جوئی ہے تیرے توں تھلے یا رسول اللہ ﷺ
 مدد دے واسطے فریاد اے مظلوم امت دی
 نہ جاون ظالماں دے ظلم جھلے یا رسول اللہ ﷺ
 کتوں وی قاسمی کردار دی کوئی واج نہیں آؤندی
 نہیں ہر پاسے توں قذاقاں دے بے بے یا رسول اللہ ﷺ
 قیادت دے قصوروں قافلے گمراہ ہو گئے نیں
 نہ ہن ہنجو نہ بے جان ٹھلے یا رسول اللہ ﷺ
 قبیلے قوم قوماں فیر توں ملت بنا دیو
 اسیں ہر تھاں تے رہ گئے ہو کے کھلے یا رسول اللہ ﷺ
 قلعے کردار دے ساں پر اسیں مسمار ہو گئے آں
 ندامت دے سوا کجھ وی نہیں پلے یا رسول اللہ ﷺ
 شفا اپنے کرم تے فیض دے پاروں عطا کر دے
 نیں طالب مرہماں دے زخم الے یا رسول اللہ ﷺ
 دعاواں کرن پئے کعبے دلاں دے رات دن احقر
 خدا لشکر ابابیلان دے گھلے یا رسول اللہ ﷺ

ڈاکٹر محمد یونس احقر

ﷺ

تھاڑے ہجر وچ اکھاں نیں پریم یا رسول اللہ ﷺ
مٹا دیہو وچھوڑے دا ہراک غم یا رسول اللہ ﷺ

تصور وچ میں روضے پاک دیاں جالیاں چم کے
بڑا خوش ہو کے پنچاواں دما دم یا رسول اللہ ﷺ

مرے اس دل دے بیڑے دے بنو خاں ناخدا آقا
مرے ہر پاسے نہیں غم دے تلام یا رسول اللہ ﷺ

میں جد اکھاں نوں بند کرناں مدینے پہنچ جاناواں
تھاڑا ورد کرناواں میں ہر دم یا رسول اللہ ﷺ

مری حسرت اے بس ایہو تھاڑے درتے بیٹھا رہاں
نگاہواں نیویاں تے سرنوں کر خم یا رسول اللہ ﷺ

یونس حسرت امرتسری

صلی اللہ علیہ وسلم

جے مل جاوے ترا مینوں دوارا یا رسول اللہ ﷺ
 فقیری وچ پیا ہووے گزارا یا رسول اللہ ﷺ
 تری رحمت تری شفقت تری الفت دا قائل ہاں
 کرم دی اک نظر ہووے خدا را یا رسول اللہ ﷺ
 نہ حوراں دی حرص مینوں نہ جنت دی طلب مینوں
 نظر آوے جے طیبہ دا نظارا یا رسول اللہ ﷺ
 توں ہیں یسین توں ہیں طہ منزل توں مبشر توں
 وچارے عاصیاں دا توں ای چارا یا رسول اللہ ﷺ
 مرے پلے تے کجھ وی نہیں جو توں دیویں جو توں بخشیں
 ترے ناں تے لٹا دیواں اوہ سارا یا رسول اللہ ﷺ
 تساڈے کرم تھیں ہر بار آجاناں دوارے تے
 بلاو ہن بلاو فر دوبارا یا رسول اللہ ﷺ
 حشر دا خوف نہیں زخمی نہ ڈر کوئی حساباں دا
 جدوں توں ایں نمانے دا سہارا یا رسول اللہ ﷺ
 اقبال زخمی

.....☆☆.....

ﷺ

تساڈے ہجر نے کیا اے گھائل یا رسول اللہ ﷺ
 میں کنج آواں نہ مکدے میں مسائل یا رسول اللہ ﷺ
 جھیرا ایس نوں کہناں نہ دولت اے نہ زر پے
 ایہ دل جھلا نہ من دا اے دلائل یا رسول اللہ ﷺ
 کرم ہووے کرم ہووے مرے اتے کرم ہووے
 تساڈے کرم دا ہاں میں تے قائل یا رسول اللہ ﷺ
 تسیں طہ ، تسیں یسیں ، منزل او مدر او
 گناواں آپ دے کیہ کیہ شائل یا رسول اللہ ﷺ
 گزر ہووے مدینے چوں تے میرا وی سلام آکھے
 صبا نوں کر رہیاں اس گل تے مائل یا رسول اللہ ﷺ
 بلا یوؤ بلا یوؤ مدینے فر بلا یوؤ
 غریبی راہ دے وچ ہوئی اے حائل یا رسول اللہ ﷺ
 کرو زخمی دے ولے وی نظر اک مہر دی آقا
 ترے درتوں نہ پرتے کوئی سائل یا رسول اللہ ﷺ
 اقبال زخمی

.....☆☆.....

صلی اللہ علیہ وسلم

ہجر و ج نین میرے وی نیں روندے یا رسول اللہ ﷺ
 کدے وی نیندراں بھر کے نہ سوندے یا رسول اللہ ﷺ
 دے راتیں بناں رونے دے کم نہ ہو رہجدا اے
 سدا نیں ہار ہنجواں دے پروندے یا رسول اللہ ﷺ
 جہاں دے بھاگ چنگے نیں مدینے نوں اوہ جاندے نیں
 اوہ چم کے جالیاں اکھیاں نوں لاؤندے یا رسول اللہ ﷺ
 تیرے دیوانیاں نوں لوک پاگل آکھدے اتھے
 سدا پاگل نیں اپنے غم لکاؤندے یا رسول اللہ ﷺ
 جہاں نوں تیرے دیکھن دی طلب تڑپاوندی رہندی
 اوہ راہی زستیاں وچ نہیں کھلوندے یا رسول اللہ ﷺ
 تساڈا کرم ہووے تے مدینے آوندے اوہو
 تسیں او آپ جہاں نوں بلاؤندے یا رسول اللہ ﷺ
 رلا لبندے مینوں وی نال اپنے قافلے والے
 میرے زخمی نصیب ایڈے جے ہوندے یا رسول اللہ ﷺ
 اقبال زخمی

ﷺ

کدوں مکن گیاں خورے جدائیاں یا رسول اللہ ﷺ
 مرے ناں تے اے چٹھیاں نہ آئیاں یا رسول اللہ ﷺ
 تساڈا جے اذن ہووے مدینہ فیر ویکھاں میں
 جو منزل دل جاندا اے اوہ زینہ فیر ویکھاں میں
 گھٹاواں رحمتاں دیاں جد وی چھائیاں یا رسول اللہ ﷺ
 تساڈے کرم دی آقا نظر ہوئی سوتی جے
 بلاوا فیر آوے گا میرے دل نوں تسلی جے
 اڈیکاں ہوندیاں جاون سوائیاں یا رسول اللہ ﷺ
 تصور وچ ہرے گنبد دا منظر ویکھدا رہناں
 مدینے دے گلی کوچے میں اکثر ویکھدا رہناں
 میں آساں حاضری لئی فیر لائیاں یا رسول اللہ ﷺ
 مرے ناں تے اے چٹھیاں نہ آئیاں یا رسول اللہ ﷺ
 اقبال زخمی

.....☆☆.....

ﷺ

نہ جھلی جاوندی میتھوں جدائی یار رسول اللہ ﷺ
دہائی اے دہائی اے دہائی یار رسول اللہ ﷺ

ٹرے جاندے مدینے قافلہ در قافلہ لوکیں
مری واری اے تیکر نہ آئی یار رسول اللہ ﷺ

تساڑے در توں کھاندے نیں زمانے دے گدا آقا
تے شاہواں دی تساں وگڑی بنائی یار رسول اللہ ﷺ

خدا خود آکھدا میں جرم اوہدے معاف کر دیاں
تساڑے تیک کر لے جو رسائی یار رسول اللہ ﷺ

صبا جاویں مدینے استعائے نال لے جاویں
تے آکھیں نذر زخمی نے گھلائی یار رسول اللہ ﷺ

اقبال زخمی

اصلاح الحال و اصلاح الناس

من جملہ کتب النیر

لا یکن سنا کا کان

عبدالکریم بن محمد

[illegible]